

საქართველოს სსრ მეცნიერებათა აკადემია
ფილოსოფიის ინსტიტუტი

ოთარ ჭიოჯვი

კულტურა აღაგიანის ცხოვრებაში
და ბრძოლა უარყოფით მოვლენებთან



გამომცემლობა „მეცნიერება“
თბილისი
1985

ადამიანის ცხოვრებაში ყოველთვის იყო დადებითი და უარყოფითი, კეთილი და ბოროტი, ყოველთვის იყო ბრძოლა მათ შორის. ყოველ საზოგადოებასა და ეპოქაში ეს ბრძოლა თავისებურ სახეს იღებდა. როგორია დღეს ამ ბრძოლის თავისებურება ჩვენს საზოგადოებაში, რა ასულდგმულებს უარყოფით მოვლენებს, რა იმედი შეიძლება გვექონდეს მათი დაძლევისა, რა როლი მიუძღვის კულტურას ამ ბრძოლაში და როგორი უნდა იყოს კულტურა, რომელიც ამ მოვლენების დაძლევას ისახავს მიზნად — ამის შესახებ არის საუბარი წინამდებარე წიგნში. მისი მთავარი აზრი ის არის, რომ უარყოფითი მოვლენები რთული ბუნებისაა, ისინი ადამიანის ცხოვრების მრავალ მხარესთან არიან დაკავშირებული და მათი დაძლევისკენ მიმართული მოღვაწეობაც მრავალმხრივი უნდა იყოს.

უარყოფით მოვლენებთან ბრძოლა და მასში კულტურის როლი არ შეიძლება ყველას არ აღვლევდეს და ამიტომ წიგნიც მკითხველთა ფართო წრისთვის არის განკუთვნილი.

მთელი ისტორია კაცობრიობისა ყოველგვარს სფეროში, საცა კი ადამიანს წარმატების ძლევამოსილება მიუძღვის და არ მიუძღვის, სხვა არა არის რა, ვარადა გაუთავებელის კიდილისა „ჰოსა“ და „არას“ შორის.

ი ლ ი ა

ყოველ საგანზე მსჯელობას თავისი სიძნელეები აქვს. ერთი საგანი იმთავითვე რთული და გადმოსაცემად ძნელი გვეჩვენება, მეორე ძალზე მარტივი გვეგონია და მისი საგანგებო განხილვა უსარგებლოდაც შეიძლება მივიჩნიოთ. ზოგი საგანი ადამიანის ცხოვრებისაგან დაშორებულია, ზოგიც ყოველდღიური ცხოვრების შუაგულშია, ადამიანები სისხლხორცეულად არიან მათით დაინტერესებული, უკვე მყარი შეხედულებები აქვთ მათზე, რომელთაც იოლად ვერ დათმობენ.

კულტურაცა და ადამიანის ცხოვრებაც ნაცნობი საგნებია ადამიანებისათვის. და მაინც ისინი იმდენად მრავალმხრივია და საინტერესო მათთვის, რომ ამ საგნებზე საუბარი სახალისოც არის. მაგრამ ამჟერად საუბარი კულტურისა და ადამიანის ცხოვრების ბუნებასა და მის მრავალფეროვან მხარეებზე კი არ გვექნება, არამედ ისინი ერთი თვალსაზრისით უნდა განვიხილოთ: ადამიანის ცხოვრებიდან მის უარყოფით მხარეს უნდა მივაქციოთ ყურადღება, დღეს რომ ნეგატიურ მოვლენებს ემახიან, ის უნდა ვთქვათ, თუ ამ მოვლენებთან ბრძოლაში რა როლი შეიძლება დაეკისროს კულტურას. სიძნელეებიც აქ იწყება.

ერთი სიძნელე ის არის, რომ უარყოფითი მოვლენები კარგი ხანია პირზე გვაკერია, ერთი და იგივე კი ადამიანებს ბეზრდებათ; რაც უფრო ხშირად ეუბნებიან ადამიანებს, პატიოსნები იყავითო, მით უფრო კარგავენ ისინი ინტერესს ამგვარი ქადაგებისადმი.

ახალი სიძნელე მაშინ ჩნდება, როცა უარყოფითი მოვლენებზე ბჭობას ფილოსოფოსი იწყებს. ფილოსოფოსი, ისევე როგორც მწერალი, კრიტიკული სულისკვეთებით უნდა იყოს გამსჭვალული და სხვებზე აღრე უნდა ამჩნევდეს იმას, რაც ადამიანსა და საზოგადოებას ემუქრება. იმის შემდეგ კი, რაც ყველამ დაინახა ბოროტება, კიჟინის ატეხვა დიდი დამსახურება არ არის. ამის შესახებ უნდა ითქვას: არის საგნები,

რომლებზეც ადამიანები ყოველთვის ფიქრობენ და ლაპარაკობენ, ხოლო შემდეგ მათზე მეცნიერული წიგნებიც იქმნება, ხოლო ამგვარ წიგნს ხელში რომ ავიღებთ, წინასწარ არ უნდა გადავწყვიტოთ, რაკი ის ნაცუნობ და ჩვეულ საგანს ეხება, მასში ყოველდღიური ქვეშაობები იქნება გამოვლენილი. ალექსანდრე პუშკინს უთქვამს, ყველა სიტყვა, რომელსაც მწერალი ხმარობს, ლექსიკონებში შეიძლება ვნახოთ, მაგრამ ეს იმას როდი ნიშნავს, რომ მწერალი ახალს არაფერს ამბობს.

უარყოფით მოვლენებზე მსჯელობას ის დაბრკოლებაც ახლავს, რომ ისინი ძალზე მდარე საგნად ჩანან. ბირთვული ფიზიკის, მოლეკულური ბიოლოგიისა და სტრუქტურული ლინგვისტიკის პრობლემების გვერდით უარყოფით მოვლენებზე მსჯელობა ძალზე ფერმკრთალად გამოიყურება. თუ მაინცა და მაინც ადამიანთა ცხოვრებას ვეხებით, დიდ საზოგადოებრივ გარდაქმნებზე, გლობალურ პრობლემებზე მაინც უნდა ვილაპარაკოთ, რათა დღევანდელი მკითხველი დავაინტერესოს. მაგრამ სწორედ დღეს ხდება ცხადი, რომ არ შეიძლება ერთმანეთს მოვწყვიტოთ საზოგადოებრივი გარდაქმნები და ადამიანთა ყოველდღიური ცხოვრება. კარგად თქვა ამის თაობაზე მწერალმა იური ტრიფონოვმა, როცა ლევ ტოლსტოის თანამედროვე მნიშვნელობას ახასიათებდა: „ტოლსტოი დარწმუნებული იყო, რომ სამყაროს გარდაქმნას და ადამიანის გარდაქმნას ერთდროულად უნდა ვახდენდეთ. წინააღმდეგ შემთხვევაში ასე იქნება: აი, ბინას შევაკეთებ და პატროსან ცხოვრებას დავიწყებ, თორემ სანამ კედლები გაბინძურებულია და ავეჯი ძველი, უფლება მაქვს უხეიროდ ვიცხოვრო. და აი, გამოვა, რომ ადამიანის უხეირო საქციელი გაბინძურებული კედლების ბრალია. მაგრამ ტოლსტოიმ მრისხანედ თქვა: არა! საკუთარ სულში ჩაიხედეთ, დაე შეგაძრწუნოთ თქვენმა გაბინძურებულმა სულმა, შეცვალებთ თქვენი ჩვევების ძველი ავეჯი, და ეს დაეხმარება ყველა ადამიანს უკეთესი გახდეს და ამაღლდეს“.

უარყოფითი მოვლენები ადამიანის ცხოვრებაში ყოველთვის იყო და ალბათ, რაღაც სახით მომავალშიც იქნება. ამიტომ შეიძლება ამოებად გვეჩვენოს მათთან ბრძოლა. მართლაც, ადამიანის ცხოვრებაში ყოველთვის იყო ავი და კარგი, მაგრამ ცხოვრებაც ხომ ეს არის, რომ ადამიანმა კარგი და ავი გაარჩიოს, კარგს მხარი დაუჭიროს და ავს შეებრძოლოს. სიკეთე და ბოროტება, „პო“ და „არა“ ყოველთვის იყო, მაგრამ ასევე იყო ყოველთვის ბრძოლა და ჭიდილი მათ შორის.

უარყოფითი ტენდენცია გონებასაც აქვს, ასეთია მისი მისწრაფებ გამარტივებისაკენ. უარყოფითი მოვლენების საკითხსაც ამარტივებ! ხოლმე — მათი დაძლევის იოლ გზებს სახავენ, უებარ წამლებსა და

მარტივ ფორმულებს გვთავაზობენ. „არ უნდა ამას დიდი ფილოსოფია“, ამბობენ ხოლმე ასეთ შემთხვევაში. ასეა ნამდვილად?

ძველი საბერძნეთის სახელგანთქმულ ფილოსოფოსს, სოკრატეს, საკმაოდ უცნაური ზნე სჭირდა — გამოვიდოდა ათენის მოედანზე და მოსაუბრეებს ეძებდა: მისმა მოსაუბრეებმა ყველაფერი იცოდნენ, რა-ზეც კი მათ სიტყვას ჩამოუგდებდა სოკრატე, ეს უკანასკნელი კი მთელი სერიოზულობით აცხადებდა — მე მხოლოდ ის ვიცი, რომ არაფერი ვიციო, მაგრამ საუბრის ბოლოს აღმოჩნდებოდა, რომ სოკრატეს მოსაუბრეებმა კიდევ უფრო ნაკლები იცოდნენ — მათ ისიც არ იცოდნენ, რომ არაფერი არ იცოდნენ. სოკრატე დღესაც უცნაური ადამიანი იქნებოდა: ადამიანთა უმრავლესობა დარწმუნებულია, რომ ყველაფერი ან თითქმის ყველაფერი იცის, რაც ადამიანის ცხოვრებას შეეხება. მათ ყველაფერზე მოეპოვებათ პასუხი, ყველაფერი მარტივია მათთვის. ერთი რამ არ იციან მხოლოდ ზოგჯერ: ის, რომ მარტივი რთულზე უფრო რთული შეიძლება იყოს, რომ სიმარტივე მოჩვენებითიც არის ხოლმე.

მარტივის სირთულე

კაცობრიობა ორ ნაწილად იყოფა:
ალალ-მართლებად, რომლებსაც ცოდვი-
ლები ჰგონიათ თავი, და ცოდვილე-
ბად, რომლებიც ალალ-მართლებად გვა-
ჩვენებენ თავს.

პ ა ს კ ა ლ ი

ადამიანის ცხოვრებაში ყოველთვის იყო დადებითი და უარყოფი-
თი მოვლენები, კეთილი და ბოროტი, შუქი და ჩრდილი. იცვლება ცხოვ-
რება, მრავლდება ადამიანის ცოდნა, ძლიერდება მისი ბატონობა ბუ-
ნებაზე, მაგრამ ახლავს თუ არა ამაჰ სიკეთის ზრდა და ბოროტების
შემცირება? მოსწევს თუ არა კაცობრიობის მატერიალურ წინსვლას
ზნეობის გაუმჯობესება? ადამიანთა უმრავლესობა ამ კითხვებზე დად-
ებით პასუხს გასცემდა, ზოგი „უცნაური“ ფილოსოფოსი და მწერალი
კი სხვაგვარად ფიქრობდა. ცნობილი ფრანგი ფილოსოფოსი და მწერა-
ლი ჟან-ჟაკ რუსო ამტკიცებდა: მეცნიერებისა და ხელოვნების აღორ-
ძინებამ ზნეობის დაქვეითება გამოიწვიაო. ნაწარმოებმა, რომელშიც
ის ამ დებულებას ასაბუთებდა, დიუნონის აკადემიის პრემიაც კი დაიმსა-
ხურა. სხვები კიდევ ამტკიცებდნენ, კაცობრიობის მატერიალური სიკე-
თის ზრდას კეთილსა და ბოროტს შორის თანაფარდობა არ შეუცვლია-
თო. „საუკუნეების განმავლობაში იბრძვიან და იღვწიან ადამიანები,
რათა ერთ მხარეზე სიკეთე მოათავსონ, ხოლო მეორეზე — არასიკეთე.
გადის საუკუნეები და სადაც და რაც კი არ უნდა წაუმატოს მიუყერ-
ძობებელმა ადამიანმა სიკეთისა და ბოროტების სასწორს, სასწორი არ
ირხვევა და მის ერთ მხარეზე იმდენივე სიკეთეა, რამდენიც მეორეზე —
არასიკეთე“, — ამბობს ლ. ტოლსტოის ერთ-ერთი მოთხრობის გმირი.

„ესეც პირველი დღე მეოცე საუკუნისა, — დაწერა ილია ჭავჭავა-
ძემ და მემკვიდრის თვალით გადახედა გასულ, მეცნარაშემეტე საუკუნეს.
— რაც ამ საუკუნეში მეცნიერებამ სასწაული მოახდინა, რაც განათლე-
ბული ქვეყნების ადამიანმა სახელი და დიდება მოიპოვა, მთელს დანარ-
ჩენ თერამეტ საუკუნეს ერთად არ უნახავს“. მაგრამ „საკითხავი ეს არის:
დღეს უფრო ბედნიერია კაცი თუ არა, ამდენი სიკეთით გარემოცული

და ესე წარმატებულის მეცნიერებით გაღონიერებული და გაძლიერებული? არა გვეგონია, — პასუხობს ილია. — „მართალია დღეს ადამიანი ერთობ, ღარიბია თუ მდიდარი, — უფრო უკეთ არის მოწყობილი, უფრო მეტად მოსახერხებელია მისთვის წასვლა-წამოსვლა, ქვეყნიერობასთან გამომხაურება, ქვეყნიერობასთან ურთიერთობის გაწევა; დღეს ადამიანი უფრო უკეთ იცვამს, უკეთ ჰამს და სევამს, მაგრამ ბედნიერება კი შორს არის“. მაინც რა უშლის ხელს, ილიას აზრით, ადამიანის ბედნიერებას? — ის, რომ „დღეს ღარიბსა და მდიდარს შორის, ძლიერსა და უძლურს შორის უფრო დიდი ზღვარი არის, ვიდრე ოდესმე ყოფილა, და აქ არის იგი სიმწვავე იმ ტკივილისა, რომლის მორჩენაც მეცხრამეტე საუკუნემ უანდერძა აწ მომავალ საუკუნეს“.

მეოცე საუკუნის დასრულებას ბევრი აღაზაფერი უკლია, გასული საუკუნის ანდერძი კი საბოლოოდ ჩერაც არ არის შესრულებული. მაგრამ ცხოვრებამ ისიც გვიჩვენა, რომ ღარიბსა და მდიდარს შორის ზღვარის შემცირებაც ვერ სპობს ყველა ბოროტებასა და გასაჭირს. ერთ სიძნელეს რომ დასძლევს ადამიანი, მაშინვე მის წინაშე ახალი დაბრკოლება ჩნდება და მისი გადალახვა ისევე აუცილებელი ხდება, როგორც უწინდელი წინააღმდეგობის გადაჭრა იყო უსათუო. ყოველ საზოგადოებასა და ეპოქას თავისი სატივარი აქვს, თავისი უარყოფითი მოვლენები აწუხებს, მათზე თუ არ იზრუნა ადამიანმა, ისე თავის იდეალებს ვერ განახორციელებს. ადამიანი ვერ გაექცევა კეთილსა და ბოროტს შორის ჰიდილს, რადგან მისგან განდგომა თვითონ არის ბოროტება. ის, ვინც მხოლოდ თავის თავზე ზრუნავს და მხარს არ უჭერს არც სიკეთესა და არც ბოროტებას, დანტემ ჯოჯონეთში შესვლის ღირსადაც კი არ ჩათვალა.

რადგან კაცის ცხოვრებაში ყოველთვის იყო ბრძოლა დადებითსა და უარყოფითს, კეთილსა და ბოროტს შორის, ადამიანის გონებაც მუდამ ცდილობდა ჩასწვდომოდა ბოროტების, უარყოფითი მოვლენის ბუნებას, გაეგო მისი წარმოშობი მიზეზები. და ამოეცნო, წარმატების რა იმედი შეიძლება გეჭონდეს მასთან ბრძოლაში. ადამიანის გონების ეს ძიებაც უბრძოლველად, დაბრკოლებათა გადაულახავად არ ხდება. ბოროტებას ბევრი ხერხი აქვს იმისათვის, რომ მაძიებელს გული გაუტეხოს და მღევარს გზა აუბნოს. ის ქმნის თავისი უძლევლობის მითს: „ასე იყო და ასე იქნება!“ ის მოიმარჯვებს ფილოსოფოსთა ნათქვამს ყველაფრის შეფარდებითობის შესახებ: ყველაფერი შეფარდებითია, ბატონო, ერთ ქვეყანაში და ერთ ღროს რომ უზნეოდ ითვლებოდა, სხვაგან და სხვა ღროს სწორედ სათნობად იყო აღიარებული; თქვენ რომ ბოროტებად გეჩვენებათ, ჩემთვის ის სიკეთეაო. ბოროტება იმ შეხედულებითაც სარგებლობს, რომ უარყოფა და წინააღმდეგობა გან-

ვითარების მამოძრავებელია; რაკი ასეა, ბოროტებისა და ომის გარეშე საზოგადოება დამყაყდებოდაო. ბოროტება იმითაც სარგებლობს, რომ მის წინააღმდეგ ბრძოლა ზოგჯერ ფარისევლეურია, რომ პატიოსნებასა და წესიერებაზე ვინც ბევრს გაჰყვირის, და ამით თავს უცოდველად წარმოვეიდგენს, თვითონ არის ხოლმე ზოგჯერ უფრო დიდი ბოროტების ჩამდენი. ამგვარი ადამიანების საქმიანობა უფრო ამრავლებს ბოროტებას. ამიტომ ამბობდა გოეთე: სჯობს უსამართლობა ხდებოდეს, ვიდრე ის უსამართლო გზით მოისპოსო. ბოროტების წინააღმდეგ უგუნური ომი იმას იწვევს, რომ ასეთი ბრძოლა საერთოდ უაზროდ ეჩვენებათ ადამიანებს, და ეს ქმნის ბოროტების შემწყვანარებელ განწყობილებას, ინერტულობისა და უმოქმედობის გამართლებას: „მინც არაფერი გამოვა“, „ყველამ თავის საქმეს მიხედოსო“.

ამგვარი სიძნელეები იჩენენ თავს უარყოფითი მოვლენების შესახებ მსჯელობის დროს. დღეს გაუნათლებელი თითქმის აღარავინ გვყავს და უფრო მეტი უფლებით შეგვიძლია ვთქვათ, „ცოტა-ცოტა ყველას გვისწავლიათ“. თითქმის ორი საუკუნის წინ გერმანელი ფილოსოფოსი ჰეგელი ირონიულად წერდა ლუდხანების პოლიტიკოსებზე, რომლებიც გაბედულად და თვითდაჯერებულად სჯიდნენ ყოველი სახელმწიფოს საქმიანობას. დღეს ადამიანს შეუძლია სერიოზული წიგნი არც კი გადაშალოს, თავი არ შეიწუხოს ისტორიისა და კულტურის შესწავლით და მხოლოდ გაზეთებისა და ტელევიზორის წყალობით წარმოდგენა ჰქონდეს მეცნიერების უახლეს პრობლემებზე, საზოგადოებრივი ცხოვრებისა და კულტურის სიახლეებზე. ამიტომაც დღევანდელი ადამიანი კიდევ უფრო თვითდაჯერებულია თავის ცოდნაში, მით უფრო, თუ საქმე ენება მისთვის ისეთ ცნობილ საგანს, როგორც ადამიანის ცხოვრებაა. საზოგადოებრივი აზრის გამოკითხვითაც ხომ მას ხშირად უძლიერებენ იმ წარმოდგენას, თითქოს მას შეეძლოს თავისი კომპეტენტური აზრი გამოთქვას სოციალური ცხოვრების ყველა საკითხზე. ასეთი ადამიანები საინტერესოს არაფერს მოელოან საგანგებო მსჯელობიდან იმ საგნებზე, მაგალითად უარყოფით მოვლენებზე, რაც მათ ისეც თითქოს კარგად იციან. და ხშირად მათი მოლოდინი მართლდება ხოლმე: იმის ნაცვლად, რომ ამ მოვლენების მიზეზები გამოიკვლიონ, მათ ანბანურ ქეშმარიტებებსა და მოარულ სიბრძნეს სთავაზობენ: რომ ქურდობა და უპატიოსნება ცუდია, რომ ქონების დაგროვება ცხოვრების მიზანი არ უნდა იყოს, რომ შრომა (განსაკუთრებით ფიზიკური!) აკეთილშობილებს ადამიანს და ა. შ. ამგვარი მსჯელობები დიდად ვერ აღძრავენ. ინტერესს საზოგადოებრივი მოვლენებისადმი... და ადამიანი რჩება ყოველდღიური წარმოდგენების ტყვეობაში, მას უყვირს, რომ ადენი ლაპარაკია თავისთავად ცხად ამბებზე, რომ აურზაურს ტყვენ ისეთ რაი-

მეზე, რაც ყოველთვის იყო, იქნება და, მაღლობა ღმერთს, ადამიანები მაინც ცხოვრობენ და კარგ „პურსაცა კაშენ“.

ადამიანის ცხოვრებაში უარყოფით მოვლენებზე როცა მსჯელობენ, ჩვეულებრივ მათ წარმოდგენენ ხოლმე როგორც ცალკეულ ნაკლოვანებებს, მათი ურთიერთკავშირი და ღრმა საფუძველი კი ჩრდილში რჩება და ამით ის მთავარი ზიანიც, რაც მათ ადამიანებისათვის მოაქვთ. ეს ბაღებს გამარტივებულ შეხედულებებს უარყოფით მოვლენებზე, გაიოლებულად წარმოგვიდგენს მათ მანერ შედეგებს, ამაოდ გვაიმედებს იმით, რომ უარყოფითი მოვლენები არც ისე საშიშია, როგორც მათ გვიხატავენ, ხოლო მათი დაძლევა მაინცა და მაინც საძნელო საქმე არ უნდა იყოს.

უარყოფითი მოვლენების გამარტივებული გაგება თითონ იწვევს უარყოფით დამოკიდებულებას ამ მოვლენებთან ბრძოლისადმი. ერთ-ერთი ასეთი გამარტივებული გაგება კი იმაში მდგომარეობს, რომ ზოგჯერ ისე წარმოდგენენ საქმის ვითარებას, თითქოს ეს მოვლენები მხოლოდ გარკვეულ ადგილას და გარკვეულ დროს. მავანი და მავანი ადამიანების მიზეზით წარმოიშვნენ. მანამდე კი თითქოს ყველაფერი იდეალურად იყო, ყველაფერს თავისი წესი და რიგი ჰქონდა. ამგვარი მსჯელობა წარსულის შელამაზებაა და, ამასთან, მოვლენათა კავშირის გამარტივებული წარმოდგენა; რა თქმა უნდა, ცალკეულ ადამიანებს შეუძლიათ წააქეზონ წინააღმდეგობით ბოროტება, მაგრამ შეცდომას ჩავიდნდით, თუკი თვით უარყოფითი მოვლენების არსებობას მათ დავაბრალებდით. ვინც თანამედროვე ცხოვრებას დაკვირვებია ანდა თუნდაც მის ამსახველ თანამედროვე მხატვრულ ლიტერატურას, მან არ შეიძლება არ დაინახოს, თუ რამდენად არის ეს მოვლენები გავრცელებული არა მარტო ჩვენში. რა თქმა უნდა, შთამბეჭდავი ფაქტია ის, რომ არცთუ შორს წარსულში ერთ-ერთ სასწავლო წელს ჩვენი რესპუბლიკის ერთ-ერთ რაიონში უფრო მეტმა მოსწავლემ დაამთავრა სკოლა ოქროს მედლით, ვიდრე ბალტიისპირეთის სამ რესპუბლიკაში ერთად! ექვი არ არის, ეს, ამ რაიონის ბავშვთა განსაკუთრებული ნიჭის გარდა, მათი მშობლებისა და მასწავლებლების მოხერხებითაც აიხსნება. მაგრამ ჩვენ ჩვენი უფრო კარგად ვიცით, სხვამ კიდევ თავისი. არც ის არის საეჭვო, რომ ყველა კუთხეს თავისი ოსტაბ ბენდერები და „ენერგიული ადამიანები“ ჰყავს. ასე რომ უარყოფით მოვლენებს ადგილობრივი ჯიშის კულტურებად ვერ მივიჩნევთ.

1 А. Менабде. Протекционизм и борьба с ним. Изд-во «Мешнерсба», Тб., 1977, с. 25.

უარყოფითი მოვლენების მიზეზების მეორე გამარტივებელი და. ამასთან, საკმაოდ გავრცელებული გაგებაა მათი ახსნა მხოლოდ მატერიალური პირობებით — იმით, რომ „პატიოსანი გზით“, მხოლოდ ხელუპყრის იმედით ძნელია კაცმა „კაცურად“ იცხოვროს (როგორც პოეტი აზობს, „რომ თუ ხარ სუფთა, — შენსავით მტერმა იცხოვრა შენმა“) და ამიტომ ის იძულებულია უკანონო გზას დაადგეს — იჭურდოს, ითალითოს, სახელმწიფოს ან სხვა ადამიანს ჩაუყოს ჯიბეში ხელი (რა თქმა უნდა, ამგვარად რომ ამართლებს უარყოფით მოვლენებს, მას თუ მოუხდომებთ გაჭურდვას, ისეთ ყვირილს ატეხავს, მეორედ მოსვლა გეგონებათ). უარყოფითი მოვლენების მიზეზების ამგვარ ახსნას ვერ გავაბათილებთ იმით, თუკი გავიხსენებთ იმას, რომ საქმოსნები და მექრთამეები ყოველთვის „ღუბლურ“ ცხოვრებას კი არ დაუყენებია ამ გზაზე, ან იმას, რომ ქურდობისა და დამნაშავეობის გზას არაშეფაათად უზრუნველყოფილი შრომლების შთამომავლები ადგებიან. ამგვარ ჩვენს „საბუთებს“ იმით უბასუხებენ ალბათ, რომ რაკი ბევრს მატერიალური პირობები უბიძგებს დანაშაულის ჩადენას, უკანონობა საერთო წესი ხდება და საერთო ფეხის ხმას ისიც აპყვება, ვისაც ასეთი ვასაქირი არა აქვს. ცხადია, უარყოფით მოვლენებს უფრო რთული მიზეზები აქვთ, მაგრამ მთავარი ის არის, რომ ეინც ამგვარად ხსნის და ამართლებს დანაშაულს, ის მხოლოდ ქურდობის გამართლებით ვერ დაკმაყოფილდება. რაკი ადამიანი უკანონობის გზას დაადგება, ის აღარაფრის წინაშე უკან აღარ დაიხევს და თავისი დანაშაულის დასაფარავად სხვის, უდანაშაულო ადამიანის სიცოცხლესაც ადვილად გასწირავს ხოლმე, ხოლო რაკი უკანონობას „ბუნებრივი“ მიზეზი მოუხანხეთ, არც ამგვარი დანაშაული უნდა ჩავთვალოთ უჩვეულოდ.

უარყოფითი მოვლენების მიზეზების ამგვარი გამარტივებელი ახსნა და მათი მიჩნევა „ბუნებრივად“ ადამიანისათვის მიყენებულ მატერიალურ ზიანს კი არ ამართლებს მხოლოდ, არამედ იმგვარი ატმოსფეროს შექმნასაც უწყობს ხელს, როცა ადამიანებს ეკარგებათ ზნეობრივ ღირებულებათა რწმენა, ადამიანთა ურთიერთობაში ალღე-შიცემობა იმდენად იჭრება, რომ საჩუქრისა და „პატივისცემის“ გარეშე ნათესავს ნათესავის იმედი აღარა აქვს და მეგობარს მეგობრისა. ფრცკლდება ის შეხედულება, რომ ყველა ქურდია და ამიტომ ნაქურდლის მოპარვა არც არის ცოდვა... ჰოდა, თუ ყველა ქურდია, არც ყოფილა ადამიანთა შორემა პატივისცემის ღირსი, შეიძლება ადამიანს ფეხიც დააბიჯო, შიხი მიზნები და სიცოცხლეც გადათელო შენი მიზნების მისაღწევად; შეიძლება არაფრად ჩაავდო საზოგადოებაც, რომელიც თურმე ქურდებისაგან შედგება, ქვეყანაც, მისი კულტურაცა და მომავალიც. თუ ქურდობა დასაძრახი არ არის მაინცა და მაინც, არც ის სჩადის ღიდ ცოდვას,

ვინც იმით მდიდრდება, რომ ნაკოტიკული საშუალებებით ვაჭრობს და ახალგაზრდობაში ავრცელებს მათ.

გასულ საუკუნეში დიდი ილია წერდა: „მადლი არის კრებული ამა კეთილთა, რომელიც შეადგენს ზნეობრივ განძს, როგორც თითოეული ადამიანისას, ისე ეთელი ერისა, და ეგ განძია იგი კლდე, რომელზეც შენდება ციხე-სიმაგრე ერის ცხოვრებისა, ერის აწმყოსი, ერის მერმოსისა“. უარყოფითი მოვლენები სწორედ ამ ზნეობრივ განძს ემუქრებიან და იმ კლდეს შლიან, რომელზეც ერის აწმყო და მომავალი უნდა აშენდეს.

რა თქმა უნდა, უარყოფით მოვლენებს ღრმა მიზეზები აქვთ და მათი შერისხვით საქმეს არ ეშველება. უწინარეს ყოვლისა ამ მიზეზებს უნდა მივხედოთ, მაგრამ ისიც უნდა გავითვალისწინოთ, რომ საზოგადოებრივ ცხოვრებაში მიზეზები საბედისწერო გარდაუვალობით როდი მოქმედებენ. კარგად არის ცნობილი, მაგალითად, როგორ იყო გავრცელებული მეფის რუსეთში მექრთამეობა. „ირველივე სუფევდა... საყოველთაო მექრთამეობა და უსამართლობა...“ და ამ პირობებშიც ადამიანები ახერხებდნენ პატიოსნების შენარჩუნებას. გ. კოროლენკო მოგვითხრობს, როგორ გადაწყვიტა მწერლის მამამ, სამაზრო მოსამართლემ, მეგვიდრობის საქმე ქვრივი ქალის სასარგებლოდ და როგორ მოართვა სასამართლო პროცესის შემდეგ გამდიდრებულმა ქალმა მას დიდი ძღვენი: სასტიკად აღშფოთებულმა მოსამართლემ მანამ არ მოისვენა, სანამ ურიკაზე არ დაყარა საჩუქრები და არ გაატანა უკან მის პატივისცემელს. ოღონდ დედოფალა არ დაანება ატირებულმა გოგონამ მამას, რომელიც ამის გამო საყვედურებდა ბავშვებს: თქვენი წყალობით მაინც მექრთამე გავხდით.

რუსეთის სასამართლო დაწესებულებათა სისტემაში მაღალი თანამდებობა ეკავა ცნობილი იურისტის ა. თ. კონის. მოსამართლედ რომ აერჩიათ, წესის თანახმად, ის 1200 დესეტინა მიწის მფლობელი უნდა ყოფილიყო, და მან, მართლაც, ამ მიზნით შეიძინა უეარგისი მიწა, რომელიც მას ვერაუთარ შემოსავალს ვერ ჰძიცებდა. იყო დრო, როცა სახელგანთქმულ მოღვაწეს იმდენად გაცრეცილი პალტო ეცვა, რომ „წარჩინებულთა“ კარისკაცი ათვალისწინებით უყურებდნენ და სახლში არ უშვებდნენ. მიწის ცენზს თითქოს ანგარებისაგან უნდა დაეცვა სასამართლოს მოხელე, სინამდვილეში კი ა. თ. კონის მიუღდგომლობის გარანტია მისი პატიოსნება იყო და არა დაჰაობებული მამული.

თქმა არ უნდა, ადამიანები ერთმანეთისაგან განსხვავდებიან სულის სიძლიერით, უფრო სწორად ამ შემთხვევაში იმით, რას უფრო თაკილობენ — უპატიოსნებას თუ იმას, რომ შეძლებითა და პრესტიჟული ნივთების ფლობით სხვებს ჩამორჩებიან. უარყოფით მოვლენებთან ბრძოლაში

არ შეიძლება იმის იმედზე ვიყოთ, რომ ყველას ამგვარი სიმტკიცე აღ-
მოაჩნდება: მთავარია იმ მიზეზის გამოვლენა, რაც უმრავლესობას ამ-
გვარი მოვლენებისაკენ უბიძგებს, და იმ პირობების მოსპობაზე ზრუნვა,
რომლებიც ამ მოვლენების არსებობისათვის არიან ხელსაყრელი.

უარყოფითი მოვლენების გამარტივებული ახსნა მათი დაძლევის
გზებსაც გაიოლებულად წარმოგვიდგენს. როდესაც ამ მოვლენების მი-
ზეზებად მხოლოდ ობიექტურ პირობებს თვლიან, მაშინ მათი დაძლევის
იმედსაც ამ პირობებზე აყარავენ, ფიქრობენ, რომ ისინი დაიძლევა,
როცა გაიზრდება საზოგადოებრივი სიმდიდრე, ადამიანთა შემოსავალი,
რაც ზედმეტს და უაზროს გაზდის უკანონო შემოსავლისაკენ მისწრაფე-
ბას. ხოლო როდესაც ამ მოვლენების მიზეზად უმთავრესად სუბიექტუ-
რი შეცდომები, ცალკეული ადამიანების დანაშაულებრივი საქმიანობა
მიაჩნიათ, მაშინ მათი დაძლევის გზასაც მხოლოდ კადრების შეცვლასა
და დამნაშავეთა მკაცრ დასჯაში ხედავენ ხოლმე. მაგრამ იმის იმედზე
ყოფნა, რომ თუკი მკაცრად დაესჯით დამნაშავეებს, ამით უარყოფით
მოვლენებს მოვევლება, გულუბრყვილო ადამიანის ოცნებაა, გულუბრყ-
ვილობა კი ყოველთვის როდია ღირსება: დამნაშავეთა დაქველნიც
ხომ ადამიანები არიან და არც ისინი იქნებიან დაზღვეული ცოდვე-
ბისაგან. კანონიერების დარღვევებიც ხომ ერთ-ერთი უარყოფითი მოვ-
ლენაა. იმის თქმა, რომ კანონიერების დარღვევებს კანონების მკაცრი
დაცვით უნდა ვებრძოლოთ, არაფრის თქმა არ არის.

უარყოფითი მოვლენების სირთულე იმაშიცაა, რომ ისინი უკავ-
შირდებიან, აგრეთვე, თანამედროვე საზოგადოებრივი ცხოვრების ტენ-
დენციებს, საზოგადოებრივი სიმდიდრის ზრდას. მეცნიერებისა და ტექ-
ნიკის განვითარების წყალობით ადამიანს შეექმნა საშუალო დროის შემ-
ცირების შესაძლებლობა, მას უფრო მეტი დრო და საშუალებები აქვს
დასვენებისა და გართობისათვის, კულტურული მოთხოვნილებების* და-
საკმაყოფილებლად. მაგრამ ამავე დროს ნივთების მომრავლებამ, გარ-
თობისა და დასვენების საშუალებათა ზრდამ ბიჭვი მისცა იმას, რომ
ადამიანებმა მოხმარებისა და დასვენება-გართობის სფეროზე გადაი-
ტანონ ყურადღება. ის, რომ სიმდიდრის ზრდას ყოველთვის არ მოსდევს
ზნეობრივი წინსვლა, ეს დიდი ხნის შემჩნეული ვითარებაა. „განა ყო-
ველ ნაბიჯზე არ ვხედავთ, — წერდა ცნობილი მოაზროვნე და პედაგოგი
კ. უშინსკი, — რომ სიმდიდრის ზეგავლენა პირდაპირ დაშანგრეველად
მოქმედებს არა მარტო ზნეობაზე, არამედ აგრეთვე საზოგადოების ბედ-
ნიერებაზე, თუკი საზოგადოება არ არის ჭერ მომზადებული იმისათვის,
რომ გაუძლოს მოზღვავებული სიმდიდრის მოწოლას?“

უარყოფითი მოვლენების (ყოველ შემთხვევაში იმ უარყოფითი
მოვლენების, რომელთაც ჩვენ ვიხილავთ) მთავარი სირთულე მაინც ის

არის, რომ ისინი ადამიანის სულში, მის ცნობიერებაში იბადებიან. ხოლო ადამიანი და მისი ცნობიერება რთულია და მათზე ბევრი რამ ახლენს გავლენას — საზოგადოება და ოჯახი, სკოლა და წიგნი, წარსული და აწმყო. და აქაც გამარტივების საფრთხე გველოდება. ადამიანისათვის არაფერია უფრო ახლობელი და ნაცნობი, ვიდრე ადამიანია, და ამიტომ ის იოლად სჯის მათ შესახებ, მარტივად ჰყოფს მათ წმინდანებად და უწმინდურებად და ამით უარყოფითი მოვლენების პრობლემებსაც ერთი ხელის მოსმით წყვეტს: ყველა დამნაშავე უნდა გააცინებროთ, საზოგადოებას მოვაშოროთ და მაშინ ყველაფერი მოწესრიგდება. მაგრამ ამ ვზას თუ დავადექით, ძალიან შორს შეიძლება წაივლიდეთ. გავიხსენოთ, რას ამბობდა ფრანგი ფილოსოფოსი მიშელ მონტენი: „მე არ ვიცი არც ერთ პატიოსან ადამიანს, რომელიც თუკი თავის საქციელსა და აზრებს კანონის მოთხოვნებს შეადარებდა, იმ დასკვნამდე არ მივიდოდა, რომ თავისი სიცოცხლის მანძილზე ის ერთი ათჯერ მაინც იმსახურებდა სახარბოელას“. ნუ ვაეიგებთ ამას სიტყვასიტყვით: მონტენი ბოროტსა და კეთილს შორის განსხვავებას არ უარყოფს, ის მხოლოდ პრიმიტიულობის წინააღმდეგია.

ერთი სიძნელეა აქვს იმ შეხედულებას, რომელიც მარტივად ყოფს ადამიანებს ორ ჯგუფად და ამის მიხედვით გეთავაზობს უარყოფითი მოვლენების დაძლევის საშუალებად მკაცრ ღონისძიებებს: ვინ უნდა გადაარჩინოს ბოროტი და კეთილი? ასეთი თვალსაზრისის მომხრე იმის იმედზეა, რომ „პირველი კაცი“ ყველაზე პასუხსაგებ თანამდებობებზე „პატიოსან და უნარიან“ ადამიანებს შეარჩევს, ესენი, თავის მხრივ, უფრო დაბალი საფეხურისათვის გამოძებნიან კადრებს და ასე აშენდება საზოგადოება ზემოდან. ამგვარი შეხედულება საზოგადოებრივ ცხოვრებაზე, ისტორიაზე გარკვეულ თვალსაზრისს ემყარება. მის მიხედვით, საზოგადოების ცხოვრებას მეფეები და პრეზიდენტები წარმართავენ, ომებს მხედართმთავრები იგებენ, რევოლუციებს ბელადები იწვევენ. ამგვარი თვალსაზრისი საზოგადოებაში მხოლოდ ადამიანებსა და ნივთებს ხედავს და ვერ ამჩნევს საზოგადოებრივ ურთიერთობებს და საზოგადოებრივი ცხოვრების ორგანიზაციას. ამის შესაბამისად მან საზოგადოების წინაშე მდგარი ამოცანის გადაჭრის მხოლოდ ერთი ვა იცის: ბოროტი ხელმწიფე კეთილით უნდა შეიცვალოს, უგუნური ხელმძღვანელი გონიერით, უსინდისო მოხელე პატიოსანით. საზოგადოებრივ ცხოვრებას ასე მარტივად თუ ავხსნიოთ, უარყოფით მოვლენებთან ბრძოლაც მზესავით ნათლად წარმოგვიდგება — როგორც დამნაშავეთა უმკაცრესი დასჯა. მხოლოდ ქირურგია და არავითარი თერაპია!

უფხა და ფლოზა

აღამიანები გამორჩენის ისეთმა მისა
წრაფებამ შეიპყრო, რომ, როგორც ჩანს,
მათ ქონება უფრო ფლოზს, ვიდრე ისი-
ნი ფლოზენ ქონებას.

პ ლ ი ნ ი უ ს უ მ ც რ ო ს ი

Бог вѣсть за что — философы, пниты,
На твой и мой давным-давно сер-
днты.

პ უ შ კ ი ნ ი

დადებითად და უარყოფითად მრავალი მოვლენა შეიძლება შეფას-
დეს, მათ შორის ბუნების მოვლენებიც. მაგრამ როცა უარყოფით მო-
ვლენებზე ლაპარაკობენ, ჩვეულებრივ იმ მოვლენებს გულისხმობენ,
რომლებიც აღამიანთა ცხოვრებაში გვხვდება და ამ ცხოვრების წესს კი
ეწინააღმდეგება. ქურდობა, ერთმანეთის მოტყუება, მექრთამეობა და
გამოძალვა, ხულიგნობა და ავკაცობა და სხვ. აღამიანებს ჩვეულებრივ:
მოსაწონ საქციელად არ მიაჩნიათ, მაგრამ ზოგჯერ ისე გაუქუღმართლე-
ბა ხოლმე დრო, რომ ქურდს აღარ არქმევენ ქურდის სახელს და ავკა-
ცობას აღარ თვლიან ავკაცობად. ქრთამს „მატივისცემას“ შეარქმე-
ვენ, დამტაცებელს კომბინატორად, „საქმოსნად“, „მონებრებულად“
მონათლავენ. რატომ ხდება ეს?

აღამიანის ქცევის მოტივებიც მრავალნაირი შეიძლება იყოს. ამ
საქციელისათვის, რომელსაც უარყოფით მოვლენას ვუწოდებთ, ერთ-
ერთი მოტივი ხშირად არის ანგარება, მხოლოდ საკუთარ სარგებლია-
ნობაზე ზრუნვა და ამ ზრუნვის პროცესში სხვა აღამიანისა და მისი
ინტერესების არარად ჩაგდება, უფრო კი სხვა აღამიანის გამოყენება
საშუალებად ამ სარგებლიანობისათვის. ქურდი ისე ვერ მოიპარავს, თუ
არავინ გაქურდა. თაღლითი ვერ ითაღლითებს, თუ ვინმე არ მოატყუა.
როგორ ხდება ის, რომ აღამიანები სხვა აღამიანთა ინტერესებს აღვი-
ლად სწირავენ საკუთარ სიამოვნებას, როგორ ივიწყებენ აღამიანები
იმას, რომ, როგორც ერთი მოსამართლე უხსნიდა ბრალდებულს, მისი
ხელის თავისუფლება იქ თავდება, სადაც მეორე აღამიანის ცხვირი
იწყება?

ერთ-ერთი ახსნა ამ უქუღმართობისა ის არის, რომ აღამიანის
ცხოვრებაში დიდი ადგილი უკავია საკუთრებას. აღამიანის მდგომარეო-
ბა ბევრად არის დამოკიდებული მის ქონებაზე და ამიტომ აღამიანი
იქამდე მიდის, რომ ყველა თავის მისწრაფებას საკუთრებაზე, ქონებაზე.
ზრუნვას უმორჩილებს, კერძომესაკუთრული მისწრაფება მისი ცხოვ-

რების ძირითადი მოტივი ხდება და ის ახშობს სხვა ადამიანებისადმი სიყვარულის, თანაგრძნობისა და სხვა გრძნობებს.

როცა უარყოფით მოვლენებს უმთავრესად კერძომესაკუთრული ტენდენციის გამოვლენად თვლიან, ამგვარი ახსნა ბევრ გაუგებრობასა და წინააღმდეგობას აწყვდება. კერძო საკუთრებას ადამიანის სასიცოცხლო ინსტიქტთან, მის მეობასთან აკავშირებენ. „ჩემის“ და „შენის“ გარჩევის გარეშე ადამიანი ინდივიდუალობასაც დაკარგავდაო, ამტკიცებენ. „არის მხოლოდ ერთი ბოროტება, ეს არის ეგოიზმი; და არის მხოლოდ ერთი სიკეთე, ეს არის სიყვარული“, ამბობდა გერმანელი ფილოსოფოსი ლუდვიგ ფოიერბახი. სიყვარული რომ სიკეთეა, ამაში ალბათ არავინ დაეკვიდება, გარდა მარქსიზმის ეულგარისზატორისა, რომელსაც ჰგონია, რომ კლასობრივი ბრძოლა ადამიანთა შორის სიყვარულს გამოირიცხავს. რაც შეეხება ეგოიზმს, მიუხედავად იმისა, რომ ყველა მას სალანძღაე სიტყვად იღებს, მაინც გაერცელებულია ის აზრი, რომ ის ადამიანის ბუნებისაგან მოუცილებელია, რომ სიკეთეც კი კარგად განავარიშებული ეგოიზმია.

გაუგებრობის წყარო ისიც არის, რომ ხშირად არ მიჯნავენ საკუთრებას კერძო საკუთრებისაგან და კერძო საკუთრების კრიტიკა ზოგს საერთოდ საკუთრების წინააღმდეგ ბრძოლა ჰგონია, იმიტომ კი არა, რომ პოლიტიკურ ეკონომიაში მოიკოკლებს, არამედ უფრო იმიტომ, რომ უნახავს, როგორ სპობდნენ კერძო საკუთრებასთან ბრძოლის სახელით მატერიალურ ფასეულობებს.

ლტერატურისმცოდნეებს უყვართ რევოლუციისადმი მწერლის დამოკიდებულების განსამარტავად ასეთი მაგალითის მოშველიება: ვლადიმერ მაიაკოვსკიმ რევოლუციის შესახებ უყოყმანოდ თქვა „ჩემი რევოლუცია!“ აღექსანდრე ბლოკმა კი მოიწონა რევოლუცია, მაგრამ დაუმატა: „ბიბლიოთეკა დამიწვესო“. ამით იმის თქმა უნდათ, რომ ბლოკი კი. იყო რევოლუციის მომხრე, მაგრამ ისე გადაჭრით არა, როგორც მაიაკოვსკი. იქნებ ამ მაგალითს სხვა მხრიდანაც უნდა შევხედოთ. იქნებ ბლოკიც ნაკლებად არ იყო ჩაგვრისა და ექსპლოატაციის წინააღმდეგი, აკი იგი წერდა კიდევ, რომ მას არ შეუძლია ბედნიერი იყოს, ვიდრე სხვაა უბედური, მაგრამ იქნებ ბლოკი იმაზეც ფიქრობდა, რომ ბიბლიოთეკისა და სხვა კულტურულ ფასეულებათა მოსპობა რევოლუციას სახელს გაუტეხს და ზიანსაც მიაყენებს. რევოლუციური ენთუზიაზმი, რა თქმა უნდა, დიდი ძალაა, მაგრამ ის ბრმა არ უნდა იყოს. რევოლუციის პროცესში ძველი წყობილება ინგრევა, მაგრამ ეს იმას როდი ნიშნავს, რომ უნდა გავანადგუროთ ძველი საზოგადოების მიერ შექმნილი მატერიალური და სულიერი სიმდიდრე. ამ უაზრო ნგრევის გამართლებას შემდეგ იმ „ფილოსოფიაძმეც“ მიყვავართ, რომ როცა

ტყეს ჩეხენ, ნაფოტებზე, არ უნდა ვინაღვლოთო და ამით კანონიერების დარღვევების მიერ მოტანილ დიდ ზიანს არაფრად აგდებდნენ.

რაც შეეხება კერძო საკუთრებასა და მის გავლენას ადამიანის ცხოვრებაზე, ეს თვალსაზრისიც ახალი არ არის. „პირველი, ვისაც აზრად მოუვიდა მიწის ნაკვეთი შემოელობა, ეთქვა „ეს ჩემია“, და ვინც საკმაოდ გულუბრყვილო ადამიანები იპოვა, რომელთაც ეს ირწმუნეს, სამოქალაქო საზოგადოების ნამდვილი დამაარსებელი იყო. რანდენი დანაშაულისაგან იხსნიდა ადამიანთა გვარს ის, ვინც მარგილებს ამოაძრობდა, თხრილს ამოავსებდა და მახლობლებს შესძახებდა: „ნუ დაუჭერებთ ამ მატყუარას, თქვენ დაიღუპებით, თუკი დაივიწყებთ, რომ მიწის ნაყოფი ყველას ეკუთვნის, მიწა კი — არავის!“

ჟან-ჟაკ რუსოს ეს ცნობილი ნათქვამიც ზოგჯერ სიტყვა-სიტყვით ესმით ხოლმე: თითქოს რუსოს მიხედვით, კერძო საკუთრება ზუსტად იმგვარად წარმოიშვა, როგორც მან ამ სიტყვებით დაახასიათა. სინამდვილეში აქ მხოლოდ ხატოვნად არის ნათქვამი ის, რომ კერძო საკუთრება ადამიანის ბევრი უბედურების მიზეზია და რომ ის სრულიადაც არ არის ადამიანთა ცხოვრების ბუნებრივი პირობა, როგორც ეს ბევრს ჰგონია. მართლაც, კერძო საკუთრების წარმოშობამდე საზოგადოებრივი საკუთრების არსებობა უეჭველია, საზოგადოებრივი, „თემური“ საკუთრების ძლიერი გადმონაშთები ჩვენშიც არცთუ ისე დიდი ხნის წინათ არსებობდა. იმის შემდეგ, რაც კერძო საკუთრება და ქონებრივი უთანასწორობა წარმოიშვა, საზოგადოება კიდევ დიდ ხანს მისტიროდა წარსულში არსებულ ერთობასა და თანასწორობას. მონათმფლობელურ საბერძნეთში ცნობილი ორატორი დემოსთენე, მაგალითად, ამბობდა: „უწინდელ დროს... ყველაფერი სხვაგვარად იყო, ვიდრე ახლა არის. უწინდელ დროს ყველაფერი, რაც სახელმწიფოს ეკუთვნოდა, სიმდიდრითა და სიუხვით ბრწყინაუდა, მოქალაქეთა შორის გარეგნულად არავინ გამოირჩეოდა. ახლაც ყოველ თქვენგანს შეუძლია დარწმუნდეს იმაში, რომ თემისტოკლეს, მილტიადესა და ყველა სხვა გამოჩენილი ადამიანის საცხოვრებლები არაფრით უკეთესი და გამორჩეული არ იყო, ვიდრე მათი თანამოქალაქეების საცხოვრებლები, მაშინ როცა მათ დროს აღმართული საზოგადოებრივი შენობები და ძეგლები თავიანთი სიდიადითა და ბრწყინვალეობით სამუდამოდ დარჩებიან მიუღწევველ ნიმუშებად... ახლა კი არაიშვიათად სახელმწიფო მოღვაწეები უფრო ბრწყინვალე სახლებში ცხოვრობენ, ვიდრე ბევრი საზოგადოებრივი შენობა...“ თუმცა დემოსთენე მონათმფლობელური საზოგადოების განვითარების სხვადასხვა საფეხურებს აღარებს, მაგრამ უთანასწორობის ზრდას მაინც აღნიშნავს და უარყოფითად აფასებს მას.

კერძო საკუთრების უარყოფითი გავლენის შესახებ საზოგადოების ცხოვრებაზე ბევრი მოაზროვნე წერდა. ჯერ კიდევ პლატონი ფიქრობ-

და, რომ სახელმწიფოს ლუპავს „ოქროს დაგროვება კერძო პირთა სარდაფებში“. რაც უფრო მდიდრდებიან მესაკუთრენი, მისი აზრით, მით უფრო მეტად ადგებიან ისინი ბოროტების გზას. სიმდიდრესა და სათანოებას შორის თანაფარდობას ის სასწოროს ორ მხარეს ადარებდა, ე. ი. ფიქრობდა, რომ რაც უფრო მეტად აფასებენ სახელმწიფოში სიმდიდრესა და მდიდრებს, მით უფრო ნაკლებად აფასებენ იქ სათანოებასა და სათანო ადამიანებს. ასეთ სახელმწიფოში თითქოს ორი სახელმწიფო წარმოიშობა — ღარიბებისა და მდიდრების: თუმცა ისინი ერთსა და იმავე ტერიტორიაზე იარსებებენ, მაგრამ ერთმანეთის წინააღმდეგ იქნებიან განწყობილი.

მართალია ცოტა უცნაურად კი მსჯელობს ფილოსოფოსი: მისი აზრით, ოქრო და ვერცხლი ყველას კი არა ვნებს, არამედ მხოლოდ მხედრებს, რომელთაც სახელმწიფოს დაცვა ევალებათ — მხედრებს ღვთაებრივი ოქრო აქვთ სულში და მომაცკვდავთა ოქრო ღვთაებრივს წაბილწავსო. მხედრებს პლატონი უკრძალავს ოქროსა და ვერცხლის ქურჭლის ხმარებას, სამკაულად ძვირფასი ლითონების გამოყენებას. მათთვის ის მზად არის ცოლებისა და შვილების ერთობაც დააწესოს. კერძო საკუთრებას, საერთოდ, კი პლატონი არ უარყოფს. პირიქით, მთელი სიმკაცრით მოითხოვს, რომ უძრავად დატოვონ სამიჯნაო ქვა, რომელიც მეზობლების მამულებს ერთმანეთისაგან ჰყოფს. ცალკეული ადამიანების ბედზე უფრო მეტად პლატონს სახელმწიფოს ბედი აწუხებს.

ქრისტიანული მოძღვრება არა მარტო კერძო საკუთრების, არამედ ყოველგვარი საკუთრების უარყოფელი იყო, ყოველ შემთხვევაში თავისი განვითარების ადრეულ ეტაპზე. როგორც აქლემი ვერ გაძვრებაო ნემსის უღწში, ისე მდიდარი ვერ შეაღწევსო საშობებში, ქადაგებდა ის. ქრისტე თავის მდიდარ მოწაფეს ურჩევს, მამული გაყოფდეს და ღატაკთა დაურთიერო. ერთ-ერთ ქრისტიანულ წიგნში ქონების ერთობაზე დამყარებული თემის ცხოვრება ასეა აღწერილი: და არავინ თავისი მამულიდან არაფერს თავისად არ უწოდებდა, არამედ ყველაფერი საერთო ჰქონდათ... არავინ იყო მათ შორის გაჯირვებული, რადგან ყველანი, ვინც მიწას ან სახლს ფლობდა, ყიდდნენ მათ, საფასური მოჰქონდათ და ნოციქულების ფერხით აწყობდნენ, და თითოეულს ეძლეოდა, რაც მას სჭირდებოდა. — თუმცა ქრისტიანული რელიგია არსებობდა მხოლოდ სიტყვიერად უარყოფდა კერძო საკუთრებას, რადგან ის სააქაო ცხოვრების ღირებულების დანდაბლებასთან ერთად ქონების უარყოფელიც უნდა ყოფილიყო, პრაქტიკულად კი ის კარგად ეგუებოდა კერძო საკუთრებაზე დამყარებულ საზოგადოებას, ხოლო ქრისტიანული ეკლესიაც თვითონ იყო საკმაოდ მსხვილი მესაკუთრე.

კერძო საკუთრებას ხანგრძლივი ისტორია აქვს, იგი იცვლებოდა. არსებობდა საკუთარ შრომაზე დამყარებული საკუთრება და სხვისი შრომის მითვისებაზე დამყარებული კერძო საკუთრებაც, მონათმფლობელური და ფეოდალური, ბატონყმური საზოგადოებები კერძო საკუთრებას ემყარებოდნენ, მაგრამ ეს უკანასკნელი ჯერ კიდევ არ იყო გადაქცეული საზოგადოებრივი ცხოვრების იმ მთავარ ლერძად, როგორაც ის კაპიტალიზმის დროს იქცა. მართალია, კერძო საკუთრებასა და ფულისკენ მისწრაფებას ამ საზოგადოებებში ბევრი აბრალებდა ზნეობის გადაგვარებას, მაგრამ მათი პატრიარქალური ხასიათის გამო სიმდიდრეს აქ ბევრი სხვა ღირებულება ევაქერებოდა. მხოლოდ კაპიტალისტურ საზოგადოებაში გადაიქცა კერძო საკუთრება სოციალური ცხოვრების ერთადერთ საფუძვლად, ხოლო მისი ზრდა — ადამიანთა ცხოვრების მთავარ მამოძრავებელ მოტივად. რადგან აქ საზოგადოებას არ შეუძლია იარსებოს, თუ ფანუწყვეტლივ. არ იზრუნა სიმდიდრის მომრავლებაზე, კაპიტალის ზრდაზე. „ანტიკური საზოგადოება, — წერდა მარქსი, — გმობს ფულს, როგორც მონეტას, რომელზედაც მისი ეკონომიური და ზნეობრივი წყობილება ხურდავდება. თანამედროვე საზოგადოება, რომელმაც თავის სიყმაწვილეში თმით ამოათრია პლუტოსი (სიმდიდრის ღმერთი) დედამიწის წიაღიდან, მიესალმება ოქროს, როგორც თავის ყველაზე ძირითადი პრინციპის ბრწყინვალე განსახიერებას“².

ფეოდალური საზოგადოების წოდებები და ფენები მხოლოდ ქონების სიდიდით კი არ განსხვავდებოდნენ, არამედ გვართა და წარმოშობით განსაზღვრული პრივილეგიებითაც. ფრანგი მორალისტი შამფორი გონებამახვილურად წერდა: საფრანგეთში თავდაზნაურობას რომ ეკუთვნოდე, ამის პირდაპირ საბუთად ის ითვლება, თუ შენი წინაპარი ერთ-ერთი იმ ოცდაათათასთაგანი იყო, რომლებიც აბჯარასხმულნი და მუზარადებით, რკინის სამკლავებითა და საბარკულებით დაცულნი, მძლავრ თორთსან ცხენებზე შემსხდარნი, მუსრს ავლებდნენ ჩვენს შეიდრვა მილიონ უიარალო წინაპარს. წოდებრივი პრივილეგიების გაუქმების მიუხედავად „კეთილშობილურ“ გვარს არც ბურჟუაზიულ საზოგადოებაში დაუკარგავს მომხიბვლელობა, მაგრამ უმთავრესი ხიბლი მაინც კაპიტალსა აქვს. კაპიტალის ძალაში რწმენა კარგად გამოხატა ერთმა რუსმა ვაჭარმა, რომელსაც პასუხისგებაში მიცემას უპირებდნენ: „რაო, მე უნდა ჩამსვათ ციხეში? ვაჭარი, თორმეტი მილიონი კაპიტალის პატრონი?“ — გაიკვირვა მან³. საზოგადოებაში, სადაც თვითმიზ-

2 კ. მარქსი. კაპიტალი. ტ. I, თბ., 1954, გვ. 170—171.

3 А. Ф. Копп. Собр. соч., в восьми томах, т. I, М., 1966, с. 39.

ნად იქცა კაპიტალის ზრდა, ეს უკანასკნელი ადამიანის წარმატების, მისი ღირსებებისა და ნიჭის საზომი. ხოლო რამდენადაც ამ საზოგადოებამ ფართო გასაქანი მისცა კონკურენციას, რომელიც ადამიანებს ერთმანეთს უპირისპირებს, ის ხელს უწყობს ინდივიდუალიზმისა და ეგოისტური ფსიქოლოგიის ჩამოყალიბებას.

საკუთრებრივი ურთიერთობანი ღრმა დაღს ასევამს ადამიანს და მაინც საქმის გამართლებმა იქნებოდა, თუკი ეგოიზმსა და ინდივიდუალიზმს მხოლოდ კერძო საკუთრებასთან და მით უფრო მის კაპიტალისტურ ფორმასთან დეაკავშირებდით. „ეგოიზტი“ და „ინდივიდუალისტი“ ყოველი ცოცხალი არსება, რამდენადაც თავისი არსებობის შენარჩუნებაზე ზრუნავს უმთავრესად და არსებობისათვის ბრძოლაში სწვა არსებების „ინტერესებს“ ეჯახება. რა თქმა უნდა, საზოგადოებათმცოდნეობაში კერძო საკუთრებას ყოველგვარ პირად საკუთრებას კი არ უწოდებენ, არამედ საკუთრებას წარმოების საშუალებებზე, რამდენადაც ის შეიძლება გამოყენებულ იქნას სხვისი შრომის შედეგების მისათვისებლად, მაგრამ თავისი ბუნებით ინდივიდუალიზმი და ეგოიზმი როგორც ცხოვრებისეული პოზიციები არსებითად არ განსხვავდებიან კერძომესაკუთრული ტენდენციებისაგან. თუმცა აუცილებლობით არ არიან დაკავშირებული კერძო საკუთრების არსებობასთან. ამიტომაც არაფერი უცნაური იმაში არ არის, რომ კერძომესაკუთრულ ტენდენციებს მაშინ ვებრძვით, როცა კერძო საკუთრება დიდი ხანია თითქოს გაუქმებული გვაქვს. თუმცა კერძო საკუთრების არსებობა არ არსებობის საკითხიც ასე მარტივად არ წყდება: როდესაც, მაგალითად, საზოგადოების კუთვნილი მანქანა-იარაღებით, საზოგადოებრივ საკუთრებაში მყოფ ქარხანასა თუ ფაბრიკაში, ან ფარულად ორგანიზებულ სააქტიურობაში „მარცხენა“ საქონელს ამზადებენ და ჰყიდიან, ძნელი სათქმელია. საზოგადოებრივ საკუთრებასთან გვაქვს საქმე თუ კერძო საკუთრებასთან. როგორც ჩანს, საზოგადოებრივი საკუთრების ბატონობა თავისთავად როდი უზრუნველყოფს იმას, რომ ის არ იქნება გამოყენებული კერძომესაკუთრული მიზნებით.

ინდივიდუალიზმი და ეგოიზმი რომ აუცილებლობით კერძო საკუთრებას არ ემყარებიან, ეს კარგად ჩანს ოჯახურ ცხოვრებაზე დაკვირვებადანაც: როგორც არ უნდა ბატონობდეს საზოგადოებრივი საკუთრება, თუკი ოჯახში ბავშვის ყველა კაპრიზი დაუყოვნებლივ სრულდება, თუკი მას შრომასა და მოვალეობის შესრულებას არ მიაჩვენენ, ეს საკმარისი იქნება მასში ეგოისტური და ინდივიდუალისტური, თუ გნებავთ კერძომესაკუთრული მიდრეკილების ჩამოსაყალიბებლად.

ნათქვამიდან ისიც ჩანს, რომ უარყოფითი მოვლენების, „კერძომესაკუთრული“ ტენდენციების არსებობა სრულიადაც არ არის აუცი-

ლებელი იმით ავსხნათ, რომ ისინი ე. წ. „გადმოხაშთებს“ წარმოადგენენ ან უმთავრესად კაპიტალისტური სამყაროს არსებობას და მის გავლენას მივაწერთ ისინი. ერთიცა და მეორეც უნდა გავითვალისწინოთ, მაგრამ უმთავრესად მათ ვერ დავაბრალებთ ამ მოვლენების არსებობას. მით უფრო, რომ ზოგიერთი უარყოფითი მოვლენა ჩვენში ნაკლებად როდია გავრცელებული, ვიდრე იმ საზოგადოებაში, რომლის გავლენასაც მივაწერთ ხოლმე ამ მოვლენებს.

კერძო საკუთრებას ზოგჯერ ადამიანის ბუნებისაგან განუცალკევებელ რაიმედ მიიჩნევენ, თვლიან, რომ ადამიანისათვის არაფერია ისე ბუნებრივი, როგორც „ჩემი“ და „შენი“, და არაფერია ისე უცხო, ვიდრე „ჩვენი“. სინამდვილეში კი, როცა ადამიანები კარგად განასხვავებენ „ჩემსა“ და „შენს“, ეს არ უშლით მათ ხელს მიითვისონ „სხვისი“, თავისად აქციონ ის, ხოლო „ჩვენი“ ადამიანებისათვის არასოდეს არ ყოფილა უცხო, მაგალითად ოჯახის საკუთრების აღსანიშნავად. ასევე ბუნებრივად აკავშირებენ ადამიანები „ჩვენს“ საშობლოსთან, მის წუნებასა და კულტურასთან და ა. შ. „ჩემი“ და „შენი“ ასე ბუნებრივად რომ იყოს დაკავშირებული კერძო საკუთრებასთან, ალბათ არც იტყოდა პოეტი „რასაცა ვასცემ, შენიაო“ და არც ხალხის ზნეობრივ მრწამსს დაუუკავშირდებთ ამ აფორიზმს.

საკუთრება რთული მოვლენაა და ის მრავალმხრივ კავშირშია სხვა საზოგადოებრივ მოვლენებთან. ამ კავშირზე მსჯელობა კი არ უნდა დავამყაროთ გარეგნულ მსგავსებებზე. სწორედ გარეგნულ მსგავსებების გამო ზოგჯერ ეწინააღმდეგებიან ისეთ გარდაქმნებს შრომის ორგანიზაციასა და სახალხო მეურნეობის მართვაში, რომლებიც ადამიანთა პირადი პასუხისმგებლობის გაზრდისა და მათი ინიციატივის ფართოების შესაძლებლობას იძლევიან. თუ გარეგნული ნიშნებით ვიმსჯელებთ, ისეთი მოვლენები, როგორცაა საკოლმეურნეო მიწების გაპიროვნება ბრივადებზე, რგოლებზე ან ცალკეულ მუშაკებზე ან პრემიალური ანაზღაურების ის წესი, რომელიც ფართოდ გამოიყენეს აბაშის ექსპერიმენტში (ზეგეგმითი პროდუქციის დიდი ნაწილის მიცემა კოლმეურნეთათვის), საზოგადოებრივ საკუთრებასთან შეუთავსებლად უნდა მიგვეჩინა. მაგრამ ამგვარი მსჯელობა არ ითვალისწინებს საზოგადოებრივ ცხოვრებაში მომხდარ ცვლილებებს: წავიდა ის დრო, როცა კოლექტივის მთავარ უპირატესობას „მხარიმხარ“ მუშაობაში და „ოდოიას“ სიმღერით სიმინდის ერთად თონაში ხედავდნენ. ახლა, როცა სასოფლო-სამეურნეო შრომა მნიშვნელოვნად დაუახლოვდა ინდუსტრიულს, არ შეიძლება 30-ანი წლების წარმოდგენებით ვიმსჯელოთ კოლექტიურობაზე. ასევე მცდარია და ზედაპირული ის შეხედულება, რომელიც ისევ გარეგნული მსგავსების გამო აახლოვებს პირად

დამხმარე მეურნეობას კერძო საკუთრებასთან და მის შეზღუდვასა და მოსპობის დაჩქარებას მიიჩნევს საჭიროდ.

როგორც ვხედავთ, კერძომესაკუთრული ტენდენცია, რასთანაც უარყოფით მოვლენებს აკავშირებენ ხოლმე, რთული მოვლენაა და უშუალოდ კერძო საკუთრების არსებობას არ გულისხმობს. ადამიანის ცხოვრებას, მის არსებობასა და შრომას, ადამიანებთან ურთიერთობასა და სულეერი მოთხოვნილებების დაკმაყოფილებასაც საშუალებები სჭირდება, ხოლო როდესაც ადამიანის მთელი ძალღონე და ღრო ამ საშუალებების მოპოვებას ხმარდება, მაშინ მისი ცხოვრების შინაარსში მიზნების ადგილს საშუალებები იკავებენ; ადამიანი იმის ნაცვლად, რომ ცხოვრობდეს, არსებითად იმაზე ზრუნავს, რომ ცხოვრების საშუალებები ჰქონდეს; ადამიანის ყოფნა ფლობაზე დაიყვანება. ასეთმა ადამიანმა იმის ნაცვლად, რომ თქვას „ვარ“, უნდა თქვას „მაქვს“. ამგვარი ადამიანის ცხოვრება კერძომესაკუთრულია ამ სიტყვის ფართო გაგებით: ფლობა ადამიანებს აცალკევებს ერთმანეთისაგან, მაშინ როცა ადამიანური ყოფნა სხვა ადამიანებთან ერთად ცხოვრებას, თანაყოფნას ნიშნავს. ქონება სხვა ადამიანის უფლებას გამორიცხავს მასზე, ყოფნა კი არის გაზიარება — ფიქრის, გრძნობის, საქმიანობის გაზიარება. მართალია, პოეტი ქონებაზეც ამბობს, „რასაცა ვასცემ, შენიაო“, მაქსიმლიან ვოლოჟინს კი უთქვამს, ჩვენი საკუთრება მხოლოდ ის არის, რასაც ვაგვემთ, ხოლო ის, რისი ვაცემაც არ გვიღდა, ჩვენ კი არ გვეკუთვნის, არამედ ჩვენ ვეკუთვნითო მას, მაგრამ ამით სწორედ კერძო საკუთრების წინააღმდეგობრივი ხასიათი და ადამიანის ბუნებასთან შინა შეუსაბამობაა გამოთქმული.

„ყოფნა და ფლობა“ — ამის შესახებ დღეს დასავლეთის ფილოსოფოსები საკმაოდ ბევრს წერენ. ამ სათაურით დაწერა წიგნი ფრანგმა ფილოსოფოსმა ვაბრიელ მარსელმა, ხოლო ცნობილი ფილოსოფოსისა და ფსიქოლოგის ერინ ფრომის წიგნის სათაური „ფლობა თუ ყოფნა“ უფრო რადიკალურად გამოთქვამს ადამიანის ცხოვრების ამ ორი განზომილების დაპირისპირებას. ერთი შეხედვით ამგვარი დაპირისპირება უცნაურია. შეიძლება ვინმემ იკითხოს: ყოფნა თუ გაზიარებას ნიშნავს, რა უნდა გაუზიაროს ერთმა ადამიანმა მეორეს, თუ მას არაფერი არ აბადია? ქონება როგორ აცალკევებს ადამიანებს, როცა თუკი რაიმე გვაქვს, სტუმარიც მაშინ გვიღდა და სხვისთვის დახმარების სურველსაც მაშინა აქვს. აზრი? ხომ არ არის ყოფნისა და ფლობის დაპირისპირება სილატაკის ფილოსოფია, რომელიც თვითონ ფილოსოფიის სილატაკის დამადასტურებელი იქნება? განა ადამიანს როცა მეტი აქვს, მაშინ არ არის მისი ყოფნა უფრო მტკიცე?

ამგვარი კითხვები ბუნებრივია, მაგრამ ბუნებრივი ყოველთვის სამართლიანს როლი ნიშნავს: შეცდომა ჭეშმარიტებაზე ნაკლებად ბუნებრივად როლი ჩნდება. ბუნებრივია ეს კითხვები იმიტომ, რომ ადამიანის გონებას გამარტივებისაკენ აქვს მისწრაფება, მით უფრო, თუ ამგვარი გამარტივება მას ხელს აძლევს და მის ცხოვრებას ამართლებს. სინამდვილეში ყოფნისა და ფლობის დაპირისპირება სულაც არ ნიშნავს ქონებისა და უქონლობის დაპირისპირებას და იმის ქადაგებას, რომ ადამიანი მით უფრო კარგად გრძნობს თავს, რაც უფრო ნაკლები აქვს მას. ასევე ნივთების კულტზე რომ ლაპარაკობენ, ეს სულაც არ ნიშნავს იმას, რომ ნივთი თავისთავად საჩოთირო რამ იყოს. ნივთი ადამიანის შრომით არის შექმნილი, მასში მან თავისი აზრი და უნარი ჩააქსოვა და ის ისევე იმსახურებს პატივისცემას, როგორც თვით შრომა. ფლობისა და ყოფნის დაპირისპირება ნივთებისა და სიღატაკის დაპირისპირება კი არ არის, არამედ ადამიანის ცხოვრების მიზნებისა და საშუალებების დაპირისპირება და მისი შინაარსი ის არის, რომ ცხოვრების გაუქვლმართების გამო გარკვეულ პირობებში მიზნების ადგილს საშუალებები იკავებს, ეს საშუალებები მას ცხოვრების მიზნებად წარმოუღდება.

რაც შეეხება იმას, რომ რაც უფრო მეტი აქვს ადამიანს, მით უფრო მტკიცეა მისი არსებობა, ამ აზრში სიმართლეც არის და სიკრუვეც. ადამიანური ყოფნა უპირველესად თავისუფლად ყოფნაა; რაც უფრო თავისუფლად, თვითონ განსაზღვრავს თავის ცხოვრებას ადამიანი, მით უფრო ადამიანურია მისი ყოფნა. ქონება ადამიანისათვის, მისი თავისუფლებისათვის პირობაც არის: ადამიანი ელემენტარული ცხოვრების პირობებისათვის რომ იღვწის, მაშინ ის სულაც არ არის თავისუფალი, მაგრამ ქონება და შეძლება ადამიანისათვის ზოგჯერ ბოროტადაც იქცევა ხოლმე: თანამდებობისა და მასთან დაკავშირებული. პრივილეგიებისა და კომფორტის დაკარგვის შიშით ადამიანები ხშირად კარგავენ იმის უნარს, რომ დამოუკიდებელი აზრი ჰქონდეთ, ან ღრმად მაღავენ მას, რათა ის არ დაუპირისპირდეს იმათ შეხედულებას, რომლებზეც მათი კარიერაა დამოკიდებული.

როდესაც დასავლეთის ფილოსოფოსები ყოფნასა და ფლობაზე წერენ, მათი მსჯელობა ხშირად ზედმეტად განწყენებულია და გვერდს უვლის იმ ვითარების მიზეზების გამოკვლევას, თუ რატომ არიან მათ საზოგადოებაში ადამიანები ორიენტირებული უფრო ფლობაზე, მაგრამ თვით ადამიანის ცხოვრების ამ განსხვავებული ორიენტაციების ანალიზი ხშირად ადამიანთა ყოველდღიურ ყოფაზე მახვილგონიერ დაკვირვებას ემყარება. ასე, მაგალითად, საინტერესოდ ახასიათებს ერის ფრომი ყოფნასა და ფლობაზე ორიენტირებულ ადამიანთა ქცევებს, რომლებიც

ვლინდება ადამიანის სხედასხვაგვარ საქმიანობასა თუ გრძობა-განწყობებში — სწავლაში, საუბარში; კითხვაში, სიყვარულში და სხვ. მაგალითად, ის სტუდენტები, რომლებმაც მთავარია ცოდნის შექმნა, ლექციის მოსმენისას ცდილობენ გაიგონ სიტყვები, მათი ლოგიკური კავშირები და საზრისი და რაც შეიძლება სრულად ჩაიწყონ ის, რათა შემდეგ კარგად ჩააბარონ ის, რაც შეიძინეს, მაგრამ ისინი არ ფიქრობენ ამ სიტყვების ნამდვილ შინაარსზე, ეს შინაარსი არ ხდება მათი სააზროვნო სამყაროს ნაწილი, არ ამდიდრებს მას, ყოფნაზე ორიენტირებული მოსწავლე კი ცხოვრობს იმით, რასაც იგებს, ლექციის მოსმენის შემდეგ ის სხვა ხდება, ვიდრე მანამ იყო. ასევე საუბრის დროს ვინც თავის აზრებს ისე უყურობს, როგორც საკუთრებას, მისთვის მთავარია თავისი შეხედულება, თავისი აზრი გამოთქვას, ხოლო ყოფნაზე ორიენტირებულსათვის, ე. ი. იმისათვის, რომელსაც უბრალოდ კი არა „აქვს“ შეხედულებები, არამედ ცხოვრობს ამ შეხედულებებით, მთავარი ის კი არ არის, რომ თავისი შეხედულება გამოთქვას, არამედ ის, რაც ცოცხალია საუბარში. ის არ არის გამსჭვალული იმის შიშით, რომ არ დაკარგოს თავისი შეხედულება. ასეთ შემთხვევაში ადამიანთა ურთიერთობა ინფორმაციის, ცოდნის გაცვლის ნაცვლად ცოცხალ დიალოგად გადაიქცევა, რომლის პროცესში მთავარი ის აღარ არის, თუ ვინ არის მართალი. ფლობაზე ორიენტირებული ბალზაეს, მაგალითად, ასე წაიკითხავდა: გაიგებდა, რა მოუვიდა ამა თუ იმ გმირს, რით დამთავრდება მოთხრობილი ამბავი და ა. შ. ამით ამოიწურებოდა მისთვის კითხვა. ამნაირი წაკითხვის შედეგად მის შეხედულებებში არაფერი შეიცვლებოდა, ადამიანის ბუნების გაგება არ გაღრმავდებოდა და არც თავის შესახებ გაიგებდა ის რაიმე ახალს. ასევე მოიქცეოდა ის ფილოსოფიური წიგნის წაკითხვისას: გაეცნობოდა ამა თუ იმ ფილოსოფოსის შეხედულებას, მაგალითად. ადამიანზე, მის მოვალეობაზე, ადამიანურ ურთიერთობაზე, სიკვდილ-სიცოცხლეზე, ისე რომ ეს არავითარ კვალს არ დატოვებდა მის სულში, არაფერს შეცვლიდა მის ქცევაში. ანალოგიურად შეიძლება გვემსჯელა ადამიანის მოქმედებისა და ცნობიერების სხვა ფორმებზე — რწმენაზე, სიყვარულზე და სხვ.

ფლობაზე ორიენტირებული ადამიანი სხვაგვარად განიცდის, აღიქვამს ხელოვნების ნაწარმოებებს, ვიდრე ის, ვინც ცხოვრობს ამ ნაწარმოებებით, მისთვის ხელოვნების ნაწარმოები მხოლოდ სიამოვნების მიღების საშუალებაა, ასეთი ადამიანისათვის კარგი სადილის შემდეგ დესერტად გამოდგება „ყოფნა-არყოფნის“ შესახებ მონოლოგიცა და „ლაკრიმოზაც“, ის შეიძლება იმის შემდეგ, რაც მეგობარს უმუხტლებს, სიამოვნებით ღიღინებდეს სიმღერებს მეგობრობასა და უანგარო სიყვარულზე.

ნათქვამი ისე არ უნდა გავიგოთ, თითქოს სიამოვნება საერთოდ „ფლობაზე“ ორიენტაციას ნიშნავს და ამიტომ ყოფნაზე ორიენტირებული ადამიანი ასკეტი უნდა იყოს და ამქვეყნიურ სიამოვნებას ზურგი უნდა შეაქციოს. პირიქით, ნამდვილ სიამოვნებას სწორედ ფლობაზე ორიენტირებული ადამიანი იკლებს, რადგან მან არსებითად ერთი სიამოვნება იცის — სიამოვნება იმის განცდისაგან, რომ რაიმე მას ეკუთვნის. რა თქმა უნდა, იგი ურჩხული არ არის, მისთვისაც არაფერი ადამიანური უცხო არ არის, მაგრამ ამგვარ ადამიანში მაინც ფლობისგან მიღებული განცდა ბატონობს — მაღალშხატერული ნივთი მას დიდ სიამოვნებას განსაკუთრებით იმით ანიჭებს, რომ ის მას ეკუთვნის, დროსტარების დროს მისი მთავარი განცდა ის არის, რომ „აქვს და ხარჯავს“. ამასთან სულაც არ არის აუცილებელი, რომ ფლობაზე ორიენტირებული ადამიანი სრასასახლეების პატრონი იყოს. ფლობაზე ორიენტირებული ისიც, ვინც მაინცა და მაინც დიდი ქონების „მომხვეველი“ არ არის, მაგრამ სამაგიეროდ ცდილობს კიდევ უფრო ნაკლები მისცეს საზოგადოებას. ყოველდღიური სიტყვაწმარება ტყუილად როდი აღნიშნავს ერთი და იგივე სიტყვით „ხალტურა“ უკანონო შემოსავალსაც და არაკეთილსინდისიერ მუშაობასაც („გახალტურება“). ზოგჯერ ფიქრობენ, რომ ქურდობა და უპატიოსნება მხოლოდ ზომა-წონაში მოტყუებაა. ამიტომ შეიძლება რომელიმე ადამიანი, რომელიც სასახურში ორი შაურის საქმეს არ აკეთებს, თუკი მას გამყიდველი აბაზს დააკლებს, პატიოსანი ადამიანის გულწრფელ აღშფოთებას გამოთქვამდეს.

როდესაც იმაზე ვლაპარაკობთ, თუ რა გავლენას ახდენს კერძომესაკუთრული ტენდენცია ადამიანის სულზე, მის ფსიქოლოგიაზე, როდესაც ყოფნასა და ფლობას ვუპირისპირებთ ერთმანეთს, ეს იმას როდი ნიშნავს, რომ კერძო საკუთრება მხოლოდ ქურდებსა და ავანაკებს წარმოშობს, ხოლო საზოგადოებრივი საკუთრება — წმინდანებს. ადამიანის ჩამოყალიბებაზე, მასში ბოროტი თუ კეთილი საწყისის განვითარებაზე მხოლოდ საკუთრება და საკუთრებრივი ურთიერთობა როდი ახდენს გავლენას. საკუთრების უბრალო, უხეში უარყოფა, როგორც ქ. მარქსი ამბობდა, ისევ კერძო საკუთრების პრინციპს ემყარება და მისი განვითარებაა. კერძო საკუთრების ამგვარ უარყოფას მარქსი უხეშ და უაზრო კომუნიზმს უწოდებდა, რომელიც პიროვნებას უფულებელყოფს. ისტორიამ გვიჩვენა, რომ ამგვარი უხეში კომუნიზმი მხოლოდ უტოპისტების ფანტაზია კი არ ყოფილა, არამედ ზოგჯერ სახელმწიფოებრივ დოქტრინამდე ამაღლებულა და მასობრივი რეპრესიებისა და ძალდატანებითი „ხელახალი აღზრდის“ ფორმები მიუღია, როგორც ეს ჩინეთში „კულტურული რევოლუციის“ დროს ხდებოდა. კერძო სა-

კუთრების პრინციპზევე დამყარებული ამგვარი უარყოფა კერძო საკუთრებისა ადამიანის სულს თვით კერძო საკუთრებაზე ნაკლებად როლი ამბინჯებს.

კერძო საკუთრება არ არის ბოროტების ერთადერთი წყარო, ხოლო კერძომესაკუთრული მისწრაფება — ადამიანის სულის ერთადერთი მანკიერება. ადამიანის ცხოვრებაში ბევრი სხვა ბოროტებაა, რომლებიც არ არიან კერძომესაკუთრული ტენდენციის გამოვლენა, თუმცა ეს უკანასკნელი შეიძლება ხელს უწყობდეს მათგავრცელებასა და გაძლიერებას: უმეცრება, რასობრივი და ეროვნული შუღლი, ომი, ტირანია... ადამიანის სულშიც ბევრი მანკიერებაა, რომლებიც არ არიან პირდაპირ დაკავშირებული „მომხვეჭელობასთან“: შური, სისასტიკე, სიცრუე და სხვ. ბოროტებას ზოგჯერ მაშინაც სჩადის ადამიანი, როცა არავითარ საარგებლობას არ მოელის მისგან. არსებობს როგორც დაუინტერესებელი სიყვითე, ასევე დაუინტერესებელი ბოროტებაც! მაგრამ ეს არ ამცირებს კერძომესაკუთრული ტენდენციით, ეგოიზმითა და ინდივიდუალიზმით გამოწვეულ ბოროტებას. კერძომესაკუთრული ტენდენცია არსებითად არის ადამიანის ყურადღების გადატანა ყოფნიდან ფლობაზე. მაგრამ რა არის „ყოფნა“? რა არის ადამიანური ცხოვრების შინაარსი? დღევანდელი ადამიანის ცხოვრებაში მაინც დიდი ადგილი უკავია შრომას; მასში, კერძოდ კი შემოქმედებით შრომაში, ხედავენ ხშირად ადამიანის სიცოცხლის აზრს. შრომისადმი საზოგადოებისა და ადამიანის დამოკიდებულება მნიშვნელოვან გავლენას ახდენს ადამიანთა ცხოვრებაზე საერთოდ, მასში დადებითი და უარყოფითი მოვლენების თანაფარდობაზეც.

რას ამგობენ ფილოსოფოსები შრომის შესახებ

კატორღა იქ, სადაც წერაქვის დარტყმებს საზრისი აკლია, სადაც შრომა ადამიანს ადამიანებთან არ აერთიანებს.

ანტუან დე სენტი-გზიუპერი

თავისუფლების სამეფო... საკუთრივ მატერიალური წარმოების მიღმა მდებარეობს.

კ. მარქსი

შრომა, საკუთრების მსგავსად, ჩვეული საჯანია ადამიანისათვის, და ამდენად თითქოს ნაკლებად საინტერესო. საკუთრება კიდევ შეიცავს რაღაც სირთულეს, რამდენადაც ის ნივთებთან დამოკიდებულება

კი არ არის, როგორც ერთი შეხედვით შეიძლება მოეჩვენოს ადამიანს, არაქედ ადამიანთა შორის ურთიერთობაა. შრომა კი უფრო მარტივი ჩანს და იმაზე ფიქრი. თუ „რა არის შრომა და რას აძლევს ის ადამიანს“, სრულიად უნაყოფო ჩანს. მიუხედავად ამისა, შრომას არაერთი მეცნაერება შეისწავლის — პოლიტიკური ეკონომია, სოციოლოგია, ფსიქოლოგია, ესთეტიკაც კი, მაგრამ ისინი შრომის სხვადასხვა მხარეებს იკვლევენ და მის მოწყობას ცდილობენ უკეთ, შრომის არსების დახასიათება და ადამიანის ცხოვრებაში მისი ადგილის დახასიათება კი თითქმის თავისთავად გასაგები რამ არის და სალაპარაკოდ არ ღირს.

შრომის ასეთი ჩვეულებრიობის გამო ადამიანი მას საგანგებო ყურადღებას არ აქცევდა. არც ფილოსოფოსები იწუხებდნენ თავს დიდად იმაზე, თუ რას წარმოადგენს შრომა. რაზე არ ბუობდნენ ისინი — სამყაროს პირველმბოზებზე და მსოფლიო წესრიგზე, კუშმარიტებაზე და მშენიერებაზე, სიკეთესა და ბოროტებაზე, დავობდნენ იმაზე, არსებობს თუ არა სამყარო, და თუ არსებობს, შეგვიძლია თუ არა მისი შექმნება და ა. შ. სამყაროს შექმნებაში დაუქვებულნი ადამიანს მიუბრუნდებოდნენ ხოლმე და ამოცანად დაუსახავდნენ მას — შეიციან თავი შენო, მაგრამ ადამიანისა და მისი ყოფიერების გასაგებად შრომას არავითარ მნიშვნელობას არ ანიჭებდნენ. ეს იმიტომაც ხდებოდა, რომ შრომა ყველა ადამიანის საქმე როდი იყო. უფრო მეტიც: ის, უწინარეს ყოვლისა, იმის მოვალეობა იყო, ვინც საზოგადოებრივი კიბის დაბალ საფეხურზე იმყოფებოდა — მონის, ყმის, მუშის. ძლიერნი ამა ქვეყნისა კი ამ დროს ნადირობით, ჯირითთა და სროლაში ვარჯიშით ირთობდნენ თავს. მათი შემყურე ფილოსოფოსნიც საუკეთესო შემთხვევაში ადამიანის დანიშნულებას იმაში ხედავდნენ, რომ მას დამშვიდებულად ექვრიტა ღმერთის მიერ შექმნილი სამყარო და განცვიფრებულყო მისი გონიერულობით.

კაპიტალიზმამდელ საზოგადოებაში ფილოსოფოსებს შრომა იმიტომაც არ აინტერესებდათ, რომ მათ ყურადღებას საერთოდ იშვიათად იქცევდა საზოგადოებრივი ცხოვრება. ადამიანთა ცხოვრება ისე მდორედ მიდიოდა, რომ ისინი ვერ ამჩნევდნენ ისტორიის მსვლელობას, საზოგადოების განვითარებას და, ბუნებრივია, არც მის მიზეზებს კითხულობდნენ. ბურჟუაზიული ცხოვრების წესმა საზოგადოების ამოძრავებასთან ერთად ისტორიის გრძნობა გაუჩინა ადამიანს, საზოგადოების განვითარებასა და მის მიზეზებზე გადაიტანა ადამიანის ყურადღება.

ბურჟუაზიულმა საზოგადოებამ იცის დროის ფასი და ადამიანის დანიშნულებად სამყაროს ქვრეტა აღარ მიაჩნია. ადამიანის დანიშნულებაა საქმე, რადგან ის მოქმედი არსებაა, ადამიანის ნამდვილი ყო-

ფიერება მისი მოქმედება — ასე გამოხატა ადამიანზე ახალი შეხედულება ფილოსოფოსმა ჰეგელმა და დასაბამი იმისა ახალ მიმართულებას აზროვნებაში. თვით ადამიანისა და მისი აზროვნების გაგებაში.

ადამიანის როგორც მოქმედი არსების გაგებიდან შრომის განსაკუთრებული როლიც უნდა გამოდინარეობდეს თითქოს. ადამიანის მოქმედება, უწინარეს ყოვლისა, ბუნების გარდაქმნაა, ბუნების ნივთიერებათა მითვისებაა, ეს კი შრომის საშუალებით ხორციელდება. შრომის პროცესში ადამიანი თავის ნებას განახორციელებს, შრომის შედეგში გაასაგნებს თავის ცოდნასა და უნარებს და ამით მას ეძლევა საშუალება თავისი ღირებულება განიცადოს. რა თქმა უნდა, ადამიანში უფრო მეტი შესაძლებლობანია, ვიდრე ის ამა თუ იმ სახის შრომაში ავლენს მათ, მაგრამ თუ ეს შესაძლებლობანი არანაირად არ გამოვლინდა, მათი არსებობაც საეჭვო ხდება. შრომაში, რაიმეს შექმნაში კი ადამიანის შესაძლებლობანი თვალნათლივ ვლინდება.

ადამიანის ჩამოყალიბებასა და კულტურულ განვითარებაში დიდი მნიშვნელობა იმასაც აქვს, რომ, როგორც ჰეგელი ამბობდა, შრომა შეკავებული ლტოლვაა. შრომის ამგვარი ბუნების გამო არის ის, რომ, ისევე ჰეგელის მიხედვით, ის ადამიანის კულტურისა და განვითარების საფუძველიცაა. ვადრე ადამიანი თავისი ლტოლვების, სურვილების მონაა, ვიდრე მის ქცევას წუთიერი მოთხოვნილებები განსაზღვრავენ, ის ნამდვილ ადამიანად არ ჩამოყალიბებულა. ადამიანის სახელს არ ამართლებს ის, ვისაც არ შეუძლია თავისი ინტერესები და უნარები შოაწესრიგოს, ვისაც არა აქვს უნარი გარკვეულ მიზნებს დაუმორჩილოს თავისი მოქმედება და ამ მოქმედების დროს ანგარიში გაუწიოს საგნის ბუნებას, რომელზეც ის მოქმედებას ახდენს, და ადამიანებს, რომლებთანაც მას უხდება ურთიერთობის დამყარება შრომის განაწილებისა და, საერთოდ, ადამიანის ყოფიერების საზოგადოებრივი ხასიათის გამო. შრომა სწორედ ისეთი მოქმედებაა, რომლის პროცესშიც ადამიანი უბრალოდ თავისი გრძნობებისა და ლტოლვების მიხედვით კი არ იქცევა, არამედ თავის თავს კონტროლს უწევს და სხვების მოქმედებასაც ითვალისწინებს.

შრომის ეს დადებითი მხარეები ფილოსოფოსებისათვის ასე თუ ისე ცნობილი იყო, სამაგიეროდ ისინი ნაკლებ ყურადღებას აქცევდნენ მის სხვა მხარეს. მარქსი საყვედურობდა ჰეგელს იმის გამო, რომ ის, მისი აზრით, შრომის მხოლოდ დადებით მხარეს ხედავდა და ვერ ამჩნევდა მის უარყოფით მხარეს¹. ადამიანისათვის შრომის მნიშვნელობა ჰეგელმა განსაკუთრებით მკაფიოდ დაახასიათა ბატონისა და მონის მიმართების დახასიათებისას. ჰეგელი აჩვენებს, რომ, ერთი მხრივ, ბატონ-

¹ К. Маркс и Ф. Энгельс. Соч., т. 42, с. 159.

ნი მონას იმორჩილებს, რამდენადაც ის არის იმ ნივთის პატრონი, რომელთანაც არის დაკავშირებული მონის სიცოცხლე და რომელზეც არის ის მიკავებული, მეორე მხრივ, ნივთთან, საგანთან უშუალოდ საქმე მონასა აქვს, ის გარდაქმნის საგანს, ბატონი კი მხოლოდ მოიხმარს ნივთს. „მონა შრომობს, სახეს უცვლის საგანს, ახალ ფორმას აძლევს მას და თვითონაც იცვლება. შიში სიკვდილისა და ბატონისა, დისციპლინა და, რაც მთავარია, შრომა თანდათან აძლევს დამოუკიდებლობას მონას. მონა ეუფლება ბუნების საგნებს. მას დამოუკიდებლობა აქვს, ბატონი კი, როგორც მომხმარებელი, დამოკიდებულია მონაზე. თავდაპირველი მიმართება ბატონისა და მონისა შეიცვალა: ახლა დამოუკიდებელია მონა, ბატონი კი დამოკიდებულია“⁵.

ბატონისა და მონის ურთიერთობის ეს გონებამახვილური ანალიზი კარგად გამოხატავს შრომის ისტორიულ როლს კაცობრიობის განვითარებაში. ჰეგელისათვის მთავარი იყო შრომისა და ადამიანის არსებითი ურთიერთობა გამოეთქვა, ის დარწმუნებული იყო იმაში, რომ ისტორია განახორციელებდა იმას, რაც მან ლოგიკურად მიიჩნია. ცალკეული მონის ბედი კი მას არ აინტერესებს და თუმცა იმასაც ამბობს, რომ მონის შრომა ბატონზეა დამოკიდებული, მაგრამ შრომის მეორე მხარე—ის, რომ მონაა აქტიური და დამოუკიდებელი საგნის (გარდაქმნის პროცესში, ჰეგელს მონისათვის საკმაო კომპენსაციად მიაჩნია. მარქსი არ არის იმის იმედზე, რომ ისტორია თავისთავად შეცვლის რაიმეს, ისტორიას თვით ადამიანები ქმნიან, ამიტომ მას უნდა, რომ ნათლად გააცნობიეროს მონის შრომის ის უარყოფითი მხარე, რაც ჰეგელს მხოლოდ მანიშნებელი აქვს. შრომის ამ უარყოფით მხარეს ის ახასიათებს როგორც გაუცხოებას და ამას აკეთებს არა ბატონისა და მონის ურთიერთობის განყენებული განხილვის საფუძველზე, არამედ მის თანამედროვე, ბურჟუაზიულ საზოგადოებაში მუშის შრომის ანალიზის საშუალებით.

შრომის გაუცხოება ან თვითგაუცხოება, მარქსის მიხედვით, იმაში ვლინდება, რომ მუშას. რომელიც კაპიტალისტის კუთვნილ საწარმოშია დასაქმებული, მისი შრომის პროდუქტი და თვით შრომის პროცესი წარმოუდგება როგორც უცხო საგანი და იძულებითი საქმიანობა, როგორც უცხო ძალა, რომელსაც ის არ ფლობს და არ მართავს. შრომა მუშისათვის, წერს მარქსი, არის რაღაც გარეგნული, რაც მის არსებას არ მიეკუთვნება, ის თავის შრომაში კი არ აღგენს თავის თავს, არამედ უარყოფს, თავის თავს ბედნიერად კი არ გრძნობს, არამედ უბედურად, კი არ გაშლის თავისუფლად თავის ფიზიკურ და სულიერ ენერ-

⁵ იხ. თ. ბუაჩიძე. ჰეგელი და ფილოსოფიის არსების პრობლემა. „მეცნიერება“, თბ., 1976, გვ. 57.

გიას, არამედ ფიტავს თავის ფიზიკურ ბუნებას და არღვევს თავის სულს. ამიტომ მუშა მხოლოდ შრომის გათვთვრძნობს თავს საკუთარ თავთან, შრომის პროცესში კი ის თავისი თავისაგან მოწყვეტილად გრძნობს თავს. შრომის გაუცხოება იმაში შეღვენდება, რომ როგორც კი წყდება შრომისაღმი ფიზიკური ან სხვა იძულება, შრომას ისე გაურბიან, როგორც შავ კირს⁶. ასეთ ვითარებაში მუშას ის შეხედულება უყალობდება, რომ ნამღვილი ცხოვრება შრომა კი არ არის, არამედ ის, რაც შრომის შემდეგაა — დასვენება, კამა, ძილი.

შრომის გაუცხოების მოსახსნელად, მარქსის აზრით, საზოგადოების ძირეული გარდაქმნაა საჭირო. მაგრამ ამ გარდაქმნითაც როდი წყდება შრომის გარდაქმნის ამოცანა. მარქსის აზრით, შრომა იმდენად ძირეულად უნდა გარდაიქმნას, რომ ის არაშრომად უნდა იქცეს⁷. რა იგულისხმება ამ, ერთი შეხედვით, უცნაურ დებულებაში? შრომა, ჩვეულებრივი გაგებით, თავისუფალ დროს უპირისპირდება, თავისუფალ დროს ადამიანი იმას აკეთებს, რაც უნდა, შრომის პროცესში კი ის საზოგადოებრივი აუცილებლობით არის შეზღუდული; თუ თავისუფალი დრო ადამიანს თავისი უნარების განვითარებისათვის შეუძლია გამოიყენოს, შრომის პროცესში კი უმთავრესად მოიხმარს ამ უნარებს. შრომის „არაშრომად“ გადაქცევა იმას ნიშნავს, რომ აზრი დაეკარგება შრომისა და თავისუფალი დროის დაპირისპირებას. ერთიცა და მეორეც ადამიანის უნარების, მისი თავისუფალი მოქმედების გამოვლენა იქნება. სწორედ ასეთი შრომა, რომელიც ადამიანის ყოველმხრივი განვითარების გამოხატულება იქნება, შეიძლება მივიჩნიოთ ადამიანის არსების გამოვლენად და არა ყოველგვარი შრომა. ვიდრე საზოგადოება არ მომწიფებულა შრომის ამგვარი გარდაქმნისათვის, რაოდენ დიდი მნიშვნელობაც არ უნდა ჰქონდეს შრომას, იგი არ შეიძლება ადამიანის არსებასთან გათავისუფლოთ და მასზე დაეყვანოთ ადამიანის საქმიანობის მთელი აზრი და ღირებულება.

როგორც ვხედავთ, მარქსი არ კმაყოფილდება შრომის დაღებით მხარის აღნიშვნითა და ზოგადი შეგონებებით იმის თაობაზე, რომ შრომაშია ბედნიერება, ადამიანის სიცოცხლის აზრი და ა. შ. ის აკვირდება იმას, თუ რა პირობებში უნდება ადამიანს შრომა, რა ზეგავლენას ახდენენ მასზე ეს პირობები, რა გრძნობება და წარმოდგენებს ბაჟეზენ აღინიზღვიღღში. მარქსი თავს არ იტყუებს იმ წარმოდგენებით, თითქოს შრომას ადამიანი ყოველთვის ღვთის მადლად და ხსნად თვლიდა. მან იცის, რომ შრომისაღმი დამოკიდებულება საზოგადოებრივ ცხოვრებაში მისი ადგილით არის განსაზღვრული. როდესაც საზოგა-

⁶ К. Маркс и Ф. Энгельс. Соч., т. 42, с. 91.

⁷ Там же, т. 46, ч. I, с. 281.

დობაში ადამიანს ადგილი უმთავრესად მის ქონებაზეა დამოკლებული, შრომა, განსაკუთრებით ფიზიკური, დიდად სასახლო საქმედ არ ითვლება. ასეთ შემთხვევაში, როგორც მწერალი ნ. პომილოვსკი ამბობდა, ბატონობს წესი: „არაფერს ვაქეთებ, მაშასადამე თავისუფალი ვარ“. და, პირიქით, „ბევრს ვმუშაობ, მაშასადამე, მონა ვარ; ქორაზე ვდგები, მაშასადამე, სხვის პურს ვჭამ“.

შრომის საშუალებების განსაზოგადობით მისი გაუცხოების მთავარი საფუძველი მოისპო, მაგრამ ამით მხოლოდ დიწყო შრომის გარდაქმნა. ამ გარდაქმნის დასასრულებლად საზოგადოებრივმა განვითარებამ იმ დონეს უნდა მიაღწიოს, როდესაც, მარქსის თქმით, საზოგადოებრივი სიმდიდრის მაჩვენებელი თავისუფალი დროის სიდიდე იქნება, როდესაც შრომის პროცესი და თავისუფალი დრო ერთნაირად იქნება ადამიანის ყველა უნარის გამოვლენისა და განვითარების ასპარეზი.

შრომა ადამიანის კულტურის საფუძველია, ეს კარგად არის ცნობილი. ადამიანის ჩამოყალიბებაზე, მის ზნეობაზე შრომის ზემოქმედებაც არაერთხელ აღუნიშნავთ. მაგრამ შრომაც არის და შრომაც. სამყაროს საოცრებანიც შრომით არის შექმნილი. ერთ-ერთს მათგანს — ეგვიპტის პირამიდებს — ბევრი მოუყვანია განცვიფრებაში. მათ ადამიანის სიდიადის გამოხატულებად მიიჩნევდნენ. სხვაგვარ ფიქრს აღუძრავდნენ ისინი ჰენრი თოროს. ყველაზე საოცარი პირამიდებში ის არის, აღნიშნავდა ის, რომ ამდენმა ადამიანმა დაიმცირა თავი, რათა თავისი სიცოცხლე რომელიღაც პატივმოყვარე სულელის აკლამის აშენებისათვის შეეწირა.

როდესაც შრომის და განსაკუთრებით ფიზიკური შრომის ქება-დიდებას ვამბობთ, ისიც არ უნდა დავივიწყოთ, რომ ჯერ კიდევ ძალზე მძიმე ფიზიკური შრომა არსებობს და საზოგადოებაში შრომის ისეთი სახეობანიც არის, რომლებიც ადამიანთა უმრავლესობას სათაკილოდ მიაჩნია და მხოლოდ უკიდურეს შემთხვევაში თუ არ იტყვის უარს მათზე. ამასთან ფიზიკური შრომის ქება იმისგან უფრო დასაჯერებელი იქნება, ვინც დიდიდან საღამომდე ღვრის ოფლს და არა გონებრივი შრომის მუშაყისაგან, რომელიც, გაბოლილ ოთახში ქაღალდების ფურცვლით დაღლილი, სუფთა ჰაერზე გავა და ერთ-ორჯერაც დაჰკრავს მიწას ბარს სახალისოდ.

რადგან სხვადასხვაგვარი შრომა არსებობს — ერთში მეტად არის შემოქმედების ელემენტი, მეორეში — ნაკლებად და მესამე კი სავსებით მოკლებულია მას, ერთი მძიმეა და ერთფეროვანი, მეორე კი უფრო მსუბუქი და საინტერესო, ურთი სუფთა გარემოში მიმდინარეობს, ჩეორე კი „შავია“ და არცთუ უსაფრთხო ჯანმრთელობისათვის, ერთი,

შესაბამისად, მაღალი პრესტიჟით სარგებლობს, მეორეს კი ბევრი საჩოთიროდ თვლის, ამიტომ არ შეიძლება მოტივები ერთნაირი ჰქონდეთ ადამიანებს. შრომით შემოქმედებითი ხასიათი ადამიანისათვის მნიშვნელოვანი ფაქტორია, მაგრამ იქ, სადაც ნაკლები შესაძლებლობაა შემოქმედების გამოსავლენად, მნიშვნელოვანი შეიძლება იყოს საზოგადოებრივი სარგებლიანობის მოტივი. ერთსა და იმავე შრომას ადამიანები სხვადასხვაგვარად აფასებენ იმის მიხედვით, თუ სად სრულდება ის: მზარეულისა და ოფიციალისათვისაც საზოგადოებრივი კვების სისტემაში მუშაობა უფრო პრესტიჟულია, ვიდრე იმავე საქმის კეთება საკუთარ სახლში.

შრომითი საქმიანობის მოტივები არც მხოლოდ მისი შემოქმედებითი ხასიათითა და საზოგადოებრივი სარგებლიანობით შემოიფარგლება. ერთ-ერთი მთავარი მოტივი ანაზღაურებაც არის. და ეს მოტივი სულაც არ არის სათაკილო: მართალია, ამ შემთხვევაში თითქოს კმაყოფილების წყაროა არა თვით შრომა, არამედ ის. რაც მის გარეთაა, მაგრამ დღეს, გასული საუკუნისაგან განსხვავებით, „შრომის გარეთ“ მხოლოდ დასვენება და სასიუციულო მოთხოვნილებების დაკმაყოფილება კი არ არის: შეიძლება აუცილებელი შრომა ადამიანისათვის საშუალება იყოს უფრო საინტერესო შრომისათვის თავისუფალ დროს. ამიტომ არ შეიძლება ადამიანზე, რომლისთვისაც გარკვეული შრომის შესრულების დროს მთავარი მოტივი ანაზღაურებაა, ითქვას, რომ ის მომხმარებლური ინტერესით ცხოვრობს. ასევე არ შეიძლება ეს ითქვას იმის გამოც, რომ მისი შრომის ანაზღაურება მხოლოდ მის მოთხოვნილებათა დაკმაყოფილებას არ ხმარდება.

მიუხედავად იმისა, რომ შრომას ადამიანის ცხოვრებაში დიდი ადგილი უკავია, ადამიანური ყოფნის მთელი შინაარსი მასზე არ დაიყვანება. ადამიანს მრავალი ინტერესი, მრავალი მოთხოვნილება აქვს და არ შეიძლება ამ ინტერესებისა და მოთხოვნილებების დაკმაყოფილება მხოლოდ შრომის მოსამზადებელ საფეხურებზე ჩავთვალოთ. არ შეიძლება ითქვას, რომ ბუნების სიმშვენიერით იმიტომ ვტყვებით, წიგნებს იმიტომ ვკითხულობთ, ერთმანეთთან იმისთვის გვაქვს ურთიერთობა, რომ რაც შეიძლება კარგად მოვიკრიბოთ ძალები მუშაობისათვის. თუკი ასე ვიფიქრებდით, ადამიანის ყოველგვარ სხვა საქმიანობას, მეგობრობას, სიყვარულს და სხვ. თავისთავადი ღირებულება დაეკარგებოდა და უაზროდ უნდა მიგვეჩინა იმ ადამიანების ცხოვრება, რომელთაც შრომითი საქმიანობა უკვე დაასრულეს. რა თქმა უნდა, შრომით საქმიანობაში მონაწილეობა ადამიანს საშუალებას აძლევს, იგრძნოს თავისი საქირობა, მაგრამ შრომასაც, ბოლოსდაბოლოს, აზრს ის აძლევს. რაც ადამიანებისათვის არის სასიკეთო, სიკეთის ქმნა კი მარტო შრომა-

გარჯით როდი შეიძლება, არამედ სიტყვითაც და ყოველდღიური ქცევითაც. „მე დღეს არაფერი გამიკეთებია“. — როგორ, განა შენ არ ცხოვრობდი? — კითხულობს მონტენი. — უბრალოდ იცხოვრო — ეს არა მარტო მთავარი, არამედ შენი ყველაზე შესანიშნავი საქმეა... გონივრული წიგნები კი არ უნდა შეთხზა, არამედ გონივრულად უნდა იქცეოდე ყოველდღიურ ცხოვრებაში, ომები კი არ უნდა მოიგო და მიწები დაიპყრო, არამედ წესრიგი და მშვიდობა უნდა დაამყარო ჩვეულებრივი ცხოვრების ვითარებაში. ჩვენი საუკეთესო ქმნილებაა გონების მიხედვით ცხოვრება. ყველაფერი დანარჩენი — მეფობა, სიმდიდრის დაგროვება, აშენება — ყველაფერი ეს, ბევრი-ბევრი, დამატება და დანაწონია“. ფილოსოფოსი აქ უსაქმურობას კი არ ასხამს ხოტბას, არამედ ადამიანის შეზღუდულობის წინააღმდეგ ილაშქრებს.

რა კავშირი აქვს ყოველივე ამას უარყოფით მოვლენებთან?

უარყოფითი მოვლენები მნიშვნელოვანწილად დაკავშირებულია შრომით საქმიანობასთან, მის ორგანიზაციასა თუ არაორგანიზებულობასთან. არაშრომითი შემოსავლის პირველწყარო სწორედ შრომის სფეროშია და იმის გაებაში, თუ როგორ ხდება ეს, ხელს გვიშლიან გაუბრალოებული წარმოდგენები შრომასა და მის მოტივებზე. ჩვენ ვთვლით ხოლმე, რომ ადამიანს თვით შრომა და მისი საზოგადოებრივი სარგებლიანობა უნდა აძლევდეს კმაყოფილებას და ყურადღებას არ ვაქცევთ იმას, რომ ადამიანის კმაყოფილება თუ უკმაყოფილება მარტო იმაზე კი არ არის დამოკიდებული, თუ სად მუშაობს ის — მის კუთვნილ ფაბრიკა-ქარხანაში თუ კაპიტალისტურ საწარმოში, არამედ იმაზეც, თუ როგორია შრომის შინაარსი, როგორია შრომის ორგანიზაცია, რამდენად გრძნობს მუშა იმას, რომ ქარხანაში, სადაც ის მუშაობს, მართლაც ის არის ბატონ-ბატონი, რამდენად უწყვეტ აქ მას ანგარიშს.

ცხოვრების აზრს ხშირად შემოქმედებასა და შემოქმედებით შრომაში ვხედავთ. მართლაც, შემოქმედება დიდ ღირებულებას აძლევს ადამიანის ცხოვრებას. „შემოქმედების აქტი სიცოცხლით დატკობის მთავარი წყაროა... ადამიანის ბედი შემოქმედება... ერთადერთი გზა იმისათვის, რომ ადამიანურად გაეატაროთ „არარსის ეს ინტერმედია“, არის შემოქმედება“, — წერს რუმინელი ფილოსოფოსი ჰ. ვალდი. მაგრამ ჩვენ რეალურ ვითარებას უნდა დავემყაროთ: შემოქმედების, შესაძლებლობანი დღეს ერთნაირი არ არის შრომის სხვადასხვა სფეროში და ალბათ არც ახლო მომავალში იქნება. ამიტომ ჩვენ საცესებით ვაძარ-თლებულად უნდა მივიჩნიოთ შრომის სხვა მოტივებიც. ერთ-ერთი ამგვარი მოტივია საზოგადოებრივად სასარგებლო საქმიანობაში მონაწილეობა. რა თქმა უნდა, ადამიანს ეამაყება ის, რომ მის მიერ დამზადებული დაზგები, მანქანები, ელმაელები ქვეყნის სახალხო მეურნეობას

სჭირდება, რომ მის მიერ აშენებულ სახლებში ათასობით ადამიანი იღებს ბინას და სხვ. მაგრამ არც საზოგადოებრივად სასარგებლო შრომა ერთნაირი და ადამიანსაც ერთნაირ კმაყოფილებას ვერ მისცემს. სახლის მშენებელი და ქალაქიდან ნაგვის გამტანი ერთნაირად სასარგებლო საქმეს აკეთებენ, მაგრამ არ შეიძლება მოველოდეთ, რომ ისინი ერთნაირ კმაყოფილებას განიცდიან თავიანთი შრომის საზოგადოებრივად სასარგებლო ხასიათისაგან. შრომის სახეები მათი პრესტიჟითაც განსხვავდებიან და დაბალი პრესტიჟის ვაჭონასწორება ანაზღაურების სიდიდით ხდება.

ანაზღაურებას როგორც შრომის მოტრეც ათვალისწინებით უყურებენ ხოლმე. ოდეს! ღაც ადამიანმა გააცნობიერა, რომ ის „არა-პურითა ერთითა“ ცხოვრობს. დღეს კი იმის მტკიცება გვიხდება, რომ პურისთვის ზრუნვაც სათაკილო არ არის. ჩვენ არ მოგვწონს ადამიანი, რომლისთვისაც ანაზღაურება ერთადერთი მამოძრავებელია და ვინც „შემოსავალიანი ადგილისათვის“ სპეციალობაზე უარს ამბობს, მაგრამ ისიც უნდა ვიკითხოთ, ხომ არ არს ეს შრომის ანაზღაურებაში დაშვებული შეცდომების ბრალი. საერთოდ კი შრომის ანაზღაურების როგორც შრომის მოტივის ღირებულების დამცირებას ფარისევლობის იერი დაჰკრავს. სწორედ შრომის ანაზღაურებაში არსებული სიძნელეებში ქმნიან ერთ-ერთ საფუძველს უარყოფითი მოვლენებისათვის.

ერთი შეხედვით, შრომის მიხედვით ანაზღაურების წესი ადვილად განსახორციელებელია: მეტს დაამზადებ, მეტსაც მიიღებ. სინამდვილეში არსებობს სფეროები, სადაც თითოეულის მონაწილეობა პროდუქტის შექმნაში ძნელად გასაზომია, თუმცა შეიძლება ყველა ხედავდეს, რომ ერთი თავს არ ზოგავს, მეორე კი ხელს არ ანძრევს. თუ ასეთი ადამიანების შრომის ანაზღაურება ერთნაირია, ასეთი რამ, ცხადია, ვერ იქნება წამახალისებელი შრომაში. არსებობს ისეთი სფეროებიც, რომლებშიც რაოდენობრივი მაჩვენებელი სრულიადაც ვერ გამოხატავს ამ სფეროებში მოქმედების, შრომის შედეგის ღირებულებას. მაგრამ იქაც, სადაც შრომის შედეგი რაოდენობრივად შეიძლება გამოიხატოს, ძნელდება შრომის მიხედვით ანაზღაურების პრინციპის თანამიმდევრული გატარება, რადგან ერთი ადამიანის შრომა მეორეზეა დაპოკიდებული. ვაქრობის მუშაკი, მაგალითად, ბევრიც რომ მოინდომოს, თუ ის არ მოაპარაგეს საქონლით, ვერაფერს გვემას ვერ შეასრულებს.

შრომის შედეგების მიხედვით მსჯელობენ ქვეყნის, საწარმოსა და თითოეული ადამიანის მიღწევებზე. მაგრამ ეს მიღწევები მხოლოდ საბოლოო შედეგებით კი არ უნდა შევაფასოთ, არამედ მათი საშუალებებითაც. გვემბეღ და ვალდებულებები, უწინარეს ყოვლისა, შრომის ნეცნიერული ორგანიზაციით უნდა შესრულდეს და არა უბრალოდ

ძალთა გადაშეცვლითი დაძაბვითა და წელებზე ფეხის დადგმით, „უძი-
ლო დაშეებითა და ოფლის მდინარეებით“. ძალონის ასეთი დაძაბვა
(გამოსასვლელი დღეების სამუშაო დროდ გამოყენება, ზეგანაკვეთური
მუშაობა და სხვ.) უარყოფითად მოქმედებს საწარმოში მორალურ
კლიმატზე და ის დიდხანს ვერ მოიტანს სიკეთეს. აღამიანები ეჩვევიან
იმას, რომ, ვთქვათ, წლის დასასრულს მთელი დატვირთვით უნდა იმუ-
შაონ, ეჩვევიან იმასაც, რომ ამის შემდეგ, ახალი პერიოდის დასაწყის-
ში, შეიძლება არხეინად იყვნენ და ამით არიტმული მუშაობა კანონდ-
ბა. გარდა ამისა, როცა გეგმის შესრულებისას საშუალებებს არ ექცევა
ყურადღება, ეს ბაღებს სხვადასხვა უკანონობის, მიწერების, ხარისხის
გაუარესების და სხვ. შესაძლებლობებს.

როგორც აღამიანის ყოფიერების მთავარი მხარეების — საზოგადო-
ებრივი ურთიერთობებისადმი და შრომისადმი დამოკიდებულების გან-
ხილვა გვაჩვენებს, აღამიანის ქცევა რომ გავოგოთ, უნდა დავემყაროთ
რეალური აღამიანების ბუნების, მათი მოტივების, მამოძრავებელი ძა-
ლების ცოდნას და არა მხოლოდ ზოგად წარმოდგენებს იმის შესახებ,
თუ რამდენად მნიშვნელოვანია საკუთრებრივი ურთიერთობანი და
რამდენად დიდი ადგილი უკავია შრომას აღამიანის ცხოვრებაში.

რა განსაზღვრავს აღამიანის ქცევას

აღამიანებს, როგორც ძველბერძნულში
ანდაზა აშობს, თვით სიგნები კი არ
ტანჯავენ, არამედ წარმოდგენები, რომ-
ლებიც მათ ამ სიგნებზე აქვთ..

მონტენი

აღამიანის არსებობის აზრი პირადი
ბედნიერების განცდაში არ მდგომარ-
ეობს.

დ. უზნაძე

აღამიანის მოქმედების, მისი აქტივობის წყაროდ მოთხოვნილებას
მიიჩნევენ, მაგრამ ამის აღნიშვნით ჯერ კიდევ არ არის გარკვეული, რა
განსაზღვრავს მის ქცევას. აღამიანის მოთხოვნილებანი თვითონ არიან
გაპირობებული სხვა გარემოებებით — არა მარტო ბიოლოგიური
ბუნებითა და საარსებო მოთხოვნილებებით, არამედ აგრეთვე საზოგად-
ოებრივი ცხოვრების პირობებით; ხოლო საზოგადოებრივ გარემოება-
თაგან აღამიანი მხოლოდ სოციალური წყობილებისა და მისი საფუძე-

ლის — საკუთრებრივი ურთიერთობის — გავლენას როდი განიცდის: მასზე გავლენას ახდენს, აგრეთვე, უშუალო გარემო — ოჯახი, მეგობრებისა და ნათესავეების წრე; ადამიანში მისი წარსულიც ცოცხლობს — მარტო იმიტომ კი არა, რომ მასში მამა-პაპის სისხლი ჩქეფს, არამედ იმიტომაც, რომ დიდი ხნის წინ შექმნილ თქმულებებსა და სიმღერებს ისმენს, ენასა და, მასთან ერთად, აზროვნების გარკვეულ სტილს ითვისებს, საუკუნეების განმავლობაში გამომუშავებულ ტრადიციებს უწევს ანგარიშს, წარსულში დაწერილ წიგნებს კითხულობს. დაბოლოს, ადამიანი ერთადერთი არა-ებაა, რომელსაც თავისუფალი ნება აქვს: ის მარტო გავლენას კი არ განიცდის, არამედ თვითონაც ახდენს ზემოქმედებას, მარტო გარკვეული გზით კი არ მიდის, არამედ ახალი გზებით გაჰყავს.

ადამიანს რთული სტრუქტურა აქვს: ის ბუნების ნაწილიც არის და ბუნებისაგან განსხვავებული საზოგადოებრივი არსებაც. ადამიანის საზოგადოებრივი ბუნებაც სხვადასხვა რაიმეში ვლინდება — იმაში, რომ ის რომელიმე სოციალურ ჯგუფს ეკუთვნის, გაზრდილია ამა თუ იმ კულტურის ტრადიციებზე და სხვ. გარდა ამისა, ყოველი ადამიანი სხვებისაგან განსხვავებული ინდივიდია და თავისი შეხედულებები, ჩვევები და გემოვნება აქვს. როგორია ამ მხარეების ურთიერთობა, რამდენად და როგორ განსაზღვრავენ ისინი ადამიანის ქცევას?

ადამიანი რთულია, თუ მართლა მისი ბუნება გეაინტერესებს. თუკი მისი მხოლოდ რომელიმე მხარე გვაქვს მხედველობაში, მაშინ ადამიანი შეიძლება ძალიან მარტივი მოგვეჩვენოს. ო' ჰენრის ერთი მოთხრობის გმირს, ოფიცინტ ქალს, რომელიც დღემუდამ ადამიანთა სერობას უყურებდა, ადამიანი წარმოედგინა არსებად, რომელიც განუწყვეტლივ ჰამს. ქურდისათვის ადამიანი ის არის, ვინც უნდა გაძარცვოს, სხვა მხრივ ის მას არ აინტერესებს, ბიუროკრატისათვის — ის, ვისი საქმეც მან როგორმე უნდა მოიცილოს და ა. შ. მწერალი გ. მედინსკი მოგვითხრობს ბანდიტზე, რომელიც აღფრთოვანებით წერდა მეგობრისათვის სიცოცხლის გაწირვის სილამაზეზე, მაგრამ სრულებით არ ფიქრობდა იმაზე, ვისი სიცოცხლეც მან ასე ადვილად მოსპო: მისთვის ის ადამიანი უბრალოდ ხელშემშლელი გარემოება იყო.

ადამიანს ასევე ცალმხრივად განმარტავენ ხშირად ისინი, ვინც საგანგებოდ მსჯელობს მის ბუნებაზე. ზოგჯერ მეცნიერი მხოლოდ თავისი კუთხიდან ხედავს ადამიანს: ბიოლოგისათვის ისაა მთავარი, რომ ადამიანი ცოცხალი არსებაა, ფსიქოლოგისათვის ადამიანის გასაღები მისი ფსიქიკაა, სოციოლოგი აცხადებს, რომ ადამიანის ბუნების თაობაზე კამათში საბოლოო სიტყვა მას ეკუთვნის, ფილოსოფოსს კი მიაჩნია, რომ ყველა მეცნიერება ცალმხრივად ხედავს ადამიანს და მხოლოდ

მისი საქმეა გააკვიროს მთლიანად ადამიანის ბუნება, ძნოლოდ ის არი! უფლებამოსილი პასუხის გასცეს კითხვაზე—რა არის ადამიანი. მაგრამ ისეც ხდება, რომ ბიოლოგი ადამიანის ფილოსოფიურ განმარტებას უჭერს მხარს, ფილოსოფოსი კი ადამიანს ბუნებისმეტყველებზე უფრო ბუნებისმეტყველებურად განმარტავს. ასე, მაგალითად, როცა ფილოსოფოსი იტყვის, რომ საკუთრების ინსტინქტი და ეგოიზმი ბიოლოგიური მემკვიდრეობაა, ამით ის ბიოლოგიურად განმარტავს ადამიანს. ამგვარი განმარტებები კი ფილოსოფოსებს არერთხელ შემოუთავაზებიათ. „ადამიანი მხეცია“. ამბობდა, ცნობილი ბურჟუაზიული ფილოსოფოსი ოსვალდ შპენგლერი და ამით იმას ამტკიცებდა, რომ ადამიანის ქცევას აგრესიული, „მხეცური“ ინსტინქტები წარმართავენ. ადამიანის ქცევას სქესობრივი ლტოლვა განსაზღვრავს, იტყვიან სხვა ფილოსოფოსები და ფსიქოლოგები და შეეცდებიან ამ ლტოლვით ახსნან მთელი ადამიანური სამყარო, მისი კულტურა, ხელოვნება, მეცნიერება და ა. შ. კიდევ სხვანი ადამიანის ბიოლოგიური ბუნების აღიარებიდან იმ დასკვნას აკეთებენ, რომ სიკეთე ადამიანის თანდაყოლილი თვისებაა: ბუნებამ ცხოველებს ასწავლა ერთმანეთისათვის მხარდაჭერა და ეს გამოცდილება ადამიანს მემკვიდრეობად გამოაყოლო.

ადამიანის ბუნების ამგვარი განმარტება თვით ცხოველთა სამყაროზე ზერელე წარმოდგენას ემყარება. ეთოლოგია, მეცნიერება ცხოველთა ქცევის, მათი ჩვევების შესახებ უარყოფს ცხოველთა შენახვებ წინაშე გავრცელებულ წარმოდგენებს; გადაჭარბებული ჩანს, შეხედულებანი როგორც ცხოველთა აგრესიულობის, ისე განსაკუთრებით, მათი „კეთილშობილების“ შესახებ. ეთოლოგების დაკვირვებით, ცხოველთა აგრესიულობას, როგორც წესი, გარკვეული „მატერიალური ინტერესები“ უდევს საფუძვლად, მაგალითად, ბრძოლა საკვებისათვის, ხოლო აგრესია აგრესიისათვის ცხოველთა შორის უფრო იშვიათია, ვიდრე ადამიანთა შორის. თუმცა არც ცხოველთა „კეთილშობილების“, მათი ალტრუიზმის შესახებ წარმოდგენაა საფუძვლიანი. ცხოველის ქცევას მისი ბიოლოგიური მოთხოვნილებები განსაზღვრავს: იგივე ცხოველი, რომელიც მზადაა თავგანწირვით იბრძოლოს ჯოგის დასაცავად, ასევე გააფრთხილებს იბრძოლებს იმისათვის, რომ საკვები წართვას „ამხანაგს“ და შიშხილით სიკვდილისათვის შეიძლება გასწიროს ის. მეცნიერები ცხოველთა ქცევის ამგვარ ხასიათს ზოოლოგიურ ინდივიდუალიზმს უწოდებენ.

ზოოლოგიური ინდივიდუალიზმის არსებობა თითქოს იმას ადასტურებს, რომ კერძო საკუთრების ინსტინქტი არსებობს და ეგოიზმი ბიოლოგიური მემკვიდრეობაა და ამიტომ მისი დაძლევა შეუძლებელია. მაგრამ ეს ასე არ არის. მართალია, ადამიანი როგორც ცოცხალი არსება

თავის თავზე ზრუნავს, მასში სიცოცხლისაყენ სწრაფვა და სიკვდილის შიში იმდენად დიდია, რომ ზოგჯერ მას სიკვდილის შიში კლავს. მაგრამ ცხოველის ქცევაც კი არ შეიძლება მხოლოდ სიცოცხლის შენარჩუნების ინსტინქტით აეხსნათ. მით უფრო არ შეიძლება ადამიანის ქცევის განმსაზღვრელი ფაქტორები სიცოცხლისაყენ მისწრაფებაზე დავიყვანოთ. ადამიანი მხოლოდ სიცოცხლის შენარჩუნებაზე რომ ზრუნავდეს, მაშინ ბევრი მისი საქციელი, მისი თავგანწირვა გაუგებარი იქნებოდა.

ადამიანის ბიოლოგიური ბუნებიდან, იქიდან, რომ ადამიანი ცოცხალი არსებაა, არავითარი დასკვნა არ შეიძლება გაეკეთოთ იმის თაობაზე, თუ რა ნემკვიდრეობა დაუტოვა ბუნებამ ადამიანს — ბოროტება თუ სიკეთე. ერთიცა და მეორეც ადამიანთა საზოგადოებაში ჩნდება. „კეთილი და ბოროტი, ცოდვა და მადლი მარტო ადამიანის გულისხმის საქმეა. უტყვის ბუნების წინაშე არ არსებობს ეგ განსხვავება. ადამიანის გარეთ ცოდვა და მადლი არ არის“, — სამართლიანად უთქვამს ილიას. მაგრამ ბოროტებასაც და სიკეთესაც გარკვეული ბიოლოგიური მემკვიდრეობის მქონე ადამიანი სჩადის და უნდა ვიკითხოთ, რა არის მაინც ეს მემკვიდრეობა, როგორი იქნება ადამიანი, რომელიც მხოლოდ ცხოველური ინსტინქტით იხელმძღვანელებს. და არ ექნება უნარი თავისი მოქმედება უფრო მაღალ მოთხოვნილებებს, მაღალ ღირებულებებს დაუქვემდებაროს. „ადამიანი, — ამბობს პელაგოპის კლასიკოსის პესტალოცის „ლინგარდისა და ჰერტრუდის“ გმირი, — თავისი ბუნებით, თუკი მას მიუშვებენ ველურად გაიზარდოს, ზარბაჯი, უმეტარი, მშისვარი და უზომოდ ხარბია, და, იმ საფრთხეთა წყალობით, რომლებიც მას როგორც სუსტ არსებას ეშუქებიან, და დაბრკოლებათა გამო, რომელთაც მისი სიხარბე აწყლვება, ის ცბიერია, ვერაგი და მიუღობელი, ძალადობისაყენ მიდრეკილი, თავხედი, შურისმაძიებელი და სასტიკი. ასეთია ადამიანი თავისი ბუნებით, თუ ის, თავის თავზე მინდობილი, პირველყოფილ პირობებში იზრდება. ის იქვე აღვილად ძარცვავს, როგორც ჭამს, ისევე აღვილად კლავს, როგორც სძინავს. მისი მოთხოვნილება მისი ბუნებრივი უფლებაა, მისი უფლებების საფუძველია გულისთქმა, მისი პრეტენზიების ზღვარია სიზარმაცე ან მეტის მოღწევის შეუძლებლობა“.

პესტალოცის მაღალი შეხედულება არა ჰქონია ადამიანის ბიოლოგიურ მემკვიდრეობაზე, მაგრამ ამის გამო მას ეგოიზმი დაუძლეველ ინსტინქტად როდი მიაჩნია. ის მხოლოდ იმას ამბობს, რომ თუ ადამიანი ცხოველის დონეს ვერ გასცდა, თუ ველურ მდგომარეობას ვერ დააღწია მან თავი, მაშინ ის არათუ უსარგებლო, საშიშიც იქნება საზოგადოებისათვის, ხოლო მისი, როგორც საზოგადოებისათვის სასარგებლო მოქალაქის, თვისებები ზნეობისა და კანონების ზეგავლენის შედეგია. ეს

თვალსაზრისი უპირობოდ რუსოს შეხედულებას, როდის ძიებდეთ, თუკი ბავშვის მიდრეკილებებს და სურვილებს არ შევზღუდავთ, ამით მის კეთილ ბუნებას გამოვაველებთ. სინამდვილეში ადამიანი და მისი თვისებები თავისთავად კი არ ყალიბდება, არამედ ისტორიული და კულტურული გარემოს გავლენის შედეგია. ადამიანის ქმნალობა წინსვლა და არა წარსულისაკენ მიბრუნება, წინსვლა კი მეტ ძალღონეს მოითხოვს, ვიდრე გათელილი გზით უკან სიარული. ადამიანური თვისებების აღზრდას მთელი სიცოცხლე სჭირდება, მათი დაკარგვა კი ძალიან მოკლე დროში შეიძლება. ასევე საზოგადოებას რამდენიმე წელში შეუძლია დაკარგოს ასეული წლები სინაპოვარი. როგორც ერთმა მეცნიერმა გონებამახვილურად თქვა, წესრიგის შენარჩუნებას ძალღონე სჭირდება, ქაოსი კი თვითონ შეინარჩუნებს თავს.

ადამიანში ბიოლოგიურისა და საზოგადოებრივის ურთიერთობის ამ გაგებას უკავშირდება უარყოფითი მოვლენების ახსნაც. როცა ეს მოვლენები წარსულის გადმონაშთებზე დაყვავთ, მაშინ ადამიანს საზოგადოებრივი პირობების უბრალო სარკვედ თვლიან და არ ითვალისწინებენ ადამიანის სხვა მხარეებს, კერძოდ ბიოლოგიურ მემკვიდრეობას. ხოლო როცა კერძო მესაკუთრულ მისწრაფებასა და ეგოიზმს ადამიანის ბიოლოგიურ ბუნებასთან აკავშირებენ, მაშინ უგულებელყოფენ სოციალური გარემოსა და აღზრდის როლს. სინამდვილეში უარყოფითი მოვლენები არც ორგანიზმის მოუცილებელი თვისებებია და არც მარტო წარსული საზოგადოების მემკვიდრეობა. ცხოველისათვის, მართლაც, დამახასიათებელია ზოოლოგიური ინდივიდუალიზმი, მაგრამ ადამიანი მის ბიოლოგიურ თვისებებზე არ დაიყვანება — მნიშვნელოვანწილად თვით ადამიანზეა დამოკიდებული მისი როგორც ადამიანის ჩამოყალიბება. თუ ის ადამიანად ვერ აღზრდის თავის თავს, ყოველგვარი წარსულის გავლენის გარეშე დაეშვება ზოოლოგიური ინდივიდუალიზმის დონეზე. ყოველდღიური ცხოვრება გვიჩვენებს, რომ ადამიანი თუ მიეჩნია ან მიაჩიეს სიზარმაცესა და უშრომლად ცხოვრებას, კერძო საკუთრების გავლენის გარეშეც კარგად შეითვისებს ეგოიზმსა და ინდივიდუალიზმს.

ადამიანში სიცოცხლის ლტოლვა ძლიერია, მაგრამ ერთადერთი არ არის. ინსტინქტურად შეიძლება მან საჭმელი გამოსტაცოს შვილს, მაგრამ თავისი საქციელით შეძრწუნებულმა სიკვდილის განაჩენი შეიძლება გამოუტანოს ამის გამო თავის თავს. ა. კონი თავისი პრაქტიკიდან დამახასიათებელ შემთხვევას მოგვითხრობს. ახალგაზრდა ოფიცერს უნდა სასამართლო საქმე აღედრა მამის წინააღმდეგ, რომელსაც მისი მემკვიდრეობა ვაფელანგა. მოსამართლემ ცოცხლად დაუხატა ის ვითარება, რაც ამ საქმეს მომავალში შეიძლებოდა მოჰყოლოდა: წარმოიდ-

ვინე, გამოდინხარ რესტორნიდან მოგებული ფულით ნაქეიფარი, შემო-
უბერა სუსხიანმა ქარმა და მოვაგონდა მამა, რომელიც საღლაც ციმ-
ბირის ქარბუქშია მარტო, ავადმყოფი... ერთი კვირის შემდეგ ოფიცე-
რი უარს იტყვის საქმის აღძვრაზე და აღვლებული მაღლობს ეუბნე-
ბა მოსამართლეს, რომელმაც მას ადამიანად დარჩენის შესაძლებლობა
დაუტოვა. როგორც ჩანს, ადამიანად ყოფნის სურველი ქონების დაბ-
რუნების სურვილზე უფრო ძლიერი აღმოჩნდა.

ადამიანს უბრალო არსებობა არ აკმაყოფილებს, მას არ უნდა,
რომ მხოლოდ ამძიმებდეს მიწას. მას სურს თავისი ცხოვრებით კმაყო-
ფილი იყოს, მის ცხოვრებას ღირებულება ჰქონდეს. როდის განიცდის
ის ცხოვრებას ღირებულად? ამ კითხვაზე ასეთი პასუხი არსებობს: ადა-
მიანს მრავალი მოთხოვნილება აქვს და ის ბედნიერი მაშინ არის, როცა
რაც შეიძლება სრულად იკმაყოფილებს თავის მოთხოვნილებებს. ამ-
გვარი შეხედულება სიკეთესა და სხვა ადამიანზე ზრუნვასაც შეიძლია-
სად. ხსნის: ადამიანი სიკეთეს იმითომ სჩადის, რომ სხვისგანაც მიიღოს
სამაგიერო, ე. ი. სიკეთე საკუთარ თავზე კარგად გაანგარიშებული ზრუნ-
ვა ყოფილა. ან კიდევ ამბობენ: ადამიანი იმითომ იქმნა სიკეთეს, რომ ეს
მას სიამოვნებს, ე. ი. ამ შემთხვევაშიც თავისი ინტერესებით ხელმძლ-
ვანელობსო. ამგვარ თვალსაზრისს გონივრული ეგოიზმი შეარქვეს.

გონივრული ეგოიზმი თითქოს კეჟასთან ახლოა. ადამიანი ხომ ჯერ
თავის თავზე ზრუნავს, მერე კი სხვებზე. ამის უარყოფა ფარისევლო-
ბა იქნებოდა, გვარწმუნებენ ამ თვალსაზრისის მომხრენი. სინამდვი-
ლეში ამგვარი ახსნაც ამარტივებს ადამიანს. ადამიანი რომ მხოლოდ
თავისთვის სასარგებლოს აკეთებდეს, მაშინ ადვილი აღარ ექნებოდა
ისეთ ვითარებას, როცა მან იცის, რა არის კარგი და საწინააღმდეგოს
კი აკეთებს. თ. ლოსტოვესკის ერთ-ერთი გმირი ამბობს: „ერთი მითხა-
რით, პირველად ვინ თქვა, ვინ გამოაცხადა, ადამიანი სისამაგლეებს
მხოლოდ იმითომ სჩადის, რომ თავისი ნამდვილი ინტერესები არ ესმი-
სო; და რომ თუ გავანათლებთ მას, თუკი ავეხელთ თვალს და მის ნამ-
დვილ ინტერესებს დავანახებთ, ადამიანი მაშინვე ხელს აიღებს სისა-
მაგლეებზე, კეთილი და დიდსულოვანი გახდება, რადგან როცა ის ვა-
ნათლდება და მიხედება, რა არის მისთვის სასარგებლო, გაიგებს, რომ
ეს სასარგებლო სწორედ სიკეთე ყოფილა, ხოლო როგორც ცნობილია,
არც ერთ ადამიანს არ შეუძლია შეგნებულად თავისი ინტერესების სა-
ზიანოდ იმოქმედებს და, მაშასადამე, ის, ასე ვთქვათ, იძულებული იქ-
ნებოდა სიკეთე ექმნა? ბაღლი ყოფილხარ, უმანკო, მიამიტი ბავშვი! გა-
ნა როდის ყოფილა... ამ ათასწლეულების მანძილზე, რომ ადამიანს მხო-
ლოდ საკუთარი გამორჩენა ამოქმედებდა?

მაშინ რა ვუყოთ მილიონებით ფაქტებს... როცა ადამიანები შეგ-
ნებულად, ე. ი. სავსებით რომ ესმოდათ თავისი ნამდვილი ინტერესები,

მეორე რიგში აყენებდნენ მათ და საწინააღმდეგო გზას დაადგებოდნენ ხოლმე, სარისკოდ, საეგებისოდ იხდიდნენ საქმეს...“⁸

იმ თვალსაზრისის მომხრეებს, რომლებიც ადამიანის ქცევას მხოლოდ სარგებლიანობისაკენ მისწრაფებით ხსნიდნენ, ლესინგი ეკითხებოდა: კი მაგრამ რაშია თვითონ სარგებლიანობის სარგებლიანობა?

კიდევ უფრო ცხადი შეიძლება მოგვეჩვენოს იმ აზრის სისწორე, რომ ადამიანის მისწრაფების საბოლოო მიზანი ბედნიერებაა. მაგრამ ეს შეხედულება ქცევის მიზანს და შედეგს ერთმანეთში ურევს: როდესაც ადამიანი თავისი შინაგანი მრწამსის მიხედვით იქცევა, ის თავისი თავით კმაყოფილია, მაგრამ მის ქცევას კმაყოფილების მიღების სურვილი როდღი განსაზღვრავს. ადამიანური არსებობის მიზანი და აზრი, წერდა გამოჩენილი საბჭოთა ფსიქოლოგი და ფილოსოფოსი ს. რუბინშტეინი, არ არის სწრაფვა ბედნიერებისაკენ, როგორც სიამოვნებისა და ტკბობის ერთობლიობისაკენ⁹.

ადამიანი როგორც ცოცხალი არსება, ცხადია, სიამოვნებისაკენ მიილტვის და უსიამოვნების აცილებას ცდილობს. მაგრამ ამ ფაქტიდან ადამიანის მთელ ქცევას ვერ ავსხნით. თვით არსებობა, სამართლიანუ ამზობდა კიდევ ერთი ფსიქოლოგი, პოლონელი მეცნიერი ს. შუპანი, ადამიანისთვის არ არის საკმაო მიზანი და სინაქტივის დაძლევის საკმაოდ ძლიერი მოტივი.

შეხედულება, თითქოს ადამიანი თავის ქცევაში უმთავრესად ან მხოლოდ სიამოვნება-უსიამოვნების საზომით ხელმძღვანელობს, ძალზე ამარტივებს ადამიანს, იგი უგულვებელყოფს მის სოციალურ ბუნებას. ადამიანი მარტო იმას კი არ აკეთებს, რაც მას სიამოვნებს, არამედ იმასაც, რისი გაკეთებაც მას სწორად მიაჩნია დამოუკიდებლად იმისგან, მოსწონს პიროვნულად მას ეს თუ არა: თავისი მოვალეობის შესრულება ადამიანს სიამოვნებს, მაგრამ ამ სიამოვნებისთვის როდღი ასრულებს მას! ხოლო შეხედულება ადამიანის მოვალეობაზე, იმაზე, თუ რა არის მართებული და რა უმართებულო, საზოგადოებრივი ურთიერთობის პროცესში ყალიბდება. ამ ურთიერთობაში ყოველი ადამიანი გამოიმუშავებს ღირებულებით ორიენტაციებს — ერთს უფრო მაღალ ღირებულებას ანიჭებს, ვიდრე მეორეს, — და თავის ქცევას მათ შეუფარდებს. ამ ღირებულებებში შედის ადამიანის დამოკიდებულება სამშობლოსადმი, მის მიერ სიყვითის, „კაცურობის“ დაფასება, მისი დამოკიდებულება ისეთი თვისებებისადმი, როგორცაა მამაცობა, პირდაპირობა, გულწრფელობა და სხვ. ამგვარი ღირებულებები რომ არ გააჩნდეს ადა-

⁸ Ф. Достоевский. Собр. соч., т. 5, М., 1956, с. 148—149.

⁹ С. Н. Рубинштейн. Проблемы общей психологии. М., 1973, с. 349.

მიანს, მის ცხოვრებას, მის არსებობას მიზანი არ ექნებოდა და ის არაფრით არ იქნებოდა განსხვავებული ცხოველის არსებობისაგან. „ჯოჯოხეთი იქნებოდა ეს ასეთი ცხოვრება,—წერდა კვლავ ილია,—რომელსაც სხვა მიზანი არსებობისა არა აქვს, თუ არა ის, რომ ადამიანი ბედნიერი იყოს, სიამოვნებას, ღებინას და სიხარულს არ იყოს მოკლებული... ჯოჯოხეთი იქნებოდა ამ წეწვა-გლეჯის ბაზარში სხივფენილ მადლსაც არ გაჰქონდეს თავისი პატროსან-ნაამაგარი, თავისი ნაშრომ-ნაღვწი კაცთა სანუგეშოდ და სასიკადადღოდ“.

ღირებულებითი ორიენტაციები, ადამიანთა ქცევის შეფასების საზომები, შეხედულებები იმაზე, თუ როგორ უნდა იქცეოდეს კაცი თუ ქალი, მოხუცი თუ ახალგაზრდა, მამა თუ შვილი, ამხანაგი და მეზობელი, საზოგადოებრივ ცხოვრებაში ყალიბდება. საზოგადოება მოელოდა, რომ მისი წევრი ამ ღირებულებითი ორიენტაციების, ამ საზომების მიხედვით მოიქცევა და ცხოვრების თეატრში დაკისრებულ როლებს შეასრულებს და ამაში ვლინდება ადამიანის საზოგადოებრივი ბუნება. ადამიანს თავისი ღირებულება არ შეუძლია განიცადოს საზოგადოებასთან, სხვა ადამიანებთან ურთიერთობის გარეშე. და არათუ განიცადოს, არამედ მას არც შეიძლება ეს მნიშვნელობა გააჩნდეს. ადამიანი არ არის ერთმნიშვნელოვნად განსაზღვრული იმ როლით, რომლის შესრულებაც მას დაკისრებული აქვს, მაგრამ მას არ შეუძლია არსებობა, თუ ის არავითარ როლს არ ასრულებს, თუ მას პრაქტიკული ადგილი არ უკავია საზოგადოებრივ ცხოვრებაში, თუ ურთიერთობა არა აქვს სხვა ადამიანებთან. ამის გარეშე ის ადამიანიც არ არის. სოციოლოგები კამათობენ იმაზე, თუ რა ურთიერთობა არსებობს ადამიანსა და მის როლს შორის, დაიყვანება თუ არა ადამიანი მის როლებზე, მაგრამ ის კი უქვეყნია; რომ ადამიანის არსებობა წარმოუდგენელია, თუკი ის არავითარ როლს არ ასრულებს. როლები კი გულისხმობენ პიესას, დასს, მკუთრებელს, გარკვეულ მოლოდინებს და ადამიანებს, რომელთაც ეს მოლოდინები აქვთ.

ადამიანის არსება საზოგადოებრივ ურთიერთობათა ერთობლიობაა, ნათქვამია მარქსის ცნობილ თეზისში. ეს ისე არ უნდა გავიგოთ, თითქოს ადამიანი საზოგადოებრივ ურთიერთობათა თავმოყრის წერტილი იყოს. ადამიანს გარკვეული ფიზიკური და სულიერი თვისებები გააჩნია, ხოლო ეს თვისებები საზოგადოებრივ ურთიერთობებში ხორციელდება. ადამიანს მისი საქმენი გამოაჩენენ, „საქმენი“ კი მხოლოდ სოციალურ გარემოში იძენენ აზრს. მხოლოდ საზოგადოებრივ ურთიერთობაში გამოჩნდება, რაიმე ღირებულს აკეთებს ადამიანი, თუ წყალს ნაყავს. მაგრამ ადამიანს თავისი ცხოვრების, თავისი თავისი ღირებულება მხოლოდ მაშინ შეუძლია განიცადოს, როდესაც ის უბრალოდ საზოგადოების

ნაწილი კი არ არის, არამედ მისი დამოუკიდებელი, თავისუფალი, განუმეორებელი ნაწილია, როდესაც ის პიროვნებაა და თავისი მეობა გააჩნია. და პიროვნებაც სხვა აღამიანთან ურთიერთობას გულისხმობს. „მე“-ს არა აქვს აზრი „შენ“-ის გარეშე. თავისი „მე“ აღამიანმა მხოლოდ მაშინ შეიძლება გაიცნობიეროს, როცა სხვა აღამიანი მასში ცნობს პიროვნებას.

ის, რომ აღამიანი საზოგადოებაში გარკვეულ როლს ასრულებს. არ ათავისუფლებს მას პასუხისმგებლობისაგან. საზოგადოება პიროვნებაა ოფიციალურად თუ არაოფიციალურად გარკვეული როლის შესრულებას ავალებს, მაგალითად, გარკვეული თანამდებობის ან საზოგადოებრივი ორგანიზაციის წევრობის როლის შესრულებას. მაგრამ ერთი და იგივე როლი სხვადასხვანაირად შეიძლება შესრულდეს და როლების არჩევაშიც აღამიანს გარკვეული თავისუფლება აქვს. ასე რომ, როლი აღამიანს ცოდვების განტევენას არ აძლევს, ის თავს ვერ იმართლებს: რა მექნა, ეს მეველებოდაო.

საზოგადოებაში ცხოვრების გარკვეული წესი ყალიბდება, რომელსაც არ შეიძლება ანგარიში არ გაუწიონ საზოგადოების წევრებმა. მაგრამ აღამიანს მართო ის მოთხოვნილება კი არა აქვს, რომ საზოგადოების მიერ დადგენილ ნორმებს შეუსაბამოს თავისი ქცევა, მას ისიც უნდა, რომ თავისი განსაკუთრებული ადგილი ეკავოს საზოგადოებაში და ამით განიცადოს თავისი ღირებულება. ცხადია, აღამიანები ფილოსოფიური მსჯელობის შედეგად არ ირჩევენ თავიანთი ცხოვრების გზას. არამედ თავიანთი უნარებისა და ცხოვრების მოთხოვნებისა და გავრცელებული შეხედულებების, საზოგადოებრივი აზრის შეჭახების შედეგად მოვიდა, მაგალითად, აღამიანი სამუშაოდ კვლევით ინსტიტუტში, დარწმუნდა, რომ ის არის საშუალო ან კიდევ უფრო დაბალი უნარის მქონე. ასეთ მსჯავრს აღამიანი ძნელად გამოუტანს ცნობიერად თავის თავს, მაგრამ მაინც შეიძლება მან თავისი ფასი იცოდეს. ასეთ შემთხვევაში „შესაძლებელია მან სხვა სოციალური ღირებულებანი უფრო მეტი მნიშვნელობისად ჩათვალოს და პროფესია გამოიცვალოს. თუ ეს ვერ მოახერხა, შესაძლოა მას სხვა გატაცება გაუჩნდეს. შესაძლოა მას შეუშუშავდეს შეხედულება, რომ ცხოვრებაში მთავარია ჭონებისა და ფულის დაგროვება. ამ მიმართულებით სათანადო წარმატებათა და უნარის გამოჩენის შემთხვევაში მისი ღირებულებათა სათანადო რეკონსტრუქციაც მოხდება. თუ ამ მხრივაც ვერ გამოიჩინა აღამიანმა სათანადო უნარი, შესაძლებელია ნადირობა, დროსტარება ან სმა აქციოს თავისი ცხოვრების ძირითად საქმედ. თუ მან ამ საქმიანობით შეძლო თავის წრეში პრესტიჟისა და ძალაუფლების მოპოვება, მას შეუშუშავდება შესატყვისი შეხედულებები, ცხოვრებაში იგი ძალაუფლებასა და

პრესტიჟს ძირითად ღირებულებებად ჩათვლის; ანდა, უკიდურეს შემთხვევაში, შეიძლება შეხედულებებს, რომ მთავარია ადამიანმა თავისი უშუალო მოთხოვნილებები და მისწრაფებები დაიკმაყოფილოს¹⁰. ეს მსჯელობა მხოლოდ განმარტავს იმას, თუ რამდენად არაპირდაპირ ხდება ღირებულებითი ორიენტაციების ჩამოყალიბება და სულაც არ ისახავს მიზნად თუნდაც ამ შემთხვევაში ადამიანის ღირებულებითი ორიენტაციების ჩამოყალიბების ყველა გზა აღნუსხოს. არ არის გამოკლებული, მაგალითად, ამგვარ სიტუაციაში, რომ თუ ადამიანმა მნიშვნელოვანს ვერაფერს მიადგინა მეცნიერულ საქმიანობაში, მან შეიძლება მიზნად დაისახოს სხვისი დამსახურების დამცირება, ამასთან წარმოადგინოს ეს როგორც სამართლიანობისათვის ან დოგმის სიწმინდისათვის ბრძოლა და ამ გზით შეეცადოს ზოიპოვოს პრესტიჟი და თავისი ღირებულების განცდა. სამართლიანია ერის ფრომის აზრი: თუ ადამიანი ვერ ქნის ვერაფერს მაღალი ღირებულების მქონეს, მან შეიძლება ნგრევაში განიცადოს კმაყოფილება.

შეიძლება, ამის მსგავსად, თვალი გავადევნოთ, როგორ შეიძლება მოხდეს ღირებულებითი ორიენტაციის ჩამოყალიბება ბავშვობიდან. ბავშვის ტემპერამენტის, ბუნებრივი მონაცემების, ოჯახიდან წამოყვლილი ჩვევების და იმის წყალობით, თუ როგორ აეწეობა პირველ ხანებში მისი სწავლის საქმე, ერთ ბავშვს სწავლის ძლიერი მოთხოვნილება უჩნდება და ის მწვავედ განიცდის სკოლაში მოუშადადებლად მოსვლას და მასწავლებლის საყვედურს; სკოლა მისგან კარგად სწავლას მოელის და ისიც ცდილობს მოლოდინი გააძარტლოს. მეორე მოსწავლე, თუკი ის რაიმე მიზეზის გამო სწავლაში თავს ვერ გამოიჩინს, შეეცდება იმით გამოიჩინოს, რომ ჯგუფი გააცინოს, მასწავლებელს „აურიოს“. ჯგუფს უჩნდება მოლოდინი, რომ ის რაიმე უცნაურ საქციელს ჩაიდენს, მას უცნაური ბავშვის როლი ეკისრება და ისიც ცდილობს ეს როლი კარგად შეასრულოს. შემდეგ შეიძლება კარგი მოსწავლის როლის შემსრულებელმა დაიწყოს მოღვაწეობა იმ სფეროში, რომელიც მაღალი პრესტიჟით სარგებლობს, მაგალითად, მეცნიერებაში. თუ მას აქ ნიჭიც აღმოაჩნდა, თავისი ძირითადი საქმის შესრულებით მიიღებს კმაყოფილებას, თუ არა და იმ გზას დაადგება, რომელიც ფსიქოლოგის მსჯელობით დავახასიათეთ. ასევე ყოფილმა „ამრევემა“ თავისი ნიჭის წყალობით შეიძლება ცხოვრების წესი შეიცვალოს და საზოგადოებაში დადებით პრესტიჟის როლი შეასრულოს — წარმოების ორგანიზატორად თუ წესრიგისა და კანონიერების დამცველად მოგვე-

10 შ. ნაღირაშვილი. პიროვნების სოციალური ფსიქოლოგია. „მეცნიერება“, თბილისი, 1975, გვ. 303.

ლინოს, ხოლო თუ მისთვის გაძნელდა აღიარებულ სფეროში წარმატების მიღწევა, მაშინ ის მისთვის მისაწვდომი გზით შეეცდება თავისი მეობა გამოავლინოს. ასე შეიძლება გაჩნდეს „საქმოსანი“, კომბინატორი თუ სხვა სახის „გამოჩენილი“ ადამიანი.

როგორც ჩანს, ადამიანის ქცევა არ არის მარტივად განსაზღვრული არც მისი ბიოლოგიური ბუნებით და არც მხოლოდ გარეგნულ საგნობრივი მოთხოვნილებებით: ადამიანს ის მოთხოვნილებაც აქვს, რომ ღირებულად მიიჩნიოს თავისი საქმიანობა, თავისი ცხოვრება. „ადამიანს“ შეიძლება გასტრონომიული სიამოვნება ყველაფერს ერიოდ, მაგრამ რაკი მან თავისი ცხოვრების გზაც ამ თავისი მისწრაფების მიხედვით აირჩია, იგი შეეცდება „მსოფლმხედველობაც“ შექმნას ამ თავისი გზის გასამართლებლად: იტყვის, რომ „რასაც შევქამთ, ის შეგვარჩება“, ყველაფერი „დანარჩენი „ამაოვება“ და ა. შ. ასევე „საქმოსანი“ გამოიმუშავებს „იდეოლოგიას“, რომლის მიხედვით „ფულის კეთება“ მხოლოდ ვაჭკაცობა და ა. შ. ამიტომაც, რა თქმა უნდა, იმის იმედი არ უნდა გვქონდეს, რომ რაკი ადამიანს მისი საქმიანობის ნამდვილ მოტივს გავაგებინებთ, თუ მას მის საქმიანობას როგორც „ქერძომესაკუთრული სულისკვეთების“ მქონეს დავუხასიათებთ, ის იოლად შეცვლის თავისი ცხოვრების წესს. ძალზე დიდი გაბედულება სჭირდება იმას, რომ ადამიანმა აღიაროს, წლების განმავლობაში აწასწორად ვცხოვრობდით.

ადამიანი საზოგადოებაში ცხოვრობს და არ შეიძლება მას ანგარიშს არ უწევდეს, მაგრამ ის არ არის თავისი სოციალური ბუნებით ისე მკაცრად განსაზღვრული, როგორც ცხოველი ინსტინქტებით. საზოგადოებრივი აზრი შეუმჩნევლად, თუმცა კი მძლავრად ეხვევა თავს ადამიანს; საზოგადოებრივი გარემო, განათლება, აღზრდა დიდ გავლენას ახდენენ მასზე, მაგრამ ადამიანი ყოველთვის ბრძოდ როდი ემორჩილება ამ ძალებს. მუსიკოსად, თეოლოგად და ფილოსოფოსად იყო ჩამოყალიბებული ალბერტ შეიციერი, როცა უეტრად გადაწყვიტა სამედიცინო განათლება მიეღო, აფრიკის მიუვალ რაიონში საკუთარი სახსრებით აეგო საავადმყოფო და ადგილობრივი მოსახლეობის სამსახურში გაეტარებინა ცხოვრება. რამ უკარნახა მას ასეთი გადაწყვეტილება? — საზოგადოება მკაცრად მოითხოვს მისი წვერისაგან მისთვის დაკისრებული როლის შესრულებას. მით უფრო მკაცრია მისი მოთხოვნა სამხედრო პირების მიმართ. მკაცრად იყო განსაზღვრული იმათი მოვალეობაც, ვინც 1825 წლის დეკემბერში მეფის თვითმპყრობელობის წინააღმდეგ გამოვიდა. ბევრი მათგანი უმაღლეს მმართველ წრეებთან იყო დაახლოებული და ბრწყინვალე კარიერის იმედი უნდა ჰქონოდა. რამ აიძულა ისინი თითქმის უიმედო საქმისათვის გაეწირათ თავი?

ამგვარი საქციელი იმით აიხსნება, რომ ადამიანს თავისუფალი მოქმედების უნარი აქვს, მას შეუძლია თავისი მოთხოვნილებები და ინსტიქტებიც კი მაღალ ღირებულებათა და იდეალების განხორციელებას დაუმორჩილოს. მართალია, ამ იდეალებს ადამიანი თვითნებურად არ იგონებს, ისინი საუკუნეების მანძილზე ყალიბდებიან, მაგრამ ადამიანმა თვითონ უნდა განსაზღვროს თავისი დამოკიდებულება მათთან. მაღალი მიზნებისა და იდეალების სახელით ადამიანებს ზოგჯერ კაცთმოდულე იდეები ევლინება: ფაშიზმიც „მაღალი“ იდეალების — მსოფლიოზე გაბატონებისა და რასობრივი უპირატესობის დროშით გამოდიოდა. ადამიანებმა თვითონ უნდა გადაწყვიტონ, ჩათვალონ თუ არა მაღალი ღირებულების მქონედ მიზნები, რომლებიც ამ პრეტენზიით გამოდიან. ადამიანს არ შეუძლია თავისი ქცევა იმით გაამართლოს, რომ ის საზოგადოებაში გავრცელებულ იდეალებს შეესატყვისებოდა. როგორც ცნობილია, ფაშიზმის მესვეურნი იმით ცდილობდნენ ემათლებინათ თავი, რომ ხელმძღვანელობის, „ფიურერის“ ბრძანებას ასრულებდნენ, მაგრამ ამან ვერ გაათავისუფლა ისინი პასუხისმგებლობისაგან.

როგორც ვხედავთ, ადამიანისა და საზოგადოების დამოკიდებულება რთული და ურთიერთმხრივია. ღირებულებები, რომლებითაც ადამიანი თავის ცხოვრებას აფასებს, საზოგადოებიდანა აქვს მას შეთვისებული, მაგრამ ადამიანი არა მარტო ითვისებს ღირებულებით ორიენტაციებს, არამედ თვითონაც მონაწილეობს მათ გამოუმუშავებაში. ადამიანი თვითონვე ამსხვრევს მის მიერ შექმნილ კერპებს. საზოგადოებაში ჩამოყალიბებულ ღირებულებით ორიენტაციებს, იდეალებს, ადამიანი კულტურის საშუალებით ითვისებს, კულტურის საშუალებითვე მონაწილეობს ამ იდეალების შექმნაში. ადამიანის გაცემა შეუძლებელია კულტურასთან მისი ურთიერთობის დახასიათების გარეშე.

პიროვნების კულტურა

ისე ეუბრუნდები იმ აზრს, თუ რამდენად ფუჭია ჩვენში განათლება. მან დაისახა მიზნად პატიოსნები და ბრძენნი, კი არ გაგებადოს, არამედ სწავლულნი, და კიდევ მიაღწია ამას: მან ვერ გვასწავლა სათნოებისა და სიბრძნის გაგება და მათი მოთხოვნების შესრულება, სამაგიეროდ სამუდამოდ დავიმახსოვრეთ ამ სიტყვების წარმოშობა და ეტიმოლოგია; ჩვენ შეგვიძლია სათნოების აღმნიშვნელი სიტყვა ვაბრუნოთ, სათნოების სიყვარული კი არ შეგვიძლია.

მონტენა

ადამიანის მრავალ განსაზღვრებას შორის ასეთიც არის: ადამიანი არის ავადმყოფი ცხოველი. ამ უცნაურ აზრში ისიც არის ნაგულისხმევი, რომ ცხოველთან შედარებით ადამიანი ბუნებასთან ნაკლებად არის შეგუებული. ბუნებამ მას არც დათვის ქურქი მისცა, არც ლომის კლანჭები და არც კურდღლის სიმკვირცხლე. მაგრამ მან ადამიანი დააჩილოვა უნარით, რომელიც მას ჰქარბად უნაზღაურებს ამ ნაკლს. ეს არის კულტურის შექმნის უნარი. კულტურის წყალობით ადამიანს ლომის კლანჭებზე გაცილებით უფრო ძლიერი იარაღი აქვს და მისი საშუალებით ცხოველებზე უკეთ შეუძლია შეეგუოს ბუნებას და თვით ბუნება შეიგუოს. კულტურის საშუალებით ადამიანმა ბევრ გაჭირვებას დააღწია თავი, ბევრი მოხერხებული საშუალება მოიპოვა თავისი ცხოვრების მოსაწყობად, მაგრამ მან ახალი საფიქრელიც გაუჩინა.

კულტურა ადამიანმა, უწინარეს ყოვლისა, იმისთვის შექმნა, რომ ბუნებასთან ურთიერთობა მოეწესრიგებინა, მისი სტიქიებისაგან თავი დაეცვა და მისი სიმდიდრე გამოეყენებინა. მაგრამ კულტურის განვითარებასთან ერთად ადამიანი თანდათან დაშორდა იმ ბუნებას, რომელთანაც აპირებდა ურთიერთობა მოეგვარებინა. უფრო მეტიც: კულტურამ იმდენად მნიშვნელოვანი ცვლილებები შეიტანა თვით ბუნებაში, რომ შეიქმნა საფრთხე ადამიანებს თვალსა და ხელს შუა არ გაუქრეთ ბუნება. ჯერ კიდევ მონტენი ამბობდა: ჩვენ ისე გადავტვირთეთ ბუნების სილამაზე და სიმდიდრე ჩვენი გამონაგონით, რომ, შეიძლება ითქვას, ლამის დავახრჩეთ. ადამიანის არსებობისათვის გარკვეული წონასწორობა უნდა იყოს მასსა და ბუნებას შორის და ამ წონასწორობის დარღვევის საშიშროება კი სერიოზულია. მაგრამ კიდევ უფრო დამაფიქრებელია ის, თუ რა გავლენას ახდენს კულტურის განვითარება

ადამიანის სულზე, მის ფსიქოლოგიაზე. კულტურის გავლენა პიროვნებაზე და მის ცხოვრებაზე თითქოს მხოლოდ დადებითი უნდა იყოს, მაგრამ ბევრ მოაზროვნეს აფიქრებს ის წინააღმდეგობანი, რაც კულტურის განვითარებას ახლავს.

როგორც ითქვა, ფრანგი განმანათლებელი ჟან-ჟაკ რუსო თვლიდა, რომ მეცნიერებისა და ხელოვნების განვითარებამ ხელი შეუწყო ადამიანის ზნეობის დაცემას და ბედნიერება წაართვა მას. ხელოვნების შესახებ რუსო წერდა: „იმ დროს, როცა მთავრობა და კანონები საზოგადოებრივ უშიშროებასა და მოქალაქეთა კეთილდღეობას იცავენ, ლიტერატურა და ხელოვნება, რომლებიც ჩაკლებად დესპოტურნი, მაგრამ შესაძლოა უფრო ძლიერი არიან, თავიუღლებით ამკობენ ადამიანთა რკინის ხუნდებს, აზობენ ადამიანებში თავისუფლების იმ ბუნებრივ გრძნობას, რისთვისაც არიან თითქოს ისინი დაბადებული, აიძულებენ შეიყვარონ საკუთარი მონობა და მათგან ეგრეთ წოდებულ ცივილიზაციის ხალხებსა ქმნიან“.

რუსოს თვალსაზრისი გამონაკლისი როდი იყო. მანამდეც და შემდეგაც არაერთხელ მიუქცევიათ ყურადღება კულტურის განვითარების წინააღმდეგობებისათვის, იმისათვის, რომ მეცნიერებისა და ტექნიკის პროგრესი ყოველთვის როდი უწყობს ხელს ადამიანთა შორის ადამიანურ ურთიერთობებს, სიკეთისა და ბედნიერების ზრდას. მას შემდეგ, რაც მეცნიერები გაჩნდნენ, კარგი ადამიანები გაქრნენ, ჩიოდა ჭერ კიდევ ძველ რომში მეცნიერი და ფილოსოფოსი სენეკა. „განათლება, — აღნიშნავდა თ. დოსტოევსკიც, — ზოგჯერ ისეთ ბარბაროსობას, ისეთ ცინიზმს უთავსდება, რომ ზიზღის გრძნობა გიპყრობთ, და როგორი კეთილი ან წინასწარგანწყობილიც არ უნდა ყოფილიყავით, თქვენს გულში ვერ პოულობთ ვერაფერს ახსნასა და გაშართლებას“.

ჩვენმა საუკუნემ კულტურის ამგვარი წინააღმდეგობების არაერთი მაგალითი გვიჩვენა. „იმ უმნიშვნელოვანეს გაკვეთილებს, რაც ჩვენ საუკუნეში აღზრდილ თაობას შეეძლო მიეღო მეორე მსოფლიო ომის დროს, ის უნდა მივკუთვნოთ, რომ უაღრესად კულტურულ ადამიანებს ჰკვიანურად და აღფრთოვანებით შეუძლიათ იმსჯელონ ბანზე. ჰენდელზე, ბრუქნერზე და ამავე დროს ჭალათებად მოგვევლინონ, ერთიცა და მეორეც — ერთსა და იმავე პიროვნებაში...“ — თქვა უილიამ ფოლკნერმა.

მართლაც, მეცნიერებამ და ტექნიკამ და მათზე დამყარებულმა ინდუსტრიამ არაჩვეულებრივად მალა დონეს მიადწიეს. ინდუსტრიულად მაღალგანვითარებული ქვეყანა იყო ფაშისტური გერმანიაც. მაგრამ განა კაცობრიობის მიღწევის მაჩვენებელია ის, რომ აქ ისწავლეს

ადამიანის თმისაგან ქეჩის წარმოება და რომ მარტო ოსვენციმიდან ამ მიზნით სამოციანთასი კილოგრამი თმა გაიგზავნა გერმანიაში!

კულტურის ამგვარ წინააღმდეგობებში დანაშაული თვით კულტურას არ მიუძღვის, არამედ მის დამახინჯებას, მისი და საზოგადოების ცალმხრივ და წინააღმდეგობრივ განვითარებას. კულტურის წინააღმდეგობებს გარკვეული სოციალური საფუძველი აქვთ, მაგრამ საქმე ისე არ უნდა წარმოვიდგინოთ, თითქოს ესა თუ ის საზოგადოება კარგი ან ცუდი მიზნებისათვის იყენებს კულტურას, ამ უკანასკნელს კი ამით არაფერი არ ემართება. საზოგადოებაში ადამიანთა ინტერესებისა და მიზნების¹ ცალმხრივად წარმართვა ამახინჯებს თვით კულტურას, ხოლო ამგვარი კულტურის ათვისება კიდევ უფრო განამტკიცებს და აღრმავებს საზოგადოებრივ წინააღმდეგობებს. კულტურის დამახინჯება, უწინარეს ყოვლისა, იმაში გამოიხატება, რომ ის ადამიანის არსებით მისწრაფებას აღარ ემსახურება, არამედ იმას, რაც ამ მისწრაფებათა საშუალება უნდა ყოფილიყო.

კულტურას ადამიანები მხოლოდ იმისათვის როდი ქმნიან, რომ თავისი მოთხოვნილების დაკმაყოფილების ტექნიკური საშუალებები მოიპოვონ, არამედ კულტურის შექმნა გამოხატავს ადამიანის მისწრაფებას შემოქმედებისაკენ, მის მიერ ცხოვრების აზრის ძიებას. კულტურა ბუნებაზე ადამიანის გაბატონების დონეს როდი გამოხატავს მხოლოდ, არამედ იმასაც, თუ რამდენად გარდაიქმნა თვით ადამიანი. როდესაც კულტურა ამას ვერ ახერხებს, როცა ადამიანის მატერიალური საშუალებების განვითარებას მისი სულიერი კულტურა ჩამორჩება, თვით სულიერი კულტურაც ცალმხრივად ვითარდება. ის განიხილება როგორც მხოლოდ საშუალება ადამიანის სასიცოცხლო მოთხოვნილებების დასაკმაყოფილებლად და ეს ბაღებს ექვს, ამართლებს თუ არა კულტურა თავის დანიშნულებას. ეს განაწყობს ადამიანებს კულტურის წინააღმდეგ: საზოგადოების კრიტიკა კულტურის კრიტიკის სახეს იღებს. ასეთი საფუძველი აქვს კულტურის წინააღმდეგ ამბოხებას თანამედროვე დასავლეთის საზოგადოებაში. 1968 წლის მაისის ცნობილი ამბების დროს პარიზელმა სტუდენტებმა წამოაყენეს ლოზუნგი: „ძირს კულტურა, გაუმარჯოს სიცოცხლეს!“, „ძირს ხელოვნება, ჩვენ უარს ვამბობთ ლეშის ქაშაზე!“ ცნობილმა ფილოსოფოსმა სარტრმა „ჯოკონდა“ დაწვის ღირსად გამოაცხადა, ხოლო დასავლეთ გერმანელმა პოეტმა ჰანს ენცენსბერგერმა წარმოსთქვა: „ოციდან ოცდაათამდე წლის ასაკის ყველაზე ჭკვიანი ადამიანები ბელეტრისტიკას აფურთხებენ... მათ არა თუ მისი შექმნა, ყიდვაც არ უნდათო“.

კულტურის ამგვარ კრიტიკაზე შეიძლება ვთქვათ, რომ ის საზოგადოების უარყოფის ნაცვლად კულტურას ადანაშაულებს. შეიძლებაოდა

ისიც გვეტყვა, რომ კულტურის უარყოფა შეუძლებელია, რადგან კულტურის უარყოფაც ისევ კულტურაა. მაგრამ დასაველეთის კულტურის ამ კრიტიკას სერიოზული საფუძველიც უნდა ჰქონდეს. იგი გამოხატავს კულტურის იმ კრიზისს, რომელიც დასაველეთის ფილოსოფოსებისა და კულტურის მოღვაწეთა ყურადღების ცენტრშია გასული საუკუნის მეორე ნახევრიდან. ახალი დროის ერთ-ერთმა ყველაზე გამოჩენილმა მწერალმა და მოაზროვნემ ლევ ტოლსტოიმ ეჭვი შეიტანა ხელოვნების ღირებულებაში. ის ირონიულად შენიშნავდა, რომ იმ დროს, როცა ხალხის ფართო მასები უმეცრებასა და გაჭირვებაში ცხოვრობენ, ათასობით ახალგაზრდები უსარგებლოდ ხარჭავენ სიცოცხლეს — ცდილობენ ისწავლონ ფეხების რაღაც შეიძლება სწრაფი მოძრაობა, თითების შარდი მოძრაობა კლავიშებსა და სიმებზე; ხოლო რას ვკითხულობთ რომანებში? — იმას, რომ ერთმა ხელის გულზე აკოცა თავის შეყვარებულს, მეორემ — იდაყვზე, მესამემ — კიდევ სხვაგან. შეიძლება ვთქვათ, რომ ეს კულტურის გულუბრყვილო კრიტიკაა, მაგრამ როცა ბრძენი გულუბრყვილოდ მსჯელობს, მასში მკეტი სიმართლეა ხოლმე, ვიდრე მშრალი გონების „საღ“ მსჯელობებში.

იმ ფილოსოფოსთა შორის, რომლებმაც დასაველეთის კულტურას სასიკვდილო დიაგნოზი დაუსვეს, იყო ოსვალდ შპენგლერი. ევროპის კულტურის დაცემის პესიმისტური სურათი მან დახატა თავის წიგნში „დასაველეთის მზის ჩასვენება“. ცნობილმა ჩეხმა მწერალმა კარელ ჩაპეკმა თავის ფანტასტიკურ რომანში „სალამანდრებთან ომი“ ერთ-ერთ გმირს, კენისბერგელ ფილოსოფოსს ვოლფ მაინერტს შპენგლერის ანალოგიურად დააწერინა წიგნი „კაცობრიობის მზის ჩასვენება“, სადაც გროტესკულად წარმოადგინა დასაველეთის კულტურის ტენდენციები. ადამიანთა კულტურას ეს ფილოსოფოსი უპირისპირებს სალამანდრების ცივილიზაციას, რომელიც არსებითად დასაველეთის კულტურაა, ოღონდ მთლიანად არის განთავისუფლებული ჰუმანისტური იდეებისა და იდეალების უკანასკნელი გადმონაშთებისაგან.

ახლა, წერს ჩაპეკის გმირი, ადამიანთა მოღვაწის ტრაგედიის უკანასკნელი მოქმედება მიმდინარეობს. მართალია, ჯერ კიდევ საქმიანობის ციებ-ცხელება და ტექნიკური კეთილდღეობა სუფევს, მაგრამ ადამიანებმა სულ უფრო დაკარგეს თავის თავში რწმენა. რა უშლის მათ სჯელს? ჩვენ, ამტკიცებს „ფილოსოფოსი“, ზედმეტად დავითვით თვეი დოქტრინებით, მორალური კოდექსებით, ადამიანთა უფლებებით, ჰუმანურობის, თანასწორობისა და სხვა ცნებებით: ზნეობრივი კანონი ბიოლოგიურზე მალა დავაყენეთ. სალამანდრები კი დაზღვეული არიან კაცობრიობის ამ შეცდომისგან. ისინი კარგად გრძნობენ თავს ფილოსოფიისა და ხელოვნების გარეშე; მათ არ იციან, რა არის ფანტა-

ზია, იუმორი, ოცნება, თაქში; ისინი მთლიანად რეალიზმით არიან გამსჭვალული. „მათ ისწავლეს მანქანებისა და არითმეტიკის გამოყენება და ეს საკმაოდ ადმოჩნდა იმისათვის, რომ თავიანთი სამყაროს მეუფენი გამხდარიყვნენ. მათ აღამიანთა ცივილიზაციას მოაშორეს ყველაფერი, რასაც უშუალოდ სარგებლობა არ ჰქონდა, ყოველგვარი თამაში, ფანტაზია, წარსულის ტრადიციები; ამით მას ჩამოაცილეს ის, რაც მასში ადამიანური იყო, და აითვისეს მისი მხოლოდ შიშველ-პრაქტიკული, უტილიტარული, ტექნიკური მხარე“.

სალამანდრების ცივილიზაციის სურათის დახატვით მწერალმა დასავლეთის კულტურის ძირითადი მანკიერებანი გამოთქვა: ის, რომ მანძველი ღმერთების ადგილზე ახალი ღვთაება — ტექნიკა და მატერიალური ფასეულობანი დასვა და სულ უფრო შეზღუდა ადამიანის სულიერი ინტერესები, გააუფასურა მისი მაღალი ღირებულებები. ჰუმანიზმის, თანასწორობისა და სხვა იდეები, რომლებიც ჯერ კიდევ გარეგნულად შემორჩენილია ამ კულტურაში, მის გაბატონებულ ტენდენციას ხელს უშლიან. თუ წარსულში, როცა რელიგია იყო გაბატონებული, ადამიანებს ღმერთზე მინიშნებით გარკვეულ მცნებებსა და ღირებულებებს შთაუწერავდნენ (არა კაც ჰკლა, არ იმრუშო და სხვ.), ბურჟუაზიულმა მსოფლმხედველობამ ღვთაებრივი საფუძველი გამოაცალა ამ ღირებულებებს, მაგრამ სხვა საყრდენი მათ ვერ გამოუჩინა და ამიტომ ადამიანი სარგებლიანობის ამარაღა დატოვა. ცარიელ სარგებლიანობაზე აგებული კულტურა კი მატერიალური სიმდიდრისაკენ მიმართული აღმოჩნდა: კულტურამ სულიერი შინაარსი, ადამიანური მნიშვნელობა დაკარგა. ამგვარი კულტურის ტენდენცია კარგად დაახასიათა ფრანკმა პოეტმა შარლ ბოდლერმა: „ჩვენი დროის პროგრესს იქითვე მივყავართ, რომ შინაგანი ორგანოებიდან მხოლოდ საქმლის მომწელებელი ტრაქტილა რჩება“.

როდესაც საზოგადოება უმთავრესად მატერიალურ, ნივთიერ ფასეულობებზე ზრუნავს, მაშინ იჩრდილება ის ღირებულებანი, რომელთაც ეს ფასეულობანი უნდა ემსახურებოდნენ. რაც ადამიანური ცხოვრებისათვის საშუალება უნდა იყოს, მიზნის ადგილს იკავებს. ეს იმას როდი ნიშნავს, რომ ადამიანები მხოლოდ მაღალი, მატერიალური ინტერესებით ცხოვრობენ და „მაღალ“, სულიერ მოთხოვნილებებზე უარი თქვენს. სულიერი მოთხოვნილებებიც შეიძლება ისე დაიკმაყოფილო, რომ დიდად არ განსხვავდებოდეს ეს მატერიალურ მოთხოვნილებათა დაკმაყოფილებისაგან, ისე როგორც ჩეხოვის ერთი მოთხრობის გმირი კითხულობდა ხოლმე გაზეთს: „გაგორდები ზურგზე, გაზეთს დაიქვრ ხელში. სასიამოვნო რამ გახლავთ, როცა თვალები გეხუჭება და მთელ ტანში თვლემა გივლის, პოლიტიკის კითხვა: ნახავ, იქ აესტ-

რის მიუქარავს, აქ საფრანგეთმა ვილაცას არ აამა, იქ რომის პაპი წინააღმდეგ წასულა — კითხულობ და ტყებში“.

ვიდრე ნიეთებს მოიხმარს, მატერიალურ მოთხოვნელებებს იკმაყოფილებს, ადამიანი თავის ინდივიდუალურ ინტერესებს არ სცილდება, სულიერი კულტურის ნამდვილი ათვისების დროს კი ის არ არის მხოლოდ საკუთარ ინტერესებში ჩაკეტილი, არამედ მან ის იღებები, ღირებულებითი დამოკიდებულებები უნდა გაიზიაროს, რომლებიც კაცობრიობას შეუქმნია ან ჩამოაყალიბებია, თუნდაც ისინი მისი ცხოვრების წესს ეწინააღმდეგებოდნენ: სულიერი კულტურა თავისი შექმნის პროცესშიც და ათვისების დროსაც ადამიანთა ურთიერთობას გულისხმობს, თუმცადა, როგორც ითქვა, სულიერი კულტურაც შეიძლება დაამდაბლო, მისი ნამდვილი შინაარსი უგულვებლყო და მხოლოდ გართობის საშუალებად აქციო.

როდესაც კულტურის ნაკლად მხოლოდ მატერიალურისადმი მიმართულობას ვთვლით, ეს იმას არ ნიშნავს, რომ მატერიალურზე ზრუნვა აღარ არის საჭირო და ადამიანებმა მთელი თავიანთი ყურადღება სულიერ მოთხოვნელებებზე უნდა გადაიტანონ. საქმე მატერიალური და სულიერი მოთხოვნელებებისა და ინტერესების ურთიერთობას ეხება და არა ერთ-ერთის უგულვებლყოფას. როდესაც ჰ. თორო წერდა: თუ საჭიროა, დაე მდინარეზე ერთი ხიდით ნაკლები იყოს და ზოგან შემოვლა მოგვიხდეს, ოღონდ კიდევ ერთი ხიდი გავდეთ უმეცრების უფრო ღრმა მორევზე, რომელიც გარს გვაკრავსო, ამით ის ხიდების მშენებლობის წინააღმდეგი კი არ იყო, არამედ იმას მოითხოვდა, რომ ადამიანები იხევე ზრუნავდნენ ერთმანეთთან სულიერი კომუნიკაციების გაფართოებაზე, როგორც სივრცეში ერთმანეთთან მისვლამოსჯლის საშუალებებზე ზრუნავენ.

მატერიალური ფასეულობების, ნიეთიერი სიმდიდრის ზრდა, უწინარეს ყოვლისა, ტექნიკის განვითარებაზეა დამოკიდებული, ტექნიკა კი მეცნიერებასთან არის დაკავშირებული. ამიტომ საზოგადოება, რომელიც მატერიალურ ფასეულებათა ზრდას აქცევს უმთავრეს ყურადღებას, სულიერი კულტურიდან მხოლოდ მეცნიერებას აფასებს. ახალი მასალები, ახალი მანქანები მეცნიერების წყალობით იქმნება, ამიტომ მეცნიერება საქმედ ითვლება, კულტურის სხვა სფეროების, მაგალითად, ხელოვნების ან ფილოსოფიის ღირებულება საეკვო ხდება. სულიერი სამყაროს ამგვარი გადაფასება კარგად გამოხატა ტურგენევის ცნობილმა გმირმა ბაზაროვმა, რომელიც ამბობს: წესიერი ქიმიკოსი ოცჯერ უფრო სასარგებლოა, რომელიც გნებავთ გენიალურ პოეტზეო. მეოცე საუკუნის დასაწყისში კი ალექსანდრე ბლოკი წერდა: „ჩვენ ჰქვიან მეცნიერის კულტურის საფეხურს მძვადწიეთ. არის ბევრი მეცნიერი, რო-

მელთაც დიდი სარგებლობა მოაქვთ მეცნიერებისათვის; ისინი პირისახით მეცნიერების მხარეს არიან მიბრუნებული და მეტი არსაით, ცხოვრების ბევრი მხარე მათთვის დახურულია, ისინი მათთვის არ უღერენ. ეს არის კულტურა თვალსაფარით: თავისი სპეციალობის მიმართულებით ისინი შორს ხედავენ, გარშემო კი ვერაფერს ამჩნევენ“¹¹.

ერთი შეხედვით, მეცნიერებაზე ორიენტაცია კულტურისათვის საესებით ბუნებრივია, მით უფრო — ჩვენს საუკუნეში. ვანა მეცნიერება არ არის ადამიანის კულტურის, მისი სულიერი შემოქმედების ყველაზე დიდი მიღწევა? როდესაც კულტურის ცალმხრივ, მხოლოდ მეცნიერებაზე ორიენტირებულობაზე ლაპარაკობენ, ამით ადამიანის ცხოვრებაში მეცნიერების მნიშვნელობას არ ამცირებენ. მეცნიერების მნიშვნელობა მარტო იმაში კი არ არის, რომ ის ადამიანური ცხოვრების მრავალი პრობლემის გადაჭრას ემსახურება, არამედ იმაშიც, რომ ის ავლენს ადამიანის არსებით მისწრაფებას — შემოქმედებას. მაგრამ თვითონ მეცნიერებასა და მეცნიერულ შემოქმედებაზე არსებობს ცალმხრივი წარმოდგენა. ის, რომ მეცნიერების მიზანია სამყაროს ჭეშმარიტი სურათის შექმნა, იმ ილუზიას ბადებს, თითქოს მეცნიერი მხოლოდ სამყაროს პირისპირ იდგეს და სხვა ადამიანი და ადამიანური პრობლემები მას არ ეხებოდეს. სინამდვილეში მეცნიერული კვლევა არ არის მხოლოდ ბუნების დაკითხვა. ის სხვა — წარსულის, აწმყოსა თუ მომავლის — ადამიანებთან დიალოგია, რადგან მეცნიერს უკვე არსებულ შეხედულებებთან აქვს საქმე და არა მხოლოდ თავისი კვლევის საგანთან. სხვა ადამიანებთან ურთიერთობის გარეშე მეცნიერულ ძიებას აზრიც დაეკარგებოდა. მეცნიერებისა და ზნეობის ურთიერთობის შესახებ კამათის დროს სამართლიანად აღნიშნავდა ერთ-ერთი საბჭოთა მეცნიერი, რომ სამყაროში დაკარგულ ადამიანებს მეცნიერული კვლევის სტიმული აღარ ექნებოდათ. როდესაც მეცნიერებაზე ორიენტირებული კულტურის ცალმხრივობაზე ლაპარაკობენ, მასში მხოლოდ კულტურის სხვა მხარეების უგულებელყოფა კი არ იგულისხმება, არამედ თვით მეცნიერების ცალმხრივი გაგებაც, მისი მოწყვეტა ადამიანური ცხოვრების, ადამიანური ყოფიერების არსებითი პრობლემებისაგან. დამახასიათებელია, რომ მეცნიერებაზე ცალმხრივი წარმოდგენა და მისი მნიშვნელობის გაზვიადება ყველაზე ნაკლებად არის ნიშანდობლივი თვით დიდ მეცნიერთათვის. მეცნიერების ისეთი კორიფეებს, როგორიც იყვნენ აინშტაინი, ბორნი, შრედინგერი, ჰაიზენბერგი და სხვები, სრულიადაც არა ჰქონდათ ცალმხრივი წარმოდგენა მეცნიერებაზე და ადამიანის ცხოვრებაში მის ადგილზე. ასე ცალმხრივად ჩვეუ-

¹¹ А. Блок. Собр. соч., в восьми томах, т. 6, М.—Л., 1962, с. 29.

ლებრივ „ფაუსტის“ ცნობილი გმირის ვაგნერის ტიპის ეპიკონები მსჯელობენ ხოლმე. ალბერტ აინშტაინი, მაგალითად, ფიქრობდა, რომ გამოჩენილი ადამიანების მორალურ თვისებებს უფრო ღიდი მნიშვნელობა აქვთ, ვიდრე მათ გონით მიღწევებს.

ადამიანის ცხოვრებაში მეცნიერების ადგილზე სწორი წარმოდგენა იმის გაგებასაც გულისხმობს, რომ შემოქმედება მეცნიერულ კვლევაზე არ დაიყვანება, ხოლო ადამიანის ღირებულებები—ქვეყნობაზე. სამყაროს საიდუმლოებათა ამოხსნის ცდას ადამიანური ურთიერთობა, თვით ადამიანი აძლევს აზრს. მეცნიერული ძიებაც არ არის ფაქტების უღელვებელი კვლევა. ეს მისწრაფებაც ადამიანის გრძნობებისა და ემოციების გარეშე არ ხდება. ჩესტერტონის გონება მახვილურად უთქვამს: შეშლილი — ეს არის ადამიანი, რომელმაც ყველაფერი დაკარგა გონების გარდა. ადამიანი, რომელსაც ლოგიკური აზროვნების უნარი ექნებოდა, მაგრამ დაკარგული ექნებოდა მისი სტიმული, საზრისი, რასაც აზროვნება უნდა ემსახურებოდეს, მართლაც, შეშლილი იქნებოდა. ხოლო თავის მისწრაფებებს, იმედებს. იდეალებს ადამიანი ხელოვნებაში გამოხატავს კერძოდ. ამიტომ ხელოვნებაც, მეცნიერებასთან ერთად, ხოლო ზოგჯერ მასზე მეტადაც, კულტურის მნიშვნელოვან სფეროდ ითვლება. ამის შესაბამისად, როცა ქვეყნისა და ეპოქის კულტურას ახასიათებენ, ჩვეულებრივ, მეცნიერებისა და ტექნიკის დონისა და მხატვრული კულტურის სურათით იფარგლებიან. პიროვნების კულტურაზე უფრო ხშირად იმის მიხედვით მსჯელობენ, თუ რა იცის მან, რამდენად არის განათლებული, რამდენად ესმის ხელოვნება და ლიტერატურა. კულტურაში გულისხმობენ აგრეთვე ადამიანის ქცევის მანერებს, მაგრამ ეს მანერები გამოხატავენ ან უნდა გამოხატავენ ადამიანთა ურთიერთდამოკიდებულებებს, მათ წარმოდგენებს ღირებულებათა შესახებ, იმას, თუ რას მეტ ღირებულებას ანიჭებს ადამიანი და რას ნაკლებს, რა მიაჩნია სიკეთედ და რა — ბოროტებად. ეს იმას ნიშნავს, რომ კულტურის მნიშვნელოვანი მხარე უნდა იყოს ზნეობა.

საზოგადოების მეცნიერული მიღწევები და მხატვრული კულტურა უფრო თვალნათლივ არსებობს: ერთი მეცნიერულ წიგნებში და ტექნიკის მიღწევებშია განხორციელებული, მეორე ხელოვნების ნაწარმოებების სახით არსებობს. ზნეობრივი კულტურა კი თითქოს ნაკლებად ხელშესახება; ამიტომ კულტურაზე ბჭობის დროს ზნეობას, როგორც წესი, გვერდს უვლიან. ქვეყნის კულტურაზე იმის მიხედვით მსჯელობენ, თუ რამდენი წიგნია ბიბლიოთეკებში, რამდენს აქვს უმაღლესი განათლება, რამდენი მაყურებელი ჰყავს კინოსა და თეატრს და ა. შ., ზნეობაზე კი მსჯელობას იშვიათად შეხვდებით. და ძნელიც არის ალბათ ხალხის ზნეობის, მისი ღირებულებების დახასიათება, მაგ-

რამ კულტურა ზნეობის გარეშე ამის გამო არ უხდა წარმოვადგინოთ. ზნეობა კულტურის ყველაზე ღრმა ფენა უნდა იყოს, ის ყველაზე მეტად გამოხატავს მის დონეს. ერთი კულტურის შეცვლა მეორით არ დამთავრდება, ვიდრე არ მოხდება ძირეული ცვლილებები ადამიანთა ზნეობრივ ღირებულებებში. ზნეობრივი რევოლუცია კულტურული რევოლუციის უმნიშვნელოვანესი ნაწილია.

კულტურას მრავალი დანიშნულება, მრავალი ფუნქცია აქვს. საზოგადოებრივ ცხოვრებაში. ერთ-ერთი მათგანი ის არის, რომ მისი საშუალებით ადამიანი ითვისებს საზოგადოებაში მიღებულ ნორმებსა და წესებს, სხვა ადამიანების გამოცდილებასა და ცოდნას, ამყარებს მათთან ურთიერთობას და გარკვეული როლების შესრულებას კისრულობს, საზოგადოება პიროვნებას იმით აკონტროლებს, რომ მის ერთ საქციელს იწონებს და კიცხავს მეორეს, ხოლო ადამიანებისა და საზოგადოებრივი აზრის მიერ მისი საქციელის შეფასებისადმი გულგრილი არავინ არ არის.

საზოგადოებრივ ცხოვრებაში პიროვნების ჩაბმის, მისი წესებისა და ნორმების თავისებისა და სოციალური როლების მომზადებისა და შესრულების პროცესს სოციოლოგები სოციალიზაციას უწოდებენ. კულტურა პიროვნების სოციალიზაციის მთავარი საშუალებაა. მაგრამ კულტურის დანიშნულება მხოლოდ ის არ არის, რომ პიროვნების სოციალიზაციას, საზოგადოებასთან მის შეგუებას შეუწყოს ხელი. თავისი სოციალური ურთიერთობები რომ მოაწესრიგოს, ადამიანი უბრალოდ კი არ უნდა დაეუფლოს საზოგადოებაში მიღებულ ნორმებსა და შეხედულებებს, არამედ მათი გააზრებისა და შეფასების უნარიც უნდა ჰქონდეს. კულტურა არ არის ქცევის წესების იმგვარი ნუსხა, რომელშიც ადამიანმა პირდაპირ შეიძლება ამოიკითხოს ის, თუ როგორ უნდა მოქცეს ყოველ ცალკეულ შემთხვევაში. ცხოვრებაში ახალი ვითარებები ჩნდება ხოლმე, რომლებიც ადამიანს არჩევნის წინაშე აყენებენ, რადგან მისი მოვალეობანი ხშირად ერთმანეთსაც ეწინააღმდეგებიან. დღეს, მაგალითად, ადამიანი ამგვარ სიძნელეს აწყდება ხშირად: საზოგადოებრივი ცხოვრება გართულდა, მისი რიტმი აჩქარდა, ადამიანებს სულ უფრო მეტი მოვალეობანი აქვთ და ერთმანეთთან უშუალო ურთიერთობისა და მისვლა-მოსვლისათვის ვეღარ იცლიან. მაგრამ ადამიანური ურთიერთობის გარეშე ურთიერთგაგების ყველა ჩვენს საქმიანობას აზრი ეკარგება. ყოველმა ადამიანმა თვითონ უნდა გადაწყვიტოს, რომელ ინტერესს მისცეს უპირატესობა, რომელი მოვალეობა დააყენოს უფრო მაღლა, რა გააკეთოს პირველ რიგში — მეგობართან გაატაროს დრო ან სტუმარს გადაჰყვას, თუ მეგობრობისა და სტუმარმასპინძლობის შესახებ ლექსი ან გამოკვლევა დაწეროს;

კრებაზე თვლემდეს თუ საინტერესო წიგნი წაიკითხოს. პიროვნების კულტურა საზოგადოების მიერ მოპოვებული ცოდნისა და გამოცდილების უბრალო შეთვისება კი არ არის, არამედ იმის უნარი, რომ ამ ცოდნასა და გამოცდილებაზე დამყარებით აღამიანმა თვითონ განსაჯოს ვითარება და თავისი დამოკიდებულება და ქცევა განსაზღვროს.

როგორც ჩანს, კულტურას მარტო ის ფუნქცია კი არ აქვს, რომ ხელი შეუწყოს პიროვნების შეგუებას საზოგადოებასთან, მის სოციალიზაციას, არამედ ისიც, რომ განავითაროს ადამიანის უნარები, მინიგონება და გრძობები, რაც მას საშუალებას მისცემს განსაზღვროს თავისი ადგილი და როლი საზოგადოებრივ ცხოვრებაში, თავისი ნამდვილი ინტერესები და მოვალეობანი და მათ შესატყვისად მოიქცეს. კულტურას საზოგადოებაში სხვა მიზანდასახულობაც აქვს — მისი საშუალებით მყარდება ურთიერთობა ადამიანებს შორის, იგი გარკვეულ მიმართულებას აძლევს ადამიანის ენერჯას, ავსებს მის თავისუფალ დროს და ა. შ. მაგრამ კულტურის ამ მრავალ ფუნქციას შორის უმთავრესი მინც ოჩია: პიროვნების სოციალიზაციისა და ადამიანის უნარების განვითარებისათვის, განსაკუთრებით თავისუფალი და დამოუკიდებელი მოქმედების უნარის განვითარებისათვის ხელშეწყობა. ვიდრე ადამიანი ცხოვრებას მიჰყვება, ეს ჯერ პიროვნებად არ ჩამოყალიბებულა.

როდესაც ვამბობთ, რომ ადამიანის კულტურის მარჩვენებელია ის, თუ რამდენად თავისუფლად და დამოუკიდებლად იღებს გადაწყვეტილებას და შეგნებულად განსაზღვრავს თავის ქცევას, ეს იმას არ ნიშნავს, რომ თავისუფალი ის არის, ვინც მოქმედების დაწყებამდე ფილოსოფიურად სჯის — როგორ უნდა იქცეოდეს ადამიანი. ეს უკანასკნელი თავისუფალია, თუ ის თავისი მრწამსის, თავისი შეხედულებებისა და ღირებულებითი ორიენტაციების მიხედვით მოქმედებს და არა სხვისი კარნახითა და წახედულებით, თუნდაც მას წარმოდგენაც არა ჰქონდეს იმაზე, თუ რა არის თავისუფლება.

კულტურა ადამიანის თავისუფალი და შეგნებული მოქმედების უნარის განვითარებას ემსახურება. თავისუფალი და შეგნებული მოქმედება კი არსებითად შემოქმედებაა. შემოქმედება მხოლოდ გენიალური მეცნიერული აღმოჩენების გაკეთება და ხელოვნების შედევრების შექმნა როდია. ადამიანი ყოველ ნაბიჯზე ექცევა ისეთ ვითარებაში, რომლებიც მისგან დამოუკიდებელი გადაწყვეტილების მიღებას, შემოქმედებას მოითხოვს. შემოქმედება მარტო კულტურის პროდუქტის შექმნა კი არ არის, არამედ, აგრეთვე, მისი ათვისება. მხატვრული ნაწარმოების ნამდვილი აღქმისათვის აუცილებელია თანაგრძობა, თანაგანცდა, რომელიც იმას უნდა ეხმიანებოდეს, რასაც ხელოვანი განიცდიდა ნაწარმოების შექმნის დროს. ასევე მეცნიერების ათვისება არ არის

მხოლოდ გარკვეული შედეგებისა და ფორმულების დამახსოვრება; ის იმ გზის წარმოდგენასაც გულისხმობს, რომელსაც ამ შედეგებამდე მივყავართ. იგივე ითქმის ზნეობაზე: ადამიანი, რომელიც სხვის კეთილ საქციელს ხედავს, მაგრამ ამგვარი საქციელის უნარი თვით არა აქვს, სიკეთესაც ვერ გაიგებს — ის იმის ძიებას დაიწყებს, თუ რატომ მოიქცა ადამიანი ასე, რა სარგებლობას მოელის ის თავისი საქციელისაგან და ა. შ. როგორც ჩანს, ზნეობრივი საქციელის უნარი, ზნეობრივი შემოქმედების უნარი და მისი აღქმის უნარიც ერთმანეთთან არიან დაკავშირებული: ადამიანს, რომელსაც ნამდვილი ზნეობრივი საქციელის უნარი არა აქვს, არც ამგვარი ქცევის დანახვა შეუძლია.

კულტურა შემოქმედებაა, შემოქმედება კი ადამიანის უნარების დაძაბვას, მისი ძალების მოხმარებას მოითხოვს. ტყუილად როდი ადარებენ შემოქმედებას წვას. არა მარტო მეცნიერებასა და პოეზიაში, არამედ ყოველდღიურ ცხოვრებაშიც არაშემოქმედებითი მიდგომა არის იოლი, გატყეპნილი გზით სიარული, გონებრივი სიზარმაცე, შემოქმედება კი თავის არდაზოვას, თავგანწირვას მოითხოვს. ამიტომ შემოქმედება, კულტურა, როგორც შემოქმედება, თავისი ბუნებით ფლობაზე ორიენტირებული ცხოვრების საწინააღმდეგო, კერძო მესაკუთრული მისწრაფების საპირისპირო ძალაა. თუ უკანასკნელი ზოოლოგიური ინდივიდუალიზმისაკენ ეწევა ადამიანს, კულტურა — ადამიანურობისაკენ მოუწოდებს მას. კერძომესაკუთრული ტენდენციების დაძლევა და ნამდვილი კულტურის განვითარება განუყოფელია ერთმანეთისაგან. ნამდვილად კულტურული ადამიანი არც მონაა და არც მტერი ნივთისა. კარგად თქვა ლენინამ: დიდი ადამიანია ის, ვინც თიხის ქურქებს ისე მოიხმარს, როგორც ვერცხლისას, მაგრამ არა ნაკლებად დიდია ისიც, ვინც ვერცხლის ქურქებს ისე ხმარობს, როგორც თიხისას. მართალია, კულტურის განვითარება თავისთავად უარყოფითი მოვლენების დაძლევის უებარი საშუალება ვერ იქნება, რადგან ის თვითონ არის ბევრ რაიმეზე დამოკიდებული და, უწინარეს ყოვლისა, ეკონომიკურ პირობებზე, მაგრამ ეკონომიკა, მატერიალური ცხოვრება მხოლოდ პირობებსა ქმნის კულტურის განვითარებისათვის, ხოლო ის, თუ საით წაეა ეს განვითარება და რამდენად სწრაფი იქნება, თავის მხრივ, დამოკიდებულია საზოგადოებისა და თვით კულტურის თავისებურებებზე, ტრადიციისა და სიახლის ურთიერთობაზე კულტურაში.

კულტურა არ არსებობს ტრადიციების გარეშე: ტრადიციები კულტურის არსებობის, თაობიდან თაობისათვის მისი გადაცემის ფორმაა. ტრადიციებში ჩვენი წარსული, ჩვენი ისტორიაა გასაგნებული, მათში ჩვენი წინაპრების აზრები და გრძნობებია ჩაქსოვილი და მათი პატივისცემა ისტორიის ხსოვნა არის. ადამიანის განსაზღვრებათა შო-

რის ასეთიც არის: ადამიანი არის ისტორიის გრძნობის მქონე ცხოველი. ილიას კი არაერთხელ უთქვამს, ერის დაცემა იწყება იქიდან, სადაც თავდება წარსულის ხსოვნა. მაგრამ საზოგადოება, რომელიც ბრმად მისდევს წარსულს, ერთხელ შექმნილ კულტურულ ტრადიციებზეა მიჯაჭვული და მათი შეცვლა არ შეუძლია, ერთ წერტილზე გასაყინად არის გაწირული. ტრადიციებისადმი დამოკიდებულება საზოგადოებისა და მისი კულტურის ხასიათს ასახავს და თვითონაც ახდენს გავლენას მათ განვითარებაზე.

ტრადიციების მნიშვნელობა

მეფესთან მოვედი, მაგრამ მან მისაღებში მალოდინა და ისე იქცეოდა, როგორც ადამიანი, რომელსაც წარმოადგენდა არა აქვს სტუმარმასპინძლობაზე. ჩემს მეზობლად კი ადამიანი იყო, რომელიც ხის ფულუროში ცხოვრობს, მისი მანერები ქეშმარიტად მეფური იყო, და უკეთ მოვიქცეოდი, მასთან რომ წავსულიყავი.

კ ე ნ რ ი თ ო რ ო

ადამიანური მოღვაწეობა და მისი შედეგი — ნევთი თუ სულიერი შემოქმედების ნაწარმოები — კულტურად მაშინ გადაიქცევა, როდესაც მათ საზოგადოება აღიარებს და მისი კუთვნილება გახდება. კულტურის მოვლენათა გავრცელება, თაობიდან თაობისათვის გადაცემა ტრადიციებად აქცევის მათ. ადამიანთა ცხოვრების ყველა სფეროს — შრომასა და ყოველდღიურ ყოფა-ცხოვრებას, მეცნიერებასა და ხელოვნებას ან ზნეობას თავისი ტრადიციები ახასიათებს. ყველა მათგანში დგება კულტურული ტრადიციისა და სიახლის ურთიერთობის საკითხი. მაგრამ სიტყვა „ტრადიცია“ უფრო ეიწრო აზრითაც იხმარება და ამ შემთხვევაში ის აღნიშნავს ადამიანთა ყოფა-ცხოვრების მეტად თუ ნაკლებად მყარ წესებსა და ფორმებს, რომლებიც აწესრიგებენ ადამიანთა უშუალო ურთიერთობას, მათ დამოკიდებულებას ისეთი მოვლენებისადმი, როგორცაა დაბადება, ქორწინება, გარდაცვალება, სტუმარმასპინძლობა; ტრადიციულ ფორმას იღებს ურთიერთობა მამაკაცებსა და ქალებს, უფროსებსა და უმცროსებს, შორის, ნათესაური და მეზობლური ურთიერთობები და სხვ. ადამიანი თავის ცხოვრებას იმით აწესრიგებს, რომ გარკვეული რიტმი შეაქვს მასში და ერთი საშუალება ყოველდღიურ ცხოვრებაში წესრიგის შესატანად უხსოვარი დროიდან დაწესებული დღესასწაულებიც არის. ერთფეროვანი ცხოვრება ადა-

მიანიასთვის ძნელი ასატანია და ამიტომაც გამოჰყოფს ის საგანგებოდ საზიარო დღეებს. ეს კარგად არის გამოთქმული ქართული სიტყვით „დღესასწაული“. ადამიანს თავგზა აებნეოდა ერთ კვირამი დღეების გარეშე და ერთ წელიწადში — დღესასწაულების გარეშე, თქვა ა. სენტ-ეგზიუპერომ. დღესასწაულების დაწესებით ისინიც ტრადიციების მნიშვნელოვანი ნაწილი გახდნენ.

ტრადიციების აღიარებით ადამიანი იზიარებს იმ საზოგადოების, იმ ხალხის კულტურას, რომლის ნაწილსაც ისინი შეადგენენ. მათ შესაბამისად რომ იქცევა, ამით ადამიანი პატივს სცემს თავის წინაპრებს, რომელთაც ეს ტრადიციები შექმნეს, და თანამედროვეებს, რომლებსაც ისინი ეკუთვნიან. გარდა ამისა, ზოგიერთი ტრადიციით — სახალხო დღესასწაულებით, ქორწილითა და სხვ. — გათვალისწინებულ წესებს ადამიანები ერთად ასრულებენ. ამაშიც მკვლევრებმა ის, რომ ტრადიციები ადამიანური ურთიერთობის მოთხოვნილებას პასუხობენ.

ტრადიციებს რომ ვიზიარებთ, ამით თავს ვგრძნობთ გარკვეული ერის ნაწილად, რადგან ტრადიციები ერის კულტურის, თვით მისი არსებობის ნაწილია, მათში ხალხის ხასიათი და მსოფლმხედველობა გამოხატული. ერის სავანძურს მისი კულტურული ტრადიციებიც მიეკუთვნება. მათდამი უდიერო დამოკიდებულება, დაუფიქრებლად და განუსჯელად მათზე უარისთქმისათვის მზადყოფნა ეროვნული თვითშეგნების დაუსტების მაჩვენებელია. ტრადიციებს მაშინ ეკიდებიან განურჩევლად, როცა ადამიანებში ბატონდება სარგებლიანობისა და გამორჩენის სულისკვეთება, როცა ვრცელდება მომხმარებლური განწყობილება და ცხოვრების შეფასების მთავარი საზომი კომფორტი ხდება. ეს კარგად არის ნაჩვენები ვ. რასპუტინის მოთხოვნაში „მატიორასთან დამშვიდობება“: დიდ მნიშვნელობასთან დაკავშირებით უნდა დაიტბოროს კუნძული და აქ მაცხოვრებლები სხვაგან უნდა გადასახლდნენ; ამ ვითარებისადმი ადამიანები სხვადასხვაგვარ დამოკიდებულებას იჩენენ: ისინი, ვინც მხოლოდ კომფორტსა და ცენტრალურ გათბობაზე ფიქრობს, დაუფიქრებლად გამოთქვამენ სისარულს, ხოლო ვისაც არ დაუკარგავს ბუნებისადმი გრძნობა და მამა-პაპისადმი პატივისცემა, მათთვის ეს პროცესი მტკივნეულია, მათ უძნელდებათ დათმონ მიწა, სადაც დამარხულია მათი წინაპრები, მათი მახლობლები. რაკი სიტყვამ მოიტანა, ისიც უნდა ითქვას, რომ მამა-პაპის მიწის სიყვარული და მისი არადათმობის სურვილი სულაც არ არის რაღაც კუთხური ჩამორჩენილობა, როგორც ეს ზოგიერთ თეორეტიკოსს წარმოუდგენია, რომელიც ძალზე გაიოლებულად წყვეტს ე. წ. მიგრაციის პრობლემებს.

ტრადიციები გამოხატავენ ერის კულტურას, მის ხასიათსა და თავისებურებებს. ამიტომ მათი დაცვა ყოველ ადამიანს თავისი ღირსების

საქმედ მიაჩნია. ტრადიციებს ვინც ზერელედ ეპყრობა, ის ალბათ ერის დღევანდელ ინტერესებსაც ადვილად დაივიწყებს. მაგრამ ისიც ცხადია, რომ ერის ცხოვრებასთან ერთად ტრადიციებიც არ შეიძლება არ ცველებოდნენ. იცვლება ადამიანთა ცხოვრება და მათთან ერთად ის ტრადიციებიც, რომლებიც მას განაგებენ. გავიხსენოთ „შუშანიკის წამებაში“ აღწერილი ვახშამი და დედოფლის სიტყვები: „ოდეს ყოფილ არს აქამოდე, თუმცა მამათა და დედათა ერთად ექამა პური?!“ და როგორ ჰკრა ხელი გამოწვდილ ჰქიქას, „პირსა შეალეწა და ღვინო დაიხხია“. „პიტიახში მიუხედა ნათქვამის აზრს და გამძვინვარებულმა ხელი აღმართა მამა-პაპის წესის ერთგულ დამცველზე“, — ნათქვამია ამის თაობაზე ა. ლუკიაშვილის მშვენიერ წიგნში „შენ ხარ ვენახი“. პიტიახში მიხედა, რაზეც ზრუნავდა შუშანიკი, მართო სუფრის წესების დარღვევა როდი აწუხებდა მას, მაგრამ როგორც არ უნდა იყვნენ ერთმანეთთან დაკავშირებული ტრადიციები, ფაქტი ის არის, რომ დღევანდელი წესებით „მამათა და დედათ“ „პურის ერთად ქამა“ სულაც არ ეკრძალებათ. როგორც არ უნდა შევაფასოთ ეს ცვლილება, მას ვერ უარეყოფთ, ისევე როგორც ვერ უარეყოფთ იმას, რომ წარსულს ბარდება სისხლის აღების და სხვა ტრადიციები.

კულტურა ტრადიციების გარეშე არ არსებობს, მაგრამ ის არც დაიყვანება მათზე. ტრადიციების ბრმა ძორჩილება ისტორიის დაფანება კი არ არის, არამედ მისი უგულვებელყოფა: ტრადიციები რომ არ შეცვლილიყო საჭსებით, საზოგადოების განვითარება შეწყდებოდა და ისტორიაც გაუქმდებოდა. იმ ტრადიციებთან ერთად, რომლებიც ერის მალალ სულიერ თვისებებს, მისი კულტურის მიღწევებს გამოხატავენ, ისეთებიც არსებობენ, რომლებიც ცხოვრების უკულმართ პირობებს ან საზოგადოების განვლილ საფეხურს შეესატყვისებოდნენ და მათი უცვლელად დატოვებისათვის თავგამოდება ერისა და ქვეყნის განვითარებისათვის იქნებოდა ხელშემშლელი. ცნობილია, რომ ტრადიციებისადმი განსაკუთრებული ერთგულება ახასიათებდა აღმოსავლურ კულტურებს — ჩინეთის, იაპონიის და სხვ. კულტურებს — და ეს მათ განვითარებას დიდხანს აფერხებდა (თუმცა არც ტრადიციებისადმი პატივისცემის დადებითი მნიშვნელობის უგულვებელყოფა შეიძლება). ინდოეთის საზოგადოებისათვის არ შეიძლება შემაფერხებელი არ ყოფილიყო კასტური წყობილება და მისი შესაბამისი ტრადიციები. ამგვარი ტრადიციები ყოველი ხალხისა და ქვეყნის კულტურაში გვხვდება. იმის თქმა, რომ ტრადიციები მხოლოდ დადებითი არსებობს და უარყოფითი მხოლოდ მათი დამახინჯებაა, საქმის გამარტივება იქნებოდა.

არსებობენ ისეთი ტრადიციებიც, რომლებიც თავისთავად არც რაიმე დადებით ღირებულებას გამოხატავენ და არც მვენე ჩვეულებას

მეკუთვნებიან. ასეთებია უმთავრესად ტრადიციების გარეგნული ფორმები: ერთგან გლოვას შავი ფერით გამოხატავენ, მეორეგან — თეთრით, ასევე სხვადასხვაგვარია მისალმების წესები, ჩაცმულობა და სხე. ქვეყნებს შორის ურთიერთობის გაფართოებასთან ერთად ამგვარი გარეგნული ფორმები ტრადიციებისა სულ უფრო ნაკლებად ვანსხვავებული ხდება, ეროვნული ტანსაცმელი ხშირად მხოლოდ ეთნოგრაფიულ მუზეუმებშიღაა შემონახული, ხოლო ტრადიციული ადათ-წესები — ეთნოგრაფიულ ლიტერატურაში. მაგრამ ტექნიკურ პროგრესთან დაკავშირებულმა ნიველირების პროცესმა საწინააღმდეგო ტენდენციაც წარმოშვა და ეროვნულ-ეთნიკურ თავისებურებებზე გადაიტანა ღღეს მოდელიერთა და დიზაინერთა ყურადღება. რა თქმა უნდა, ეროვნული, ეთნიკური თავისებურებების უგულვებელყოფა, თუნდაც რომ კულტურის გარეგნულ ელემენტთან გვეკონდეს საქმე, სწორი არ იქნებოდა, მაგრამ ასევე გაუმართლებელია ერთი ეთნიკური ჯგუფის თავისებურების მნიშვნელობის გაზვიადება, მისი მიჩნევა ბუნებრივად და სხვა ხალხის ადათ-ჩვეულებების აბუჩად აგდება: რაოდენ უჩვეულოც არ უნდა იყოს სხვა ხალხის ჩაცმულობა, მისი დაცინვა უფრო დაბალი კულტურის მაჩვენებელი იქნება.

ტრადიცია რაკი წარმოიშვა, მას აქვს ტენდენცია მაშინაც განაგრძოს არსებობა, როცა მისი წარმომშობი საფუძველი გაქრა. ტრადიცია ჩვევად გადაიქცევა ხოლმე, რომელზე უარის თქმაც უფრო ძნელი ჩანს, ვიდრე მისი შესრულება. ასეთ შემთხვევაში ის კარგავს თავის ნამდვილ შინაარსს და მისგან მხოლოდ გარეგნული, საზრისის მოკლებული რიტუალი რჩება. ტრადიციისადმი ამგვარი ერთგულება სიტყვისა და საქმის დაშორებას და ამით ზნეობის დაცემას უწყობს ხელს. „ადამიანები, — ამბობდა მონტენი, — სინდისს საროსკიპოებში ისტუმრებენ, მაგრამ გარეგნულად წესიერებას იცავენ. ყველანი უკანასკნელ ადამიანამდე — გამცემებისა და მკვლელების ჩათვლით — წმინდად მისდევენ ზრდილობის წესებს და თავიანთ მოვალეობად თვლიან განუხრელად დაიცვან ისინი“.

ადამიანური ურთიერთობის მოთხოვნილებას უშუალოდ გამოხატავს სტუმარმასპინძლობის ტრადიცია. მისი პუნანური ბუნება იმაში მელანდება, რომ, როგორც წესი, ის ადამიანებს ავალებს პატივი სცეს მასთან მოსულს, ვინც არ უნდა იყოს ის — მახლობელი თუ უცნობი, წარჩინებული თუ „მდაბიო“. აბეზარა და იქნებ მტრად მოსულ სტუმარზე ხალხს უთქვამს „დაუპატივებელი სტუმარი ძალზე უარესიაო“, მაგრამ მას ისიც აქვს ნათქვამი „სტუმარი ღვთისააო“ და ისიც ცნობილია, რომ ჩვენი ხალხი „უცხო სტუმრის“ პატივისცემას უპირველეს მოვალეობად რომ თვლის.

სტუმარმასპინძლობის ტრადიცია ყოველთვის ადამიანის პატივისცემას როდი გამოხატავდა. ამ ტრადიციაშიც, როგორც სხვებში, ყოველი საზოგადოების თავისებურება, მისი ავი და კარგი აისახებოდა. ფეოდალურ საზოგადოებაში სტუმრისადმი პატივისცემა ხშირად მასპინძლის სიმდიდრის გამომჟღავნებას ისახავდა მიზნად და მისი პატივმოყვარეობის დაკმაყოფილებას ემსახურებოდა. ხოლო გადაგვარების გზაზე დამღვარი თავად-აზნაურობა თავისი წვრილმანი საქმეების მოსაკვარახჭინებლად, ძლიერთა საამებლად და „მტრის შესაშინებლად“ იყენებდა „სტუმარს“.

დღევანდელ საზოგადოებაში ცხოვრების ტემპის აჩქარების გამო ადამიანები სულ უფრო ნაკლებად იცლიან ერთმანეთთან პიროვნული ურთიერთობისათვის. ეს მაინცა და მაინც ხელს ვერ შეუწყობს სტუმარ-მასპინძლობის ტრადიციას, მაგრამ, მეორე მხრივ, იზრდება ადამიანთა ურთიერთობის წრე, ფართოვდება კონტაქტები ადამიანებს შორის, თუმცა კონტაქტების სიხშირე ყოველთვის არ მოასწავებს ადამიანთა შორის პიროვნული ურთიერთობების გაღრმავებას. ჰენრი თორო, რომლის შემოქმედების ერთ-ერთი მთავარი მოტივი ადამიანთა შორის ნამდვილად ადამიანური ურთიერთობის დამყარებაზე ზრუნვა იყო, წერდა: „ადამიანთა საზოგადოება მეტისმეტად ხელმისაწვდომია, ჩვენ ძალზე ხშირად ვხვდებით ერთმანეთს ისე, რომ ვერ ვასწრებთ ერთმანეთისათვის ახალი ღირებულების შექმნას. ჩვენ დღეში სამჯერ ვხვდებით ერთმანეთს სუფრასთან და ეუმასპინძლებით ერთმანეთს ერთი და იმავე დაობებული ყველით — ჩვენი საკუთარი გვალით. იმისათვის, რომ ასატანი გავხადოთ ეს ჩვენი შეხვედრები, იძულებული გავხდით შეეთანხმებულიყავით ვარკვეულ წესებზე, რომლებსაც ზრდილობასა და ეტიკეტს ვუწოდებთ და რომლებიც ხელს გვიშლიან ერთმანეთთან ბრძოლაში ჩაგებათ. ჩვენ ერთმანეთს ვხვდებით ფოსტაშიც, წვეულებებზეც და ყოველ საღამოს საკუთარ კერასთან. სიეიწროვეში ვცხოვრობთ და ერთმანეთს ვაწყდებით და ამით, ვგონებ, რამდენადმე ვკარგავთ ურთიერთპატივისცემას. ნამდვილად მნიშვნელოვანი და გულისათადო ურთიერთობისათვის ასეთი სიხშირე საჭირო არ არის... ადამიანის ღირებულება მის ტყავში როდია, რომ მასზე ვეგლასუნოთ“.

სტუმარმასპინძლობა, თუკი ის მხოლოდ „ღრიის მოსაკლავად“ იმართება, ადამიანთა ნამდვილი შეხვედრა არ იქნება. თუ ადამიანს თავის თავთან სწყინდება, ის სხვისთვისაც ვერ იქნება საინტერესო. ამგვარი ადამიანების შესახებ ძველი რომაელი ფილოსოფოსი და ორატორი ციკერონი იტყობდა: „მათ სხვებთან საუბარი ისწავლეს. მაგრამ საკუთარ თავს ვერ ესაუბრებიათ“. იგივე თორო, რომლისთვისაც ადამიანებთან შეხვედრა ნამდვილი ზეიმი იყო, ამბობდა: „მე სასარ-

გებლოდ ვთვლი დროის უდიდესი ნაწილი მარტოობაში გავატარო, საუკეთესო საზოგადოებაც კი ჩქარა მლლის და სერიოზული ფიქრის-გან მწყვეტს, მიყვარს მარტოდ დაჩენა. არავისთან არ არის ისე სასიამოვნო ურთიერთობა, როგორც სიმარტოვესთან“.

აღამიანთა უბრალოდ ერთად ყოფნა ჯერ კიდევ პიროვნული ურთიერთობა არ არის. ასეთი ურთიერთობისათვის საჭიროა, რომ მათ საერთო ინტერესები ჰქონდეთ, რაღაც საერთო აღელვებდეთ. „ჩვენ მთელი მკერდით მხოლოდ მაშინ ვსუნთქავთ, — წერდა ანტუან დე სენტ-ეგზიუპერი, როდესაც ჩვენ ძმებთან ვართ დაკავშირებული და როდესაც საერთო მიზანი გვაქვს; და ჩვენ ვიცით გამოცდილებიდან: სიყვარული იმა არ ნიშნავს, რომ ერთმანეთს ვუყუროთ, სიყვარული ერთი მიმართულებით ყურებას ნიშნავს“. თუ აღამიანებს საკუთარი „მე“ და საკუთარი კეთილდღეობა აღელვებთ მხოლოდ, მაშინ ისინი, როგორც ფილოსოფოსები ამბობენ, ერთმანეთისათვის „ლია“ არ იქნებიან, მათ შორის საუბარი არ შედგება, თუნდაც რამდენიმე დღეს გადაბმულად უსხდნენ ისინი სუფრას. ასეთ შემთხვევაში სტუმარმასპინძლობა ცარეგნულად შენარჩუნებული იქნება, შინაარსით კი მასთან საერთო არაფერი ექნება. ოთარ ოსელიანის ფილმში „პასტორალი“ გმირები ცდილობენ, ანგარიშთან გარიგებას სტუმრობის იერი მისცენ: დამჭირავებლებს სტუმრებს უწოდებენ, თავგამოდებით ეპატიებებიან სუფრაზე... მაგრამ გათავდა სტუმრობა და მასპინძელი საქმიანად ანგარიშობს „სტუმრისთვის“ მიცემულ თითოეულ სულგუნს. სტუმარმასპინძლობა აქ ისევე „გაკეთებულია“, როგორც ღვინო, სტუმრებს რომ სთავაზობენ. ამგვარი ურთიერთობის დროს ყველის ფასიც იცაან აღამიანებმა და ცარიელი ბოთლისაც, მაგრამ მათთვის დაკარგულია აღამიანური ურთიერთობის, მეზობელთან და მეგობართან ურთიერთობის ნამდვილი ღირებულება. აღამიანთა შორის ურთიერთობა არ არის ნამდვილი საუბარი. ამიტომაც ისმის ალბათ ასე ხშირად მაყურებელთა უმრავლესობისათვის გაუგებარ ენაზე „დილოგები“.

აღამიანთა საზოგადოების წარმოშობის დროიდან ერთ-ერთი უმნიშვნელოვანესი იყო ქორწინების ტრადიცია. ეს ტრადიციაც საზოგადოებრივ ცხოვრებას ასახავდა და მასთან ერთად იცვლებოდა. ქორწინების ფორმები საზოგადოებისა და აღამიანთა ინტერესებს შეესაბამებოდნენ ხოლმე. როგორც ეთნოლოგები ამტკიცებენ, ქორწინების საშუალებით ტომები ერთმანეთთან ურთიერთობას ამყარებდნენ, თავიანთ ცოდნასა და გამოცდილებას უზიარებდნენ ერთმანეთს და ურთიერთდახმარების შეთანხმებებს დებდნენ. ეს რომ შესაძლებელი გამხდარიყო, იკრძალებოდა საკუთარი ტომების ქალებთან დაქორწინება. შემდგომ ქორწინების საშუალებით ფეოდალები ცდილობდნენ ერთმანეთთან

კონფლიქტები მოერიგებინათ ან მეზობლების მამულები შემოეერთებინათ. ბურჟუაზიულ საზოგადოებაში წარჩინებულები მდიდარი ვაჭრების ოჯახებთან დანათესალებით ცდილობდნენ, შერყეული მატერიალური მდგომარეობა განემტკიცებინათ და სხვ.

საზოგადოებაში, რომელიც ანგარებაზე იყო დამყარებული, ქორწინება უმთავრესად მატერიალური გარიგების სახეს იღებდა... და ითვლიდა სიმამრი საურვადო თუმცებს ან მამამთილ-დედამთილი ამოწმებდნენ ზურანის თანხლებით მოტანილ მზითვეს — ხომ არ აკლდა მზითვის სიით გათვალისწინებული „აბანოს აუღრის ქეა“ ან „სარეცხი თოკი თავისი შპილკებით“, ანდა „ერთი ასხმა პანტის ჩირი“, სიძეს კუჭი თუ აეშალა, იმ შემთხვევისათვის გათვალისწინებული¹². რა თქმა უნდა, მზითვის ეს სიები მხოლოდ სახუმაროდ არ დგებოდა. ცხოვრება შეიცვალა დღეს, მზითვის პრობლემა დიდად არ აწუხებს ახლა ახალგაზრდებს, მაგრამ ქორწინების ტრადიციისა და რიტუალის პრობლემა დღესაც რჩება. საქორწინო რიტუალის აღსადგენად და მის გასალამაზებლად ბევრს გაისარჩენ. რევოლუციის შემდგომ პირველ წლებში ბევრი რამ უარყავით, რაც წარსულთან, ძველ ცხოვრებასთან დაკავშირებულად გვქონდა წარმოდგენილი, მაგრამ არაფერს რეაქციულს არ შეიცავდა და მისი აღდგენა ახლა ბუნებრივია. მაგრამ არ შეიძლება ძველი ტრადიცია და რიტუალი მუზეუმის ნივთივით შემოვიინახოთ. ქორწინების რიტუალიც ცხოვრებას ასახავდა: ნიშნობა, მზითვის შეპირება, მისი საზეიმოდ მოტანა, საჩუქრები და მათი გამოცხადება ამ რიტუალის ნაწილები იყვნენ. და ანგარიში და ანგარებაც ახალ დროში არ შერევიან ამ რიტუალს. ტრადიციების დამახინჯებაზე რომ ვლაპარაკობთ, წარსული არ უნდა შევალამაზოთ და იმის იმედზეც არ უნდა ვიყოთ, რომ რაკი ტრადიციისა და რიტუალს პირვანდელ ელვარებას დავუბრუნებთ, ოჯახის პრობლემასაც ამით გადავჭრით. საქორწინო ტრადიციის, ისევე როგორც სხვა ტრადიციების სრულქმნის მთავარი და გადამწყვეტი საშუალებაა ადამიანთა კულტურის ამაღლება. ვიდრე ადამიანები აღებშიცემობის სულით არიან გამსჭვალული, ქორწინების ტრადიციების „შებდალვა“ ამა თუ იმ ფორმით იჩენს თავს. საერთოდ კი, როცა ძველი ტრადიციებისა და რიტუალების აღდგენას ვისახავთ მიზნად, არ უნდა უგულებელვყოთ საზოგადოების განვითარების ფაქტი: არ შეიძლება, მაგალითად, ვიფიქროთ, რომ კულტურისა და მასობრივი კომუნიკაციებთან თანამედროვე დონეზე შეეძლებოდა ძველებური მნიშვნელობა დავუბრუნოთ ისეთ ტრადიციულ სანახაობებს, როგორიც იყვნენ მაგალითად, „ბერიკაობა“ და მისი მსგავსი სხვა რიტუალები.

¹² იხ. ი. გ რ ი შ ა შ ე ი ლ ი. ძველი ტფილისის ლიტერატურული ბოქვა. თბ., 1927.

თავისი ტრადიციები და რიტუალი აქვს ადამიანის სიკვდილის გამო გლოვას და გარდაცვლილის ხსოვნის აღნიშვნას. სიკვდილ-სიცოცხლის, ადამიანის ცხოვრებისათვის სიკვდილის მნიშვნელობაზე არაერთი დაფიქრებულა. ძველ მოაზროვნეს უთქვამს, რომ ფილოსოფოსობა სიკვდილისთვის მომზადება არისო, ხოლო ფილოსოფოსობა, ძველებსავე გაგებით, ყოველი ადამიანის ვალი ყოფილა, რადგან ის სიბრძნის სიყვარულს ნიშნავდა. არაერთს უყითხია, რა იქნებოდა ადამიანი სიკვდილის შიშის გარეშე, შექმნიდა თუ არა ის რაიმეს ღირებულს. აბა, გადახედეთ ადამიანის განვითარების გრძელ გზას, წერდა დიმიტრი უზნაძე, ან კიდევ კულტურის აღმავალ საფეხურებს — ყველაფერი ეს ბრძოლამ წარმოშვა, ბრძოლამ არსებობის შენარჩუნებისათვის, ანუ ბრძოლამ სიკვდილთან. „სიკვდილი ამიტომ, როგორც იღვია, უღიდესი ბოროტება კი არა, უღიდესი სიკეთეა“¹³.

სიკვდილ-სიცოცხლის ბრძოლაზე, სიცოცხლისათვის სიკვდილის მნიშვნელობაზე, ბუნებრივია, რომ ხალხსაც უფიქრია და თავისი აზრი თქმულებებსა თუ ლექსებში ჩაუქსოვია. ეს ფიქრი იმაშიც ჩანს, რომ ხალხს ამ ცხოვრებისთვის წუთისოფელი შეურქმევია. სიკვდილის გამო გლოვის გამოსახატავად შექმნილ ტრადიციებსა და რიტუალებშიც ხალხს თავისი ფიქრი და გრძნობა ჩაუქსოვია. ამ ტრადიციების აზრი ისაა, რომ განამტკიცოს ადამიანის პატივისცემა მის თანამოძმეებში, წარსულის ხსოვნა ასწავლოს მათ. ხალხის სიბრძნეს იმისთვისაც მიუგნია, რომ სიკვდილი მართო უბედურება არ არის, ის ტრაგედიასავით „განმწმენდავად“ მოქმედებს და ამიტომ მან მართო გლოვა კი არ დააწესა, არამედ სამგლოვიარო მელიოდიები და სიმღერებიც შექმნა. თავისი აზრები და გრძნობები გამოხატა მან იმ რიტუალშიც, რომელსაც პატივისცემით მწუხრის სუფრას უწოდებენ, გამკლავად ან უგულოდ კი ქელებს. ამ ტრადიციას წარსულში მართო პრაქტიკული მნიშვნელობა კი არა ჰქონდა (როგორც შორიდან მოსული დამტკიცების პატივისცემა, ისე პრაქტიკული დახმარების აღმოჩენა ქირისუფლებისათვის), არამედ მასში გარკვეული ადამიანური აზრიც იყო — თანავგრძნობის გამოხატვის სურვილი, გარდაცვლილის დამსახურებისა თუ ღირსებების აღნიშვნაც. რა თქმა უნდა, დღეს ხშირად გლოვასთან დაკავშირებულ რიტუალს უფრო ინერციითა და მიმბაძველობით ასრულებენ ხოლმე, ბევრი მოჩვენებითი და ყალბი მხარე ახლავს ჩვენს ხალხმრავალ გლოვასა და მის რიტუალებს, მაგრამ ამ სიყალბესა და მოჩვენებითობას, ანგარების შეჭრას მათში სხვა უარყოფით მოვლენებთან საერთო

¹³ დ. უზნაძე, ფილოსოფიური შრომები, თბ., 1984, გვ. 240.

მიზეზები აქვს და ალბათ ამ მიზეზებს უნდა ვებრძოლოთ უწინარეს ყოვლისა.

სიკვდილთან დაკავშირებულ რიტუალს ხშირად რელიგიური რწმენა უდევს საფუძვლად: გლოვის ზოგიერთი ტრადიცია სულის უკვდავებაზე წარმოდგენას გულისხმობს. მაგრამ ამგვარ რიტუალებს განურჩევლად არ უნდა მიუვდეთ: უნდა განვასხვაოთ რელიგია, როგორც ზებუნებრივი ძალების რწმენა, ადამიანის ბუნებრივი სურვილისაგან, დავიწყებას არ მისცეს მახლობელი. ვთქვათ, გარკვეულ დღეს საფლავზე საქმლის მიტანა არ არის აუცილებელი რელიგიური რწმენით ავსნათ. და თუ მაშინ ჩვენ არ მოგვწონს რაიმე, ეს მისი თითქოს რელიგიური შინაარსი კი არ არის, არამედ ის, რომ ხშირად ის მეშინური შიშით კეთდება და წაბადებით.

საზოგადოებისა და ადამიანის კულტურა მართო ტრადიციების შინაარსში კი არ შედარდება, არამედ მათი შესრულების ფორმაშიც. ტრადიციების საფუძველი, როგორც ითქვა, ადამიანური ურთიერთობის მოთხოვნილებაა: მათი შესრულების დროს ადამიანი თანაგრძნობასა და მხარდაჭერას მოელის სხვებისაგან. მაგრამ ამ მოთხოვნასაც სხვადასხვა ფორმა შეიძლება ჰქონდეს. ტრადიციულ იაპონიაში ასეთი ჩვეულებაც ყოფილა — თავისი უბედურების შესახებ იაპონელი სხვას ღიმილით ატყობინებს, რათა შეამსუბუქოს თავისი ნათქვამით გამოწვეული მძიმე შთაბეჭდილება. ამის საწინააღმდეგო ხასიათი აქვს ხაზგასმულ გლოვას — ის თითქოს სიცილსა და მხიარულებას კრძალავს. როდესაც ადამიანი უმეტესად მახლობლებსა და ნათესავებში ტრიალებს, ამგვარ რიტუალს გამართლება აქვს. ურბანიზაციის პირობებში ბუნებრივად თანდათანობით იშლება გლოვის გარეგნული გამოხატულება.

ტრადიცია ჩვენს წარმოდგენაში სიძველესთან არის დაკავშირებული. ამიტომ გამოთქმა „ახალი ტრადიცია“ უჩვეულოდაც ჟღერს. მიუხედავად ამისა, შედარებით გვიან ჩამოყალიბებული ტრადიციები, მართლაც, შეიძლება ახლებად მივიჩნიოთ და იმასაც შევეცადოთ, რომ ახლად დაწესებული დღესასწაულები თუ სხვა რიტუალები ტრადიცევად იქცნენ. ამ აზრით შეიძლება ახალი ტრადიციების შექმნაზე ვილაბარაკოთ, თუშეა ისიც უნდა გავითვალისწინოთ, რომ უბრალოდ დღესასწაულის დაწესებითა და მისი „სცენარის“ დაწერით ტრადიცია ვერ შეიქმნება. ამისათვის, უწინარეს ყოვლისა, საქროა, რომ ტრადიციის აზრი ხალხისათვის გასაგები იყოს. საეჭვოა, მაგალითად, ის, რომ ნამდვილ სახალხო ზეიმად გადაიქცეს რომელიმე პიროვნების სახელობის დღესასწაული, თუკი მისი დამსახურების შესახებ არასპეციალისტს მხოლოდ ბუნდოვანი წარმოდგენა აქვს. „ახალი ტრადიციების“ საქმეში მოუფიქრებლობა, ფორმალური მიდგომა, ისეთი ზეიმების შემოღების

ცდა, რომელთაც სახალხო დღესასწაულებად გადაქცევის პერსპექტივა არა აქვთ, ხელს შეუშლის ტრადიციებისადმი სწორი დამოკიდებულების დამყარებას.

როდესაც ახალი ტრადიციების დამკვიდრებაზე ვზრუნავთ, უნდა გავითვალისწინოთ ისიც, რომ კულტურის განვითარებასთან ერთად ადამიანთა ურთიერთობის ფორმებიც იცვლება, რომ თვითონ კულტურასთან ურთიერთობა, კულტურის ათვისება უფრო ინდივიდუალური და დიფერენცირებული ხდება. წინათ, როცა „ბერეკაობა“, „ყვეობა“ და მათი მსგავსი ტრადიციები ცოცხლობდნენ, ისინი არსებითად მხატვრული კულტურის ათვისების ერთადერთი ფორმები იყვნენ. ახლა კი, როცა განათლების დონე ამაღლდა, როცა თითოეულ ოჯახში საკუთარი ბიბლიოთეკა და მუსიკალური მოწყობილობებია, ძნელად დასაჯერებელია, რომ უწინდელი კარნავალები თავის მნიშვნელობებს დაიბრუნებენ.

კულტურის ათვისების დღევანდელ ფორმებს თავისი უარყოფითი მხარეები აქვს — მათში ხშირად პასიური ფორმები სჭარბობენ: მოსმენა და ყურება მღერასა და ცეკვას ცვლის. სოციოლოგები აღნიშნავენ, რომ ადამიანები უფრო მეტად სპორტულ სანახაობებს უყურებენ და ნაკლებად მისდევენ თვით სპორტს. მოსმენაც და ყურებაც შეიძლება უფრო აქტიური და უფრო პასიური იყოს. მასობრივი კომუნიკაციის საშუალებების განვითარება, მუსიკალური და რადიო-აპარატურის დამკვიდრება ჩვენს ყოფაში კულტურის ათვისების უფრო ფართო შესაძლებლობებს ქმნის, მაგრამ, ამავე დროს, ხელს უწყობს ხშირად მხატვრული კულტურისადმი პასიური დამოკიდებულების გამომუშავებას. იმის შესაძლებლობა, რომ სუფრისგან მოუწყვეტლივ უყურო, როგორ ახრჩობს ოტელო დეზდემონას, არხეინად ისაუბრო და თან თვალი ადევნო მოცეკვავეთა პირუტეტებს, ხელოვნების ნაწარმოების პასიურ და ზედაპირულ აღქმას აჩვევს მაყურებელს. მაგრამ ამ ტენდენციების გადასალახავად შესაფერის საშუალებებს უნდა მივმართოთ და არა ძველი რიტუალების რეანიმაციას. ერთ-ერთი ასეთი საშუალება იქნებოდა სკოლაში ესთეტიკური აღზრდის გაძლიერება: საყოველთაო საშუალო განათლების ეპოქაში ძნელია ამ საშუალების გადაფასება. კულტურის ათვისების აქტიურ ფორმებს ხელს შეუწყობს აგრეთვე კულტურის მოღვაწეების შეხვედრები მასებთან, პროფესიული და მოყვარულთა კლუბების მუშაობის გაფართოება და სხვ. მხატვრული ნაწარმოები მაყურებელთან სულ უფრო ხშირად ტელევიზიის საშუალებით მიდის, და ეს უკანასკნელიც უფრო მეტად უნდა იქნეს გამოყენებული მხატვრული ნაწარმოების აღქმის კულტურის გამოქმუშავებლად.

ტრადიცია საზოგადოების კულტურის მნიშვნელოვანი მხარეა და მას საზოგადოებაში ეძლევა აზრი. ტრადიციებისადმი დამოკიდებულება, მათი პატივისცემა და უარყოფაც შეიძლება იყოს ბარბაროსულიცა და ადამიანურიც. ტრადიციის გამართლება მის სიძველეში როდია, მაგრამ სიძველე არც მისი უარყოფის საფუძვლად გამოდგება. ტრადიციის უარყოფაც ტრადიციაა, ამბობდა ა. ბლოკი, და ისიც კარგა ხნისაა. ტრადიცია შეიძლება იყოს რაინდობაცა და ყაჩაღობაც (ფირალობა), სტუმარმასპინძლობაც და ადამიანებზე ნადირობაც. ამიტომ ტრადიციებისადმი დამოკიდებულება არ შეიძლება შერჩევითი არ იყოს: საზოგადოებამ მათი ადამიანური შინაარსი უნდა შეინარჩუნოს და უკუაგდოს მათში ყოველგვარი არაადამიანური, ადამიანისა და ბნელი კულტურისადმი მტრული, მეშხანური.

მეშხანი და კულტურა

ქიმაგირი პატარა ჰქონდათ, მაგრამ
ფუფუნებაში ცხოვრობდნენ.

მ ა ნ დ ე ვ ი ლ ი. „ფავი ფუტკრებზე“.

Что значит «мещанин», как следует не ясно,
Непознаваема его земная суть,
Пытаюсь уловить его натуры ртуть,
Умы сильнейшие срываются напрасно.

ნოველა მატვეევა

უარყოფითი მოვლენების არე ცხოვრებაში ფართოა — უბრალო უხეირო საქციელიდან მძიმე დანაშაულამდე. გონებრივი სიზარმაცე მათ შორის ვერავითარ კავშირს ვერ ხედავს — უხეირო საქციელს იოლად მოითმენს, ბოროტმოქმედის დასჯას კი მთელი სიმტკიცით მოითხოვს. სინამდვილეში ადამიანი ბოროტმოქმედად არ იბადება: ვიდრე ბოროტმოქმედება მოხდება, ის ადამიანის სულში ჩნდება როგორც მიდრეკილება, როგორც ადამიანისა და საზოგადოებისადმი მტრული დამოკიდებულება. კერძომესაკუთრული ტენდენციაც, ვიდრე დანაშაულის ფორმას მიიღებდეს, არსებობს როგორც ადამიანის ღირებულებითი ორიენტაცია, ის ადამიანის ფსიქოლოგიაში, მის ცნობიერებაში, იბადება და მეშხანური სულისკვეთების, ობიექტულური მსოფლმხედველობისა და ცხოვრების ყაიდის სახეს იღებს. მეშხანი და მეშხანური სულისკვეთება ადამიანის ცხოვრებაში უარყოფითი მოვლენების ძირითადი წყაროა.

სიტყვა „მეშხანი“ მრავალი აზრით იხმარება, რაც იმით არის გამოწვეული, რომ ცხოვრების ცვლასთან ერთად მეშხანიც სხვადასხვა სახეს იღებს. სიტყვის ამ მრავალმნიშვნელობის გამო ექვსაც კი გამოთქვამენ, არსებობს სინამდვილეში მეშხანი, თუ ის გამოგონილი მოწინააღმდეგეა. ერთი მწერალი ამტკიცებდა, მეშხანი ჩვენ მიერ გაკეთებული კინჭის თოჯინაა, რომელსაც გულის მოსაფხანად საიმოვნებით ვუთავაზებთ ხოლმე ჯობს; მის ნაცვლად რომ ჯობი ნამდვილ მოწინააღმდეგეებს — ბიუროკრატებს, გაიძვერებს, კარიერისტებსა და სხვებს მოვუქნიოთ, უკეთესი იქნებაო. მეორე ბანს აძლევს — „მეშხანის“ მნიშვნელობა იმდენად ფართოა, მეშხანობის ძაფი ისე იჭიმება, რომ მისი თავსა და ბოლოს თვალს ვერ გავუწვდნითო.

ერთი შეხედვით, მართლაც, საკმაოდ გაურკვეველი და ბუნდოვანია, რას წარმოადგენს მეშხანი. კარიერისტი, ქურდი და ბიუროკრატი უფრო თვალსაჩინოა, მათ შეიძლება ხელი დავადოთ, მეშხანი კი უფრო ძნელად მოსახელთებელი ჩანს. მაგრამ ეს არ გვაძლევს უფლებას ის არარსებულად გამოვაცხადოთ: ბინდი და ბურუსიც ბუნდოვანია, მაგრამ ისინი ისევე გარკვეულად არსებობენ, როგორც მზიანი დილა და კოკისპირული წვიმა.

„მეშხანი“ ერთ დროს ქალაქის მოსახლეობის ერთ-ერთ ფენას აღნიშნავდა, სახელდობრ, მოქალაქეებს, რომლებიც არც თავად-აზნაურობას არ მიეკუთვნებოდნენ და არც ვაჭრებს. შემდეგში „მეშხანში“ იგულისხმებოდა წვრილი და ნაწილობრივ საშუალო ბურჟუა. ამ ფენას თავისი ფსიქოლოგიური სახეც ჰქონდა და ახლა „მეშხანი“ უმთავრესად ამგვარი ფსიქოლოგიის ადამიანს ნიშნავდა.

თავდაპირველად, როდესაც მეშხანობაზე ლაპარაკობდნენ, მას საერთოდ ბურჟუაზიული ცხოვრების წესთან აკავშირებდნენ. ასე ახასიათებდნენ, მაგალითად, მეშხანს ბელინსკი და გერცენი. „მეშხანები, — წერდა ბელინსკი, — პროზაულად დადებითი ადამიანები არიან. მათი საყვარელი წესია: ყველა თავისთვის და თავის სასარგებლოდ“. გერცენი მეშხანურს უწოდებს ბურჟუაზიულ ზნეობას. მეშხანობის გავლენით, წერდა გერცენი, მთელი ზნეობა იქამდე დავიდა, რომ ღარიბმა ყოველგვარი საშუალებით უნდა შეიძინოს, ხოლო მდიდარმა — შეინარჩუნოს და გაზარდოს თავისი საკუთრება; ალამი, რომელსაც აღმართავენ ხოლმე ბაზრობის გახსნისას, ახალი საზოგადოების წმინდა დროშა გახდა; ცხოვრება ფულისათვის მუდმივ ბრძოლად გადაიქცა¹⁴.

¹⁴ А. И. Герцен. Сочинения в девяти томах, т. 5, ГИХЛ, М., 1956, с. 383.

ჩვენს დროში „მეშჩანობა“ და „მეშჩანური სულისკვეთება“ უფრო ვიწრო მნიშვნელობით იხმარება და ის, საერთოდ, ბურჟუაზიულს არ უტოლდება. მეშჩანობაც და ბურჟუაზიულობაც კერძო საკუთრების პრინციპთან არიან დაკავშირებული, მაგრამ მეშჩანური სულისკვეთება, მეშჩანური ფსიქოლოგია პირდაპირი აზრით ნიშნავს არა უბრალოდ ბურჟუაზიულობას, არამედ ვიწრო, შეზღუდული ბურჟუაზიული ინტერესებით შემოსაზღვრული ადამიანის ფსიქოლოგიას. მეშჩანი — ეს არის ბეცი, შეზღუდული, გონებაჩლუნგი ბურჟუაზი.

- თანამედროვე მეშჩანობა იმ მესამე ფენის მემკვიდრეა, რომელიც ფეოდალიზმის რღვევისა და კაპიტალიზმის აღმოცენების პერიოდში ჩამოყალიბდა. ფეოდალებს ცხოვრების თავისებური წესი, ღირებულებათა თავისი საზომი ჰქონდათ. ადამიანის ღირებულება უმთავრესად გვარიშვილობით, „ცისფერი სისხლით“ იზომებოდა. კაპიტალისტურ საზოგადოებას ერთბაშად არ გადაუგდია ღირებულებათა ეს საზომი: გამდიდრებული მღაბიონი თავადაზნაურული წოდებების მოპოვებასაც ცდილობდნენ. მაგრამ ადამიანის ღირსების მთავარი საზომი ამ საზოგადოებაში ფული, კაპიტალი გახდა. ფული, მოება კაპიტალის მთავარი ენებაა. მესამე ფენის ერთ ნაწილს — წვრილ ბურჟუაზიას — არც გვარიშვილობა ჰქონდა და არც დიდ ფულს ატრიალებდა. მან ძველი ღირებულებების რწმენა დაკარგა, მიიღო ახალი, ბურჟუაზიული საზოგადოების რელიგია — ფული, მაგრამ ის არც ამ რელიგიის ფანატიკოსია: ის არ არის არც ფულისა და ოქროს გიჟი გობსეკისა და კარაქტ დაბადოვის მსგავსად და არც ფინანსური ოპერაციებით აზარტული მოთამაშეა. მეშჩანის ასპარეზი უფრო ვიწროა და ზომიერი: სიმუღლის მაჩვენებელი მისთვის უმთავრესად ყოფაა — ის ცდილობს ისე იცხოვროს, როგორც ამა ქვეყნის ძლიერი ცხოვრობენ. ჩვეულებრივი მეშჩანის ოცნებაა სახლი თავისი ბაღით (ასე მთელი ცხოვრება ჩეხოვის ერთი მოთხრობის გმირი იმაზე ოცნებობდა, რომ შეეძინა საკუთარი სახლი ბაღით, სადაც მას თავისი კინკრაჟა ექნებოდა), ოქროსი თუ არა. ოქროსი მოვარაყებული შანდლები, ხალიჩები და საერთოდ, ნივთები. რომელთა შესახებ მას შეუძლია თქვას: „აი, ეს მესმის, ეს ნივთია“.

ცხოვრება იცვლება და მეშჩანური ყოფაც ვანულის ცვლილებას. დღევანდელ მეშჩანს მარტო ნივთებით კი არ მოაქვს თავი, არამედ მოდურ კურორტებზე დროსტარებითა და ჩემოდნებზე საზღვარგარეთული იარაღიყებითაც. მაგრამ მეშჩანის ცხოვრების ხასიათი არსებითად არ იცვლება, მისი თვალსაწიერი არ ფართოვდება. მეშჩანის ინტერესები მის ოთხ კედელს არ სცილდება, მისთვის საკუთარი ვიწრო ინტერე-

სებო, საკუთარი სიმშვიდე და აუღელვებელი ცხოვრება ყველაფერია: მეშჩანის სახლის კედლები დიდი სამყაროდან მოსულ ხმებს ახშობენ, რადგან მეშჩანი ცდილობს სხვისი წუხილი გულს არ გაიკაროს, იოლად წარმოდგინოს ყოველგვარი საშიშროება, რაც კი საზოგადოებას შეიძლება მოელოდეს: თუ საზოგადოებას რაიმე გაჭირვება აქვს, ამაჲ, მეშჩანის აზრით, აუცილებლად თვისი გამართლება ექნება, და თუ მოვითმენთ, ადრე თუ გვიან მოვევლება.

მეშჩანის ინტერესების შეზღუდულობა იმაშიც გამოიხატება უწინარეს ყოვლისა. რომ მისთვის უცხოა ნამდვილი სულიერი მოთხოვნილებები. მეშჩანი, ან, როგორც გერმანელები ამბობენ. ფილსტერი, ფილოსოფოსის შოპენჰაუერის აზრით, არის ადამიანი სულიერი მოთხოვნილებების გარეშე. მეშჩანი ფლობაზე ორიენტირებული ადამიანია. ყველაფერი მას თავისთვის უნდა, ნამდვილი სულიერი ინტერესი კი ადამიანს მაშინ აქვს, როცა ის უანგაროდ ეცნობება ჰუმანიტეტის ძიებას, ქედს იხრის მშვენიერების წინაშე, უანგაროდ ქმნის სიკეთეს... სულიერი კულტურა და ანგარება თავიანთი ბუნებით ერთმანეთს გამოირიცხავენ, რაც, რა თქმა უნდა, იმას არ ნიშნავს, რომ სულიერი კულტურის სფეროში არც ანგარებაა და არც მეშჩანობა. მეშჩანი შეიძლება მეცნიერაც იყოს და ხელოვანიც, ოღონდ მისთვის მეცნიერება და ხელოვნება ან მხოლოდ შემოსავლის წყარო იქნება ან საზოგადოებაში საპატიო ტიტულის („პროფესორის“, „მწერლის“) მოპოვების საშუალება. როდესაც მეშჩანი შეილის მოძვეალ პროფესიაზე ფიქრობს ან უცხო ენასა თუ მუსიკას ასწავლის მას, ის უწინარეს ყოვლისა, იმას ანგარიშობს, თუ რა პრაქტიკული ღირებულება ექნება ამა თუ იმ პროფესიას, როგორ „აჲმევეს პურს“ ის ადამიანს; მას აზრად არ მოუვა იკითხოს, რამდენად საინტერესოა ესა თუ ის დარგი, ან რამდენად სჭირდება ადამიანის სულს მუსიკალური აღზრდა, ან ის გაითვალისწინოს, რომ ენა კულტურის ათვისების საშუალებაა და თვითონაც კულტურის ნაწილია.

მეშჩანისათვის უცხოა ნამდვილი სულიერი მოთხოვნილება, მაგრამ ჩვენს დროში ისიც სულიერი კულტურის გარეშე ვერ იქნება. რადგან მეშჩანს ღირებულებათა შინაგანი საყრდენი არ აქვს, მისთვის გზის მაჩვენებელია საზოგადოებაში გავრცელებული შეხედულებები; და თუ საზოგადოებაში რაიმე სულიერი მოვლენა მოდაში, მეშჩანიც ითვლებს მას, მისი მომხმარებელი ხდება და კვლავ ნივთად გადააქცევეს მას: სიმღერა და ცეკვა, მაგალითად, მისთვის მხოლოდ საზოგადოებაში გამოსაჩენი საშუალება იქნება, ამიტომ ბახი და შუბერტი დიდად საჭირო არ არის, მთავარია „მოსალხენი“ მუსიკა. მხატვრული სურათიც კედლის სამკაულია მხოლოდ.

მეშჩანისათვის რომ ნამდვილი სულიერი ინტერესი უტყობა, ეს იმას არ ნიშნავს, რომ მას ბაზი და მოცარტი, მიქელანჯელო და რაფაელი, გოეთე და შექსპირი არ გაუგონია. შეიძლება ეს ყველაფერი იცოდეს მან, სარტრსა და ჯოისსაც გაუშინაურდეს, მაგრამ მაინც მეშჩანად დარჩეს. მეშჩანის დისკოთეკაში ოკუფაცასა და ვისოცკის ანტიმეშჩანურ სიმღერებსაც შევხვდებით ალბათ. მეშჩანი განათლებისა და კულტურის დაბალი დონის ადამიანი კი არ არის, არამედ ის, ვისაც კულტურისა და განათლების ნამცეცებიც აუკრეფია და თავისი ვიწრო ინტერესებისათვის გამოუყენებია, ისე რომ მათი ნამდვილი აზრი არ გაუგია. კულტურის ერთ-ერთი მთავარი დანიშნულება ის არის, რომ მან ადამიანთა შორის ურთიერთობა გააფართოვოს, მათი კავშირი გააღრმავოს, ადამიანის თვალში ადამიანის ღირებულება აამაღლოს. მეშჩანი კი კულტურას იმისთვის იყენებს, რომ კიდევ უფრო მაღალი მესერი გაავლოს თავისსა და მახლობელს შორის, კიდევ უფრო საიმედოდ ჩაეკეტოს თავის ნაჭუჭში.

ადამიანისათვის, რომელსაც კაცობრიობის მიერ გამოძულებული ნამდვილი ღირებულებები შეუთვისებია და რომელიც კულტურისადმი მეშჩანურ-მომხმარებელურ დამოკიდებულებას არ დაუპაჩინებია, ღირებულება აქვს სხვა ადამიანთან — მეზობლებთან, მეგობართან თუ ნათესავთან ურთიერთობას: მეშჩანმა კი ნამდვილი ადამიანური ურთიერთობის ფასი არ იცის. ვ. შუქშინის მოთხრობის „დაბლური“ გმირი დიდად განათლებული არ არის, მაგრამ მას არ დაუკარგავს სხვა ადამიანთან ემოციური ურთიერთობის მოთხოვნილება. როდესაც ის ძმის სანახავად მიემგზავრება, ცდილობს თანამგზავრს გაეხმიანოს, მაგრამ ამოღ: მის გვერდში მჭდომს თავი გაზეთში ჰქონდა ჩარგული. „იქ დასაქცევი, — ფიქრობდა დაბლური, — ასეთი რა წერია, მაინც, რომ იქვე, ცოცხალ კაცს ხმას არ სცემდა!“ შემდეგ ცოლისადმი გასაგზავნ ღეპეში მაინც უნდა თავისი გრძნობები გამოხატოს, ესეც შეუძლებელი აღმოჩნდა: მისგან მოითხოვენ, რომ ღეპეშის ტექსტი ტრაფარეტული სიტყვებით იყოს შედგენილი. აი, ის მმასთან ჩავიდა; ძმები ბავშვობას იგონებენ, სიმღერასაც წამოიწყებენ, მაგრამ რძალი, რომელიც „დიდ ხალხზეა გაგიჟებული“, უხეშად აწყვეტინებს მათ და, ბოლოს, სახლიდანაც გააძევებს სტუმარს, „უბრალო სოფელს“. მეშჩანურმა ინტერესებმა განდევნეს ადამიანური ურთიერთობის მოთხოვნილება, ღირებულება დაუკარგეს ნათესავურ გრძნობებს.

ცნობილია, რომ ორი სრულიად ერთნაირი საგანი არ არსებობს. ეს მით უფრო ითქმის ადამიანებზე. მაგრამ ადამიანის ნამდვილ თავისებურებას, მის გაუმეორებლობას ის კი არა ქმნის, რომ ერთი უფრო მაღალია მეორეზე. ერთს უფრო ღია ფერის თმები აქვს და ა. შ. ადამიან-

ნი, უწინარეს ყოვლისა, თავისი სულიერი სამყაროთი, თავისი გრძობე-
ბით, გამოცდილებით, გონებით არის განუმეორებელი. მის ვანსაკუთ-
რებულობას სულიერი ღირებულებები ქმნიან. რამდენადაც მეშხანი
არსებითად მოკლებულია ამ ღირებულებებს, მას ინდივიდუალობა აყ-
ლია. მეშხანს არც უნდა გამოარჩეული იყოს, იგი ყოველთვის ვანსაკუთ-
რებულობის, ორიგინალურობის წინააღმდეგია. ის ადამიანის სულს
გასაქანს არ აძლევს და თითოეულისაგან მოითხოვს ისე მოიქცეს, „რო-
გორც ყველა იქცევა“, თორემ ყველა თუ თავისებურად მოიქცა, მეშხა-
ნის აზრით. ყველაფერი აირევა. მეშხანი კოლექტივიზმის მომხრეცაა,
ოღონდ მასში ესმის რაღაც „ჯოგური“ ცხოვრება, რომელშიც ყოველ-
გვარი თავისუფლება და პიროვნული მისწრაფება აღკვეთილია. მეშხა-
ნურ ინდივიდუალიზმს, წერდა ა. ლუნაჩარსკი, თან ახლავს ძალდატანე-
ბითი კოლექტივიზმი. როგორ, ყველა თანამშრომელი კოლექტიურ
ღონისძიებაში მონაწილეობს, ხოლო ერთი განცალკევებით მიაქანებს
ველოსიპედს? სად გაგონილა? მერე ამ უცნაურ კაცში პოეზიას გაულ-
ვიძია და ხეზე ასვლაც განუზრახავს? რ. ესპინს ფილმის „წიკიურტე-
ბის“ ნეშხანები „სამართლიანად“ არიან აღშფოთებული: მათ ბუნებ-
რივად მიაჩნიათ თავიანთი საქციელი — მლიქნელობა, მრუშობა და
სხვ., რადგან ეს ისაა, რასაც ყველა აკეთებს. ადამიანი, რომელიც სხვა-
ნაირად იქცევა, ამით მეშხანის ცხოვრების ყაიდას იწუნებს და ეს აღი-
ზიანებს მას.

რადგან მეშხანის ინტერესები უმთავრესად მატერიალური ფასეუ-
ლობებით, ნივთებითაა შემოფარგლული, თავისი სულის სიღრმეში
მან ბედნიერების ერთი წყარო იცის: თავისი ლტოლვების, უმთავრესად
კი სხეულებრივი, სასიცოცხლო მოთხოვნილებების დაკმაყოფილება.
მ. არციბაშევის გმირი სანინი მეშხანის ფარულ მისწრაფებას გამოთქ-
ვამს, როცა ამბობს: „მამასადამე, ტკბობაშია სწორედ სიცოცხლის მი-
ზანი. სამოთხე არის აბსოლუტური ტკბობის სინონიმი“. „ვოცნებობ
ბედნიერ დროზე ..., როცა ადამიანსა და ბედნიერებას შორის არაფერი
იღვება, როცა ადამიანი თავისუფლად და უშიშრად დაეწაფება მისთვის
მისაწვდომ სიამოვნებას“. მაგრამ თვითონ მეშხანი ამ თავის ფარულ
სურვილებს არ გაამჟღავნებს, რადგან მას წესიერების, რესპექტაბე-
ლურობის ფარგლებში დარჩენა უნდა.

მეშხანები, როგორც ითქვა, ნამდვილ სულიერ ღირებულებებს
არიან მოკლებული; პოეტის სიტყვებით რომ ვთქვათ, „მათთვის სათ-
ნოება ცარიელი სიტყვაა და საღვთო ხეივანში ისინი მხოლოდ უბრალო
შეშას ხედავენ“ (პორაციუსი). მეშხანი ამიტომ არც სხვებში
ხედავს სულიერ ღირებულებს, მისთვის გაუგებარაა საქციელი; რომე-
ლიც სარგებლიანობაზე არ იქნება დამყარებული. ის საშუალოა თავი-

სი ბუხებით, სულმდაბალია და ასევე ჰყავს სხვებიც წარმოდგენილი: მეშჩანის აზროვნების ამგვარი მიმართულება კარგად დაახასიათა გასულ საუკუნეში ფრანგმა სოციოლოგმა ა. ტოკვილმა თავის წიგნში ამერიკული დემოკრატიის შესახებ: დემოკრატიის დროს, წერდა იგი, „უბრალო მოქალაქეები ხედავენ, რომ აღამიანმა, რომელიც მათი წრიდან გამოვიდა, რამდენიმე წელიწადში სიმდიდრესა და ძალაუფლებას მიაღწია: ეს სანახაობა მათში გაკვირვებასა და შურს ბადებს; მათ სურთ გაიგონ, როგორ მოხდა, რომ ის, ვინც გუშინ მათი თანასწორი იყო, დღეს მათი მართვის უფლებას იღებს. ამ აღზევების მიწერა ნიჭისა და სათნოებისათვის მათ ხელს არ აძლევს, რადგან ეს იმის აღიარება იქნებოდა, რომ თვითონ მათ სათნოება და ნიჭი აკლიათ. ამიტომ მთავარ მიზეზს ისინი რაიმე მანკიერებაში ხედავენ და ხშირად არც ცდებიან“. როდესაც ამის მსგავსად დღევანდელი მეშჩანი ხედავს, რომ გუშინდელი მისი კოლეგა თუ მეზობელი „გამორჩეული“ ხდება, მასაც არ უნდა ეს ნიჭსა და ღირსებაში რაიმე განსხვავებას მიაწეროს და „ზემოდან“ მხარდაჭერით ხსნის ამას და ამგვარი ექვიც ყოველთვის როდია უსაფუძვლო.

მეშჩანს უნდა, რომ ნიჭითა და შესაძლებლობებით ყველა გაათანაბროს, მაგრამ იგი ასევე თანაბრად როდი გაანაწილებს პასუხისმგებლობას იმისათვის, რაც საზოგადოებაში ხდება. მეშჩანი მზალა ყველა სისაძაგლე ჩაიდინოს, ოღონდ კი პასუხისმგებლობა სხვას დაეკისროს. ამიტომ მისთვის უფრო ხელსაყრელია თვალსაზრისი, რომელიც ისტორიაში განმსაზღვრელ როლს ერთეულ გამოჩენილ პიროვნებებს მიაწერს. ამით მას, მეშჩანს, არაფერი ევალება, ის შეიძლება თავისი პატარა საქმეებით შემოიფარგლოს. ამის გამო მეშჩანები ყოველთვის იუენენ დესპოტიის საყრდენი. ერთ პიროვნებას როცა აღმერთებენ, მაშინ ყველა დანარჩენი მას, მეშჩანს, უთანაბრდება: დესპოტის წინაშე ყველა ერთნაირად უუფლებო და უძლურია. სახელმწიფოს და, მით უფრო, კაცობრიობის ინტერესები რომ გაიზიაროს აღამიანმა, მან უნდა აღიაროს რაღაც ზოგადი ღირებულებები, მოვალეობა საზოგადოების წინაშე. მეშჩანს კი ამგვარი მოვალეობის გრძნობა არა აქვს. „მე არ მინდა... ვალდებული არა ვარ დავემორჩილო საზოგადოების მოთხოვნებს! მე პიროვნება ვარ!“ ამგვარად გამოთქვამს თავის ინდივიდუალისტურ განწყობილებას მ. გორკის პიესის „მეშჩანების“ ერთ-ერთი გმირი. მაგრამ მეშჩანის ინდივიდუალიზმი არასოდეს არ ემყარება ნამდვილ პიროვნულობას. პიროვნულობასაც ის სხვისი წახედულობით ჩემულობს. მეშჩანისათვის უფრო გასაგებია, როცა სახელმწიფო მას ერთი პიროვნების, მაგალითად „ფიურერის“, სახით წარმოუდგება. მაშინ მისდამი ერთგულების გამოხატვით ის თითქოს ეზიარება რაღაც დიდ ძალას და ამგვარი ავტორიტეტის წინაშე ქედმოხრით თავის ღირებულებას იძენს.

მეშჩანური სულის ერთ-ერთი თვისებაა „ქედმოხრილობა, ავტორიტეტების მონური თავყვანისცემა“ (მ. გორკი).

მეშჩანს კიდეც ერთი საშუალება აქვს იმისათვის, რომ პასუხისმგებლობა თავიდან მოიცილოს და თავის ნაქუქში კარგად ჩაიკეტოს. ეს არის ბედის და ბედისწერის რწმენა. ბედისწერა ყველაფერს ხსნის და მეშჩანს არც გონების დაძაბვა სჭირდება იმისათვის, რომ ადამიანის ცხოვრების რაიმე გაჭირვების მიზეზი მოიძიოს და არც რაიმეს დაავალებს თავის თავს — ბევრიც რომ იხტუნო, მაინც არ აცდებია, რაც გიწერიაო. ბედისწერაზე ამგვარი წარმოდგენა ძალზე გავრცელებულია და ის მეშჩანს არ მოუგონია, მაგრამ ამ უკანასკნელისათვის ის განსაკუთრებით მიმზიდველია, რადგან მას პასუხისმგებლობისაგან ათავისუფლებს.

მეშჩანი თავის სიმშვიდეს არც ექვით დაირღვევს. მეშჩანისათვის სათუო და ასაწონ-დასაწონი არაფერი არ არის: მისთვის სამყაროში გაუგებარი არაფერი არ არის — რაც არ ესმის, ის, მეშჩანის აზრით, აბღუბდაა. ექვი მისგან დაფიქრებას, აზროვნებას მოითხოვს, ხოლო მეშჩანი რისი მეშჩანია, თუ ის აზროვნებას დაიწყებს. მეშჩანის „აზროვნება“ ის არის, რომ ყველა შემთხვევას ცხოვრებაში თავისი შეხედულებების თაროებზე კონტად ჩამოაწყობს.

მეშჩანები ნამდვილად ინდივიდუალობას, განუმეორებლობას მოკლებული არიან. მაგრამ ეს იმას როდი ნიშნავს, თითქმის მათ შორის არავითარი განსხვავება არ იყოს. მეშჩანურ აქვარიუმში სხვადასხვანაირი თევზები დაკურავენ: ლოქოებიც არიან აქ და ჰიჭყინებიც. ლოქომეშჩანები თავისუფლად დანავარდობენ, პატიოსნებაზე და სინდისზე ლაპარაკით თავს არ იწუხებენ და უმთავრესად ისა აქვთ საზრუნავი, თუ სად რა წაგლიჯონ და რით ისიამოვნონ. ჰიჭყინა-მეშჩანები „პატიოსნები“ არიან, მაგრამ მხოლოდ იმიტომ, რომ საქმოსნობისათვის საქირო მოხერხებულობა არ ჰყოფნიან; თავიანთ მეშჩანურ ბუნებას იმაში აწყლავებენ, რომ საკუთარი პატიოსნება დიდად არ უღირთ და შურით ავსებთ თავიანთი „იღბლიანი“ თანამომქმეების ბედი. პირველნი ბედს არ ემდურებიან, ოღონდ კი მტაცებლურ საქმიანობაში ნუ შეუშლიან მათ ხელს, მეორენი კი ყოველთვის უკმაყოფილონი არიან და გაბრწყინებული თვალებით შეჰყურებენ საქმოსანთა ხელგაშლილ ცხოვრებას.

შეიძლება ვიფიქროთ, რომ მეშჩანობა, რამდენადაც ის მხოლოდ გარკვეული მიდრეკილება, ფსიქოლოგიური განწყობაა, არ არის აუცილებლობით დაკავშირებული უარყოფით მოვლენებთან. მეშჩანი თუ ნივთებით არის ვატაცებული, ეს ჯერ კიდეც არ ნიშნავს იმას, რომ ის ქურდი და დამტაცებელი გახდება. თუ ადამიანი ნივთიერი ღირებულებებით არის უმთავრესად დაინტერესებული, ეს მისი პირადი საქმეა,

და თუ ეს ზიანის მომტანია, ისევე ამ ადამიანისათვის და არა საზოგადოებისათვის. მაგრამ ეს საცხებით ასე არ არის. მეშჩანური სულსკვეთება ხელსაყრელ ნიადაგს ქმნის უარყოფითი მოვლენებისათვის. მეშჩანი ნითეს ადამიანზე უფრო მაღლა აყენებს და მზადად ადამიანი მას შესწიროს. საკუთარი ქონება მისთვის იმდენად ხელშეუხებელია, რომ მისი დაცვისას მხეცურ უღმობლობას იჩენს. ამგვარი უღმობლობა მან საზოგადოებრივი საკუთრების ხელყოფის დროსაც შეიძლება გამოიჩინოს, მაგრამ ამ შემთხვევაში მისი მოქმედების მამოძრავებელი იქნება არა საზოგადოებრივი საკუთრების პატივისცემა, არამედ აღშფოთება იმის გამო, რომ საერთოდ საკუთრების წინააღმდეგ აღმართეს ხელი. რამდენიმე ხნის წინ ერთ-ერთ ცენტრალურ გაზეთში აღწერილი იყო, თუ როგორ მოჰკლეს ცემით ჩვიდმეტი წლის ახალგაზრდა ვითომ კოლმეურნეობის მანქანის გატაცების ცდისთვის (მკვლელები არც იყვნენ იმაში დარწმუნებულნი, რომ ნამდვილ დამნაშავეს უსწორებოდნენ, „ლინჩის“ შემდგომ კი ამის დადგენა შეუძლებელიც გახდა); თავიანთ სისასტიკეს იმით ამართლებდნენ, რომ საზოგადოებრივ საკუთრებას იცავდნენ, სინამდვილეში კი ისინი საკუთრების ხელყოფის გამო გაძვინჯარებული მეშჩანები იყვნენ, რომლებიც მზად არიან სამსხვერპლოზე ადამიანის სიცოცხლე მიიტანონ, ოღონდ სხვებმა ისწავლონ საკუთრების, უწინარეს ყოვლისა, პირადი საკუთრების პატივისცემა. მართლაც, როგორც ერთ პოლონელ პედაგოგს უთქვამს, რამდენად დიდია იმის საფრთხე, რომ საკუთარი უშიშროების უზრუნველსაყოფად ყველაზე უბედურში ძალადობის გზას დაადგე.

მეშჩანისათვის ადამიანი (სხვა ადამიანი) ღირებული არ არის; რადგან სულის სიღრმეში თავის არარაობას განიცდის, ამიტომ ის ცდილობს სხვაც არარაობად წარმოადგინოს. მისთვის დამახასიათებელია ცინიზმი, რომელიც, გორკის თქმით, მეშჩანობისათვის თვითდაცვის ერთ-ერთი იარაღია. მეშჩანს არ უყვარს „ლაყბობა“ პატიოსნებაზე, ჰინდისზე და სხვა მაღალ მატერიებზე. მისი იდეალია საქმე და საქმიანობა („საქმე ნახე, საქმე“). თუ მეშჩანი არ არის თვითონ საქმოსანი და კომბინატორი, მას მაინც ხელს აძლევს ამგვარი ადამიანების ყოვლისშემძლეობა. ობივატელს აწყობს ცხოვრების იმგვარი წესი, როცა ადამიანის ნიჭი და ღირსება კი არ ბატონობს, არამედ „ჩაწყობითა“ და კვაჭობით კეთდება ყველაფერი. მას იმედი აქვს, რომ ამა ქვეყნის ძლიერ მოუწახვებს სუსტ ადგილს და ამ გზით თავის პატარა საქმეებს მოაყვარაბჭინებს. თუ პირდაპირ სარგებლობს ვერ იღებს საქმოსნისაგან, ის მაინც თანაუგრძნობს მას. მეშჩანისათვის ადამიანის წარმავების საზომია გარეგნული კეთილდღეობა, ფუფუნება, განცხრომით ცხოვრება, ეს კი საქმოსნების, „ენერგიული ადამიანების“ ხვედრია. ბოროტების ძირი მხოლოდ

„ენერგიულ ადამიანებში“; საქმოსნებში კი არ არის, არამედ აგრეთვე მეშხანურ ღირებულებით ორიენტაციებში, ობივატელურ განწყობილებებში, რომლებიც ფსიქოლოგიურად უჭერენ მხარს საქმოსნობას, უარყოფით მოვლენებს საერთოდ. „ყოველთვის უნდა გვახსოვდეს, როგორც ჩვენი სახელი, რომ ცხოვრების ნამდვილი მტერი არის არა კაპიტალი — სტიქიური, უგუნური, უნებისყოფო ძალა — არამედ მისი ყურმოჭრილი მონები, პატივცემული მეშხანები, რომლებსაც სურთ თავიანთი პირადი ბედნიერების ინტერესებისათვის დაამტკიცონ სხვაგვარი ცხოვრების შეუძლებლობა“, — წერდა მ. გორკი. მეშხანობას ყველაზე ბოროტ და ჩერჩვრობით დაუძლეველ საშიშროებად ვთვლი, ამბობდა აგრეთვე ლ. ლენინი: ძველისძველი მეშხანი არაფერია მის გარდაქმნილ შთამომავალთან შედარებით. მისი თანამედროვე სახესხვაობა, რომელიც ომის ქარცეცხლში გამოიწრო, ცბიერია, მოხერხებული და შურისმაძიებელი... ის ყოველმხრივ დაცულია კეთილსამედობისა და ასპროცენტაინობის ეტრონებით და ჩუმად ღრღინს საღი ხის ფესვებს, წერდა ცნობილი საბჭოთა მწერალი რევოლუციის შემდეგდროინდელი მეშხანობის შესახებ.

კერძო საკუთრება ადამიანებს ერთმანეთს უპირისპირებს, მაგრამ ადამიანთა გათიშვას ერთმანეთისაგან ყველაზე მეტად სწორედ წვრილი კერძო საკუთრება უწყობს ხელს, რომელიც მეშხანობის ეკონომიკური საფუძველია. მეშხანური ფსიქოლოგია ყველაზე მეტად უპირისპირდება საზოგადოების საერთო ინტერესებს, ადამიანური ურთიერთობების ჩამოყალიბებას, ის ხელსაყრელია ადამიანთა შორის მტრული ურთიერთობის დამკვიდრებისათვის. ამიტომ აკავშირებდა მ. გორკი ხულიგნობას მეშხანურ ფსიქოლოგიასთან. ხულიგანი, წერდა იგი, ეს არის არსება, რომელიც მოკლებულია სოციალურ გრძნობებს, ის არ გრძნობს არავითარ კავშირს სამყაროსთან, ის არ ცნობს თავის გარშემო რაიმე ღირებულების არსებობას. ამ მხრივ ის მეშხანისაგან არაფრით არ განსხვავდება. განსხვავება ისაა, რომ ხულიგანი საკუთარი თავის ღირებულების შეგრძნებასაც კარგავს, საკუთარი სიცოცხლის ღირებულების შეგრძნება უჭრება მას. ხულიგანი გუშინდელი მეშხანია, ამ უკანასკნელის ხვალისდელი დღეა. გორკის მიაჩნდა, რომ ყველაზე საშიში კულტურის სფეროში მუშაობისათვის არის წვრილი პარაზიტი, ადამიანი, რომელიც სარგებლობს სამშენებლო ალიაქოთით და ცდილობს „წაგლიჯოს და გაიქცეს“ ან შეუშინველად გაძვრეს ხელმძღვანელ ადგილზე და ნელ-ნელა წაბილწოს იქაურობა.

მეშხანური ფსიქოლოგია თავისი ბუნებით კერძომესაკუთრულია, ადამიანობისა და კულტურის საწინააღმდეგო ძალაა, მათი ყველაზე საშიში მტერია: ის ადამიანის სულში იჭრება და მის გადაგვარებას იწ-

ვევს; როგორც წესი, ის აშკარა ანტისაზოგადობრივ საქმიანობაში არ ვლინდება. მეშჩანინი გარეგნულად წესიერებისა და კანონიერების მომხრეა; თუ ის კანონს არღვევს, ან ამართლებს სხვის მიერ ასეთ დარღვევას, მხოლოდ იმიტომ, რომ „ყველა ასე აკეთებს“. მეშჩანინი გრიბის ვიარუსივით იცვლის სახეს და ყოველთვის ცდილობს რესპექტაბელური სახე მიიღოს. ის სალი აზრისა და რეალურობის ძველთაძველი პრინციპების თავგამოდებული დამცველია, და ძალზე „ადამიანურს“ ზოითხოვს — უწინარეს ყოვლისა კარგ ცხოვრებაზე ზრუნავს და იმას, რომ აუტკივარი თავი არ ავიტყვივთ. მისი კერძომესაკუთრული, ეგოისტური არსი არასოდეს არ არის წინა პლანზე. მეშჩანინის ცხოვრების წესია „მე შენ პატივს გცემ, შენ კი სამაგიეროდ მე მომაგებ პატივს“. პატიოსანი კაცი, მისი აზრით, არის ბრიყვი, რომელიც კანონს ჭიუტად იცავს და არც თავის თავს ასარგებლებს და არც სხვის. კეთილშობილური მისწრაფებები, სინდისი და პატიოსნება მეშჩანინს ადამიანის ბავშვურ სისუსტეებად მიაჩნია და ის ცდილობს, აკენის რწევით და კარგ ცხოვრებაზე ღლინით მიაძინოს ისინი.

აქვს თუ არა აზრი „ჰოსა“ და „არას“ შიღილს

დანგრევის დროს ყალბი არგუმენტები გამოდგება; აშენების დროს კი — არა. რაც კეთილშობილი არ არის, ის ვერ ააშენებს.

გოთე

„ადამიანის ბუნება, მიუხედავად ყველა საზოგადოებრივი კატაკლიზმისა და ევოლუციისა, ათასწლეულების მანძილზე უცვლელი რჩება“, წერდა ლიონ ფოიხტენგერი. მართლაც, ათასწლეულების წინ ეგვიპტეში ადამიანს ჰქუას არიგებდნენ: თუკი ბატონთან დაახლოებული ხარ და მის სათათბიროში ზიხარ, ფრთხილად ილაპარაკე და მორიდებული იყავი, რაგდან სიტყვა ყველა სამუშაოზე უფრო ძნელია!... ქედი მოიხარე შენი უფროსის წინაშე და შენი სახლი ქონებით აივსება. მას შემდეგ ბევრმა წყალმა ჩაიარა, მაგრამ დღესაც ასეთსავე რჩევას იძლევიან: „ადამიანს, რომელიც მართალია, ყოველთვის აღმაცერად უყურებენ, სათვალეებს ზემოდანაც კა, მან უნდა იცოდეს ეს და თავისი სიმართლის შეგნებით უნდა კმაყოფილდებოდეს, თუკი მას აფასებს.

მაგრამ ის, ვინაც მშვიდად ცხოვრება უნდა, შეეცდება მართალი არ იყოს... მაშინ მას უზრუნველყოფილი ექნება საამური ცხოვრება... სიცოცხლეშიც და სიკვდილის შემდეგაც პატივისცემით იქნება ავსე-

ბული“, — მეოცე საუკუნისათვის დამახასიათებელი ირონიით გაიმეორა ძველი სიბრძნე ერეკ სატიმ.

ძველ ინდოეთში უთქვამთ: „უღარდელთა იმის ცხოვრება, ვინც თავხედია, როგორც ყვავი, კანდიერია, აბეზარი, თავზე ხელაღებული, უზნეო, და ძნელია იმისათვის ცხოვრება, ვინც მიუყვარძობებულა, მშვიდია და გამჭრიახი“, და დღესაც ხომ ამბობს პოეტი: თუკი ხარ სუფთა, შენსავით მტერმა იცხოვრა შენმა...

მათლაც, ბოროტება და მანკიერება ისევე დიდი ხნისაა, როგორც ადამიანი, მაგრამ ასევე დიდი ხნისაა ადამიანის ბრძოლა მათთან. პესიმისტი ხელს ჩაიქნევს, ბოროტებასთან ბრძოლას სასიკეთო პირი არ უჩანსო, იტყვის, თვითდამშვიდებული ოპტიმისტი და დაიძმედებს თავს, უარყოფითი მოვლენები მუდამ ყოფილა და კაცობრიობა ამას არ დაუღუპია, ამიტომ საგანგაშო არაფერია, ცხოვრება მიინც წინ მიდის და ყველა სიძნელე თავის დროზე დაიძლევაო; მაგრამ მას ავიწყდება, რომ წარსულშიც სიძნელეები თავისთავად როდი დაძლეულა, მათ გამო ადამიანებს თავი შეუწყუხებიათ, ხელი გაუძნდრევიათ და კიდევ იმიტომ დაუძლევეთ ისინი.

არსებობს იგავი ორ ბაყაყზე, რომლებიც არაყანის ქილაში ჩავარდნილან. ერთს გონივრულად გადაუწყვეტია, რომ ქილას თავს ვერ დააღწევდა და სიკვდილს შერიგებია, მეორეს კი უგუნურად უფართხალია, ვიდრე არაყანი კარაქად არ გადაიქცა, და ცოცხალი გადარჩა. კაცობრიობაც იქნებ იმიტომაც გადაურჩა ბოროტებას და მანკიერებას, რომ „მათთან უგუნურ“ ბრძოლას ეწეოდა. თავისი „უგუნურებით“ ჯორდანო ბრუნო ცეცხლში ჩაიფერფლა, ხოლო „გონიერმა“ გალილეიმ თავის მრწავსზე უარის თქმის ფასად სიცოცხლე შეინარჩუნა. „უაზრო“ იყო ცოტენ დადიანის საქციელი: რას არგებდა საშობლოს ის, თუ ერთი ადამიანით მეტ მსხვერპლს გაიღებდა. „უგუნური“ იყო ჰენრი თორო, რომელმაც თავისი ხელით აიშენა ტყეში სახლი, მხოლოდ მცენარეული საკმელთი იკვებებოდა და ქლექით დაისნეულა თავი; დიდი აზრი არ ჩანდა იმაშიც, რომ ლევ ტოლსტოიმ სახნისს მოჰკიდა ხელი. ადამიანებს ბევრი „უგუნურება“ ჩაუდენიათ და ერთ-ერთი მათ შორის საკუთარ უგუნურებასთან ბრძოლაც იყო. „გონიერი“ ადამიანები ყოველთვის მოთმინებას მოითხოვენ. „ყველა ხილს თავისი დრო აქვსო“, „საკუთარ თავს ვერ გადაახტებო“, „ყურები შუბლს ზევით არ იზრდებიანო“, ბრძნულად ქადაგებდნენ ისინი, „უგუნური“ კი თავისას არ იშლიდნენ: „რის გულისათვის ვიცადოთ? რა მოსაზრებით? მეუბნებიან, ყველაფერი ერთად არ იქნებაო, ყოველი იღეა თანდათან უნდა განხორციელდეს, ყველაფერს თავისი დრო მოუვაო. მერე და ვინ მეუბნება? ვინ დაამტკიცა, რომ ეს მართალია? თქვენ მეუბნებით, რომ ასეთია ბუნების წესი.

რომ ყველაფერს თავისი კანონი გააჩნია. მაგრამ სადაური წესი და კანონია, რომ მე, ცოცხალი და მოაზროვნე კაცი, თხრილს დავუყურებდე, იმას ველოდო, შლამიროდის ამოავებს-მეთქი, როდესაც შემიძლია გადავახტე ან ხიდი გავდო და ისე გავიდე? ან რისი გულისათვის ველოდო?¹⁶.

* * *

„გონიერი“ ადამიანები უარყოფითი მოვლენების მთავარ მიზეზს საზოგადოებრივი სიმდიდრის ნაკლებობაში ხედავენ: ნივთებით გატაცებას, მათ კულტს, მათი აზრით, ეს ბადებს, რომ იპინი ცოტაა; ადამიანები დახარბებული არიან კარგ ნივთებს, კარგ საქონელს, რომელთაც ჩვენი მრეწველობა ცოტას უშვებს და ამიტომ ისინი იძულებული არიან გადაამყიდველებს მიაკითხონ, ჰოდა, გადაამყიდველების ფასებს კი „ჩვეულებრივი“, კანონიერი ხელფასი ვერ აუვიაო; ადამიანურ ყოფნას ფლობა კი არ უშლის ხელს, არამედ ის, რომ რაცა აქვთ, ის არ ყოფნითო. აი, მეტი, უკეთესი და იაფი საქონელი რომ იყოს, აღარც მომხვეჭელობა იქნება და აღარც სპეკულაციაო. ამგვარი ახსნა-ისევე ლოდინისათვის განგვაწყობს, ეკონომიკის განვითარებასა და პრობლემის თავისთავად გადაწყვეტის იმედზე გვაყოფებს.

მატერიალური სიმდიდრე რომ ადამიანის ყველა პრობლემას ვერ გადაწყვეტს, ეს იქიდანაც ჩანს, რომ ცხოვრების უფრო მაღალ დონეს სულაც არ შეესატყვისება სოციალური პრობლემებისა და სიძნელეების გადაჭრის უფრო მაღალი დონეც. იმ ქვეყანაში, სადაც ცხოვრებინ უფრო მაღალ დონეს მიაღწიეს, მწვავედ დგას ისეთი პრობლემები, როგორცია დანაშაულებრიობის ზრდა, კორუფცია და სხვ. ნივთების სიმრავლეს, დოვლათს ადამიანთა მოთხოვნილებების დაკმაყოფილება მოაქვს და მათ საშუალებას აძლევს უფრო „მაღალ მატერიებზე“ იფიქრონ, მაგრამ მეორე მხრივ, კარგი ნივთების მოპოვებისაკენ ადამიანთა სრბოლა დაუსრულებელია: ის, რაც დღეს მოგეწონს, ზვალ სიმანინჯედ მოგვეჩვენება; ამიტომ ძნელად დასაჯერებელია ის აზრი, თითქოს მატერიალური სიუხვე თავისთავად გამოიწვევს ადამიანთა ყურადღების გადართვას ნივთებიდან სულიერ ინტერესებზე. მატერიალური სიმდიდრის ზრდას ადამიანთა ყოფიერებაში სხვადასხვაგვარი შედეგები აქვს და მისი გავლენის ხასიათი თვითონ ადამიანებზეც არის დამოკიდებული. ტექნიკური პროგრესი, ნივთების სიუხვეთან ერთად, თავისუფალი დროის ზრდასაც იწვევს. მის შედეგად გაიზარდა, აგრეთვე, იმ

16 ა. ჩეხოვი. მოთხრობები. „ნაკადული“, თბ., 1974, გვ. 421—422.

ადამიანთა რიცხვი, რომლებიც მოხმარებისა და დასვენების სფეროებს ემსახურებიან. ყოველივე ეს ბიძგს აძლევს ადამიანთა ყურადღების გადატანას დასვენებაზე, მოხმარებაზე, გართობაზე, აძლიერებს მათში მომხმარებლურ მისწრაფებებს. ადამიანთა ბუნებრივი მოთხოვნილებების დაკმაყოფილება, მათი უზრუნველყოფა ნორმალური კვებით, საცხოვრებელი ბინებითა და აუცილებელი ნივთებით იოლად გადასაწყვეტი ამოცანა არ არის, მაგრამ არც გადაუჭრელია. უფრო ძნელ ამოცანას ის ქმნის, რომ ადამიანებს აქვთ, აგრეთვე, ხელოვნური, ე. წ. პრესტიჟული მოთხოვნილებები და სწორედ მათი დაკმაყოფილებისათვის ბრძოლაა დაუსრულებელი პროცესი. როდესაც საგანი ადამიანის ბუნებრივ მოთხოვნილებას აკმაყოფილებს, მაშინ მისი ნივთიერი ფორმა მის დანიშნულებას ექვემდებარება, ხოლო როდესაც იგივე საგანი პრესტიჟულ მოთხოვნილებას პასუხობს, მაშინ წინ სწორედ მისი ნივთიერი ფორმა წამოიწევს. ის დაფასებულია სწორედ როგორც ნივთი, თუნდაც მოსახმარად ნაკლებად მოსახერხებელი იყოს. ესეც ხელს უწყობს ნივთების კულტს, რომელსაც მატერიალური სიმდიდრის ზრდა თავისთავად ვერ მოსპობს, პირიქით, მან შეიძლება კიდევ გააძლიეროს ის.

ტექნიკურ პროგრესზე იმ იმედსაც ამყარებენ ხოლმე, რომ მისი წყალობით გაიზრდება შრომის ნაყოფიერება და ამით ცხოვრების დონეც. მაგრამ შრომის ნაყოფიერების ზრდა და ადამიანთა მიერ შექმნილი დოვლათი, თავის მხრივ, დამოკიდებულია შრომის ორგანიზაციაზე, ადამიანთა დაინტერესებაზე, მათი შრომის წახალისების ფორმების გამოყენებაზე და სხვ., რაც ამ სფეროში უარყოფითი მოვლენების დაძლევის გულისხმობს. ასე რომ უარყოფითი მოვლენები თავისთავად კი არ მოისპობა შრომის ნაყოფიერების ზრდის შედეგად, არამედ მათი დაძლევა თვითონ არის ტექნიკური პროგრესის ერთ-ერთი პირობა.

როცა ამბობენ, უარყოფითი მოვლენების დაძლევის მთავარი საშუალება ეკონომიკის განვითარებააო, ამით ადამიანები პასუხისმგებლობას თავიდან იცილებენ და სიძნელის დაძლევის სხვას აკისრებენ. ასეთსავე განწყობილებას გამოხატავს შეხედულება, რომელიც უარყოფით მოვლენებთან ბრძოლას მხოლოდ სამართლებრივი და ადმინისტრაციული დაწესებულებების საქმედ თვლის. მიეცით მილიციას ფართო უფლებები და მოქმედების ინსტრუქცია, გააუშვებთ მისი მუშაობა და მაშინ არც ერთი ქურდი და არამზადა აღარ გაიჭაპანებსო, წერდა ერთი გაბრაზებული მკითხველი.

საკმაოდ გავრცელებულია ის აზრი, რომ კანონების სიმკაცრე ყველაზე ნაღდი საშუალებაა ყოველგვარი ბოროტების აღსაქვეთად. ობივტელს ჰგონია, რომ თუ ქურდსა და ავაზაკს საქვეყნოდ ჩამოახრჩო-

ბენ ან ხელს მაინც მოჰკვეთენ, სხვა შეშინდება და ავკაცოთას უკლა, გაბედაეს. ამგვარი სიმკაცრის მოთხოვნა სამართალზე გარკვეულ წარმოდგენას ემყარება: ის მხოლოდ საზოგადოებრივი უშიშროების უზრუნველყოფის საშუალებად არის მიჩნეული. მაგრამ კანონმდებლობა, რომელიც მხოლოდ საკუთარი უშიშროების უზრუნველყოფას ისახავს მიზნად, როგორც მარქსი ამბობს, კერძო ინტერესებს იცავს; ის კანონს გადააქცევს ვირთაგვების დამპყრად, რომელიც მხოლოდ მღრღნელების მოსპობაზე ფიქრობს — ვირთაგვების დამპყერი ხომ ბუნებისმეტყველი არ არის, ვირთაგვებში ის მხოლოდ მავნებლებს ხედავს. სასჯელმა კი დანაშაულზე უფრო მეტი ზიზღი არ უნდა გამოიწვიოს, დანაშაულისათვის სირცხვილი კანონისათვის სირცხვილად არ უნდა გადაიქცეს.¹⁷

როდესაც სიმკაცრის გზით მხოლოდ საკუთარი უშიშროების დაცვას ისახავენ მიზნად, ამით საზოგადოებას ადამიანებად და არაადამიანებად ყოფენ. ბოროტმოქმედება ზოგჯერ, მართლაც, იმდენად საზარლად არაადამიანურია, რომ ძნელია მისი ჩამდენის მიმართ არ გაამართლო ალიოშა კარამაზოვის წამოძახილი: დახვრეტა! ასეთი დანაშაულის მიმართ კანონი მკაცრია და ულმობელი. მაგრამ ასეთ შემთხვევაშიც კანონი არ უნდა მოქმედებდეს შურისძიებითა და შეილოკის პრინციპით: „ვენ არ ცდილობს მოსპოს თავისი სიძულვილის საგანი?“ სისასტიკე, ამბობდა მარქსი, დამახასიათებელია კანონებისათვის, რომლებიც სიმხდალით არის წაქარნახევი, ვინაიდან სიმხდალე ენერგიული მაშინ შეიძლება იყოს, თუ ის სასტიკი იქნება!¹⁸ რაც არ უნდა მიიმე იყოს დანაშაული და როგორი მკაცრი განაჩენიც არ უნდა გამოგვეჩინდეს, მაინც უნდა გვახსოვდეს, რომ ადამიანს ესჯით. რამდენად განსხვავებულიც არ უნდა იყოს მოსამართლის საზოგადოებრივი მდგომარეობა იმათი მდგომარეობისაგან, რომელთაც ის სასამართლოს წინაშე უხმობს, წერდა ა. კონი, როგორ უმწიკვლოდაც არ უნდა თვლიდეს ის თავის თავს არა მარტო ფორმალური, არამედ აგრეთვე ზნეობრივი თვალსაზრისით, მის სულში უნდა ისმოდეს, როგორც მთელ გარესამყაროსთან კავშირის ცოცხალი შეხსენება, ბრამინების მშვენიერი განოთქმა: „tat twam asi!“ — ესეც შენა ხარ, შენ — როცა ლაეცი, შენ უბედურებაში, შენ — უმეცრებაში, სიღატაკესა და ცდომილებაში. შენ — ვნებათა ხელში!¹⁹

კანონების სიმკაცრე არ არის საზოგადოების სიძნელეების დაძლევის უებარი საშუალება, მაგრამ, ცხადია, ეს იმას არ ნიშნავს, რომ მა-

¹⁷ К. Маркс и Ф. Энгельс. Соч., т. I, с. 401.

¹⁸ იქვე, გვ. 133.

¹⁹ А. Ф. Конн. Собр. соч., в восьми томах, т. 4, М., 1967, с. 51.

თი ლმობიერება უშველის საქმეს. კანონი დამნაშავესაც პიროვნებად უნდა ცნობდეს, მაგრამ მით უფრო არ უნდა უგულვებლყოფდეს ის ადამიანს, რომელიც დანაშაულით ზარალდება. თუ კანონი, მაგალითად, არ ითვალისწინებს იმას, რომ გარკვეული საქციელი, თუნდაც ვაუფრთხილებლობა, ადამიანის სიცოცხლეს საფრთხეში ადგებს, საზოგადოებამ უნდა იზრუნოს იმაზე, რომ კანონი სრულყოფს და უფრო მკაცრი სასჯელი დააწესოს ამგვარი მოქმედებისათვის. არ შეიძლება, კერძოდ, სამართლიანად არ მივიჩნიოთ ის მოთხოვნა, რომ გაძლიერდეს პასუხისმგებლობა არაფხიზელ მდგომარეობაში ავტომანქანის მართვისათვის. ამგვარი საქციელი ხომ საავტომობილო მოძრაობის დღევანდელი ინტენსივობის პირობებში ყოველ წუთს ადამიანის სიცოცხლეს ემუქრება და მისადმი ლმობიერება ადამიანის, მისი სიცოცხლის გაუფასურებას შეუწყობდა ხელს.

როდესაც სამართლის ერთადერთი პრინციპი საზოგადოების უშიშროების უზრუნველყოფაა, მაშინ გამართლებულია წესი — ჯობს ზოგიერთი უდანაშაულო დაიასჯოს, ოღონდ ნამდვილი დამნაშავე არ დარჩეს დაუსჯელი, და, პირიქით, კანონის ჰუმანურობას გამოხატავს წესი, როცა ეკვი ბრალდებულის სასარგებლოდ განიზარტება, ე. ი. როცა თვლიან, რომ ჯობს დამნაშავე გამართლდეს, ვიდრე უდანაშაულო დაიასჯოს. სამართლიანად ამბობდა ილია: „ადამიანის ღირსება, პატიოსნება, სინდისი, მისი ზნეობითი და ძვირფასი კუთვნილებაა და თითოეული ადამიანისაგან ის პატივცემული უნდა იყოს, ვიდრე ცხადი, უცილო, უტყუარი საბუთი არ გვექნება ხელში, რომ იგი კუთვნილებას სხვის სავენებლად ხმარობს“.

ადამიანის ღირსებას პატივისცემა უნდა არა მარტო იმ აზრით, რომ სამართლებრივი სასჯელი არ უნდა დაედოს უდანაშაულოს. ასეთივე სიფრთხილეა საჭირო, როცა ადამიანს საზოგადოებრივად კიცხავენ. დასაფიქრებელია, მაგალითად, ის, თუ რამდენად არის გამართლებული საზოგადოებრივი გაიციხვის ის ფორმა, როცა ქუჩებსა და მოედნებზე ცალკეულ პიროვნებებზე კარიკატურებს ათავსებენ სამართლებრივ დანაშაულში თუ უზნეო საქციელში აღდგენ ბრალს და ამგვარად „ამათრახებენ“ მათ. ბუნებრივია ვიფიქროთ: თუ არსებობს იმის საკმარისი საბუთი, რომ ამ პიროვნებამ დანაშაული ჩაიდინა, რატომ სამართლებრივ პასუხისგებაში არ აძლევენ მას? ამის ნაცვლად სეირის მოყვარულთა წინაშე მათი გამომზეურება კი იმ შთაბეჭდილებას ტოვებს, რომ ჩვენ მხოლოდ არასარწმუნოდ ვიცით ის, რაშიც ადამიანს ბრალს ვდებთ, მაგრამ ამ ექვის გამოთქმა და ადამიანის დადანაშაულება არ გვიძნელდება.

საკუთარი თავის უშიშროებაზე ზრუნავენ დაწესებულებათა ხელმძღვანელებიც, რომლებიც ზედმეტ სიფრთხილეს იჩენენ და ცდილობენ სამუშაოდ მოწყობაზე უარი უთხრან სასჯელმოხდილებს და ამით კვლავ დანაშაულისაკენ უბიძგებენ მათ.

არსებობს კიდევ ერთი შეხედულება, რომელიც კანონიერების სრულყოფის გზას კანონების რაც შეიძლება მეტ დაწილაღებაში ხედავს. სასჯელის მიახლოებითი (5-10 წელი, მაგალითად) განსაზღვრა, ამ შეხედულების მიხედვით, მოსამართლეს საშუალებას აძლევს, თვითნებურად, ანგარების მიზნით გამოიყენოს კანონი. ასეთი შესაძლებლობა, მართლაც, არსებობს. მაგრამ არის თუ არა შესაძლებელი კანონების დეტალიზაციით დანაშაულის აფთიაქური სიზუსტით ვაზომევა? ადამიანი ხომ ინდივიდია, რომელსაც თავისი მიზნები, ცხოვრების პირობები აქვს, ყოველი დანაშაული სხვადასხვაგვარ სიტუაციაში ხდება და ყველაფრის გათვალისწინება კანონში, როგორც არ უნდა დავაწილადოთ ის, შეუძლებელია. იმის იმედზე ყოფნა, რომ კანონების დაწილაღებით შესაძლებელი იქნება ავტომატურად მიეუყენოთ ის ყოველ დამნაშავეს, იმას ნიშნავს, რომ ადამიანს ავტომატად ვთვლით. „დანაშაულებრივი მდგომარეობის სწორი შეფასებისათვის, — წერდა ა. კონი, — არ შეიძლება არსებობდეს საერთო, ერთნაირად გამოსაყენებელი საზომი; სასჯელის მექანიკურად გამოყენება იმ მამოძრავებელი ძალების გაუთვალისწინებულად, რომლებმაც დანაშაული გამოიწვიეს, შემთხვევების უდიდესი რაოდენობისათვის დიდი უსამართლობა იქნებოდა“²⁰. ის წინადადება, რომ კანონების დაწილაღებით მოსამართლეთა თვითნებობა აღიკვეთოს, ახალი არ არის. ჯერ კიდევ მონტენი ითვალისწინებდა მას და უარყოფდა... „მე არ ვიწონებ, — წერდა ფილოსოფოსი, — იმ ადამიანის შეხედულებას, რომელიც კანონების დაწილაღების დახმარებით ვარაუდობს მოსამართლეთა თვითნებობის აღკვეთას — იმ გზით, რომ თითოეულ ჭრიჭინას თავის ქანდარას მიუჩენს“.

ეს, რა თქმა უნდა, ისე არ უნდა გავიგოთ, თითქოს კანონების სრულყოფა და ზოგჯერ დიფერენცირების ზრდა საჭირო არ იყოს. საქმე მხოლოდ იმას ეხება, რომ კანონების დეტალიზაცია უებარ საშუალებად არ ჩაეთვალოთ და მხოლოდ მის იმედზე არ ვიყოთ.

ადამიანის ცხოვრებაში არსებული უარყოფითი მოვლენების დასაძლევად მარტივი და უებარი საშუალებები თუ არ არსებობს, იქნებ რთული საშუალებების იმედზე მაინც შეიძლება ვიყოთ? მაგრამ სად არის ასეთი რთული და, ამავე დროს, ეფექტიანი საშუალებები?

რაიმე მოვლენის სირთულის აღნიშვნა იმასაც ნიშნავს, რომ მასზე, მის განვითარებაზე, მის წარმოშობასა და მოსპობაზე მრავალი ფაქტორი ზემოქმედებს. უარყოფითი მოვლენების სირთულეც ამგვარია: მხოლოდ ერთი რიგის, ვთქვათ, ეკონომიკური ან ადმინისტრაციული ღონისძიებებით, ისევე როგორც ცნობიერებაზე ზეგავლენით, გადამწყვეტ ზემოქმედებას ვერ მოეახდენთ მათზე. მაგრამ უარყოფით მოვლენებს, უწინარეს ყოვლისა, ადამიანთა გარკვეულ ღირებულებით ორიენტაციებად ვთვლით. ხოლო იმაში თითქოს შეთანხმებული ვართ, რომ ცნობიერების შესაცვლელად თვით ყოფიერება უნდა გარდაიქმნეს. ხომ არ ვიტყუებთ თავს, როცა ყურადღება ადამიანთა ცნობიერებაზე, მათ ფსიქოლოგიაზე გადაგვაქვს და, უწინარეს ყოვლისა, მეშინურ ფსიქოლოგიაზე ვცდილობთ ზემოქმედება მოვახდინოთ? სინამდვილეში ასე მარტივად არ არის ვითარება. ადამიანებმა თავიანთი ცხოვრება, ყოფიერება თვითონ უნდა გარდაქმნან და უნდა გარდაქმნან იმ აპოკანების შესაბამისად, რასაც მათი ცნობიერება ისახავს. მაშასადამე, ადამიანები ცხოვრებას ისე ვერ გარდაქმნიან, თუ არანაირად არ შეცვლიან თავიანთ ცნობიერებას. მეორე მხრივ, ადამიანები ცნობიერებაზე, ფსიქოლოგიაზე ზეგავლენას უმთავრესად განათლებითა და ქადაგებით კი არ ახდენენ, არამედ თვით ყოფიერების გარდაქმნის გზით. ყოფიერება კი მრავალი მხარისაგან შედგება, მრავალი მხარე ახდენს ზემოქმედებას ადამიანის ფსიქოლოგიაზე. ადამიანთა ყოფიერება არ დაიყვანება საზოგადოებრივ წყობილებაზე. ადამიანთა ფსიქოლოგიაზე ზემოქმედებას ახდენს ყოველდღიური ცხოვრების — შრომის, დასვენების და სხვ. — ორგანიზაცია, სახელმწიფოებრივი და საზოგადოებრივი დაწესებულებები, სოციალურ-ეკონომიკური და სოციალურ-კულტურული პოლიტიკა. ამასთან ადამიანის ცნობიერების ჩამოყალიბება იწყება გაცილებით უფრო ადრე, ვიდრე ის აქტიურ საზოგადოებრივ ცხოვრებაში ჩაებმებოდეს, და თითქმის მთავრდება იმ დროისათვის, როცა ის შრომით საქმიანობას იწყებს და საზოგადოებრივი როლების შესრულებას კისრულობს. ამიტომ ადამიანის ღირებულებითი ორიენტაციების ჩამოყალიბებისათვის გადამწყვეტი მნიშვნელობა აქვს სწავლა-აღზრდის პროცესს სკოლასა და ოჯახში.

• • •

ადამიანის ცნობიერების ჩამოყალიბება რომ დაბადებიდან იწყება, ეს დღეს ყველამ იცის. ამის შესახებ ბევრი თქმულებაც არსებობს. ერთ-ერთი მათგანი ასეთია: ბავშვი დაბადებიდან მე-15 დღეს მიუყვანეს აღმზრდელს, ამ უკანასკნელმა კი მშობლებს უთხრა, თოთხმე-

კი დღით დაგავვიანდათო. მომავალი თაობის აღზრდას ჩვენ, მშობლები, ვიწყებთ, ვართ კი ამისათვის მომზადებული? ცნობილი ექიმმა საზოგადოებრივი მოღვაწე ბენჭამინ სპოკი გვამშვიდებს: „ბავშვი აღზრდის მეთოდების კვლევამ იმ დასკვნამდე მიიყვანა, რომ რიგიანი მოყვარული მშობლები ალლოთი ირჩევენ აღზრდის საუკეთესო გადაწყვეტილებებს... საკუთარი რწმენა წარმატების საწინდარია“. მაგრამ ვართ კი „რიგიანი, მოყვარული მშობლები? და, რაც მთავარია, შემოგვჩა კი ალლო? თანამედროვე მშობლები ინფორმაციით იმდენად დატვირთულნი არიან, რომ ალლოსი ვიღას სჯერა! ინფორმაციის წყაროები კი სხვადასხვა რაიმეს ამბობენ ბავშვის აღზრდის თაობაზე. წარსულში მკაცრ, სპარტანულ აღზრდაზე ამყარებდნენ იმედებს და ამბობდნენ: „შვილი მტრულად გაზარდე, მოყვარად გამოგადგებაო“. დღეს შეხედულებები აღზრდაზე შეიცვალა და უფრო სიყვარულის იმედი აქვთ. დანაშაულებრიობის ზრდას ზოგიერთ ქვეყანაში იმასთანაც აკავშირებენ, რომ აქ დედები უმეტესად მონაწილეობას არ იღებენ ჩვილი ბავშვების გამოკვებასა და უშუალო მოვლაში, სიყვარულსა, და სითბოს აკლებენ მათ.

ბავშვის აღზრდას სიყვარული სჭირდება, მაგრამ სიყვარულიც არის და სიყვარულიც. ლეგენდარული პოლონელი ექიმი და პედაგოგი იანუშ კორჩაკი წერდა: „უგუნურმა სიყვარულმა შეიძლება გააწამოს ბავშვები. კანონმა ასეთი სიყვარულისაგან ბავშვი უნდა დაიცვას“. უგუნურ, თავდავიწყებულ ზრუნვას იქამდე მიყვავართ, რომ ან ყველაფრის ნებას გაძლევეთ ბავშვებს ან ყველაფერს ვუკრძალავთ იმის შიშით, რომ არაფერი შეემთხვეთ მათ: არ გაცივდნენ, არ წაიქცნენ და ა. შ. და ზშირად ერთსა და იმავე ბავშვს ვეჭკვევით ასე: ვასრულებთ მის ყველა კაპრიზს, თუ ეს მისი ჭანმთელობისთვის უვნებლად მიგვაჩნია, მკაცრ მორჩილებას მოვითხოვეთ, როცა კი გვგონია, რომ თუკი არ დაგვიჯერებს, ბავშვის ჭანმრთელობას ჩავაგდებთ საფრთხეში. „იმის შიშით, რომ სიკვდილმა არ წაგვართვას ბავშვი, ჩვენ ბავშვს სიცოცხლეს ვართმევთ; მის სიცოცხლეს დავკანკალებთ და არ ვაძლევეთ მას საშუალებას იცხოვროს“ — წერდა ისევე კორჩაკი. ერთიცა და მეორეც — ზედმეტი ღმობიერებაც და ზედმეტი სიმკაცრეც, მით უფრო, თუ ერთი დი იგივე ბავშვის მიმართ ვიჩინებ მათ — ზრდის მათში ეგოცენტრიზმსა და, ამავე დროს, მშობლების წინააღმდეგ განაწყობს, ხოლო თუ ბავშვმა მშობლმა სიყვარული არ ისწავლა, როგორღა ისწავლის სხვა ადამიანების სიყვარულს?

უგუნური სიყვარული, ბავშვის ჭანმრთელობაზე ზრუნვის დროს რომ ვიჩინებ, ჭერ კიდევ მთელი უბედურება არ არის. უარესი ის არის. რომ ბავშვის მომავლის განსაზღვრას ჩვენი აკვიტებული შეხე-

დღეების მიხედვით ვცდილობთ. ჩვენ იმით ვამაყობთ და შეიძლება საფუძვლიანადაც, რომ ჩვენში დიდია უმალლესი განათლების მქონე ადამიანთა ზვედრითი წილი. მაგრამ ალბათ არ არის საამაყო ის, რომ ასე გავრცელებულია მეშჩანური წარმოდგენა უმალლეს განათლებაზე. ბავშვობიდანვე ვამზადებთ შვილებს იმისი რწმენით, რომ უმალლესი განათლების გარეშე დარჩენა კატასტროფაა. ფენს როგორც კი აიდგამს ბავშვი, მაშინვე სტუდენტობის და, შეიძლება, ასპირანტობისა და პროფესორებისთვის ვამზადებთ. წლებზე ფენს ვიდგამთ, ბავშვს ყველაფრისგან ვათავისუფლებთ. ყველა საგანში რეპეტიტორებს ვპირაობთ, ყველაფერზე მზადა ვართ წავიდეთ, ოღონდ ბავშვი „მოვწყობთ“. ამის შემდეგ არ უნდა გავიკვიროთ, თუკი ბავშვის თავს სამყაროს ცენტრად წარმოიდგენს, და თუ მშობლები მთელ ცხოვრებას ბავშვის ამგვარი მომავლის უზრუნველყოფას დაუმორჩილებენ, ისინიც ამას ბუნებრივად მიიჩნევენ და მშობლების ღირებულება არ შეიძლება მათ თვალში არ დაეცეს.

ბავშვებს როცა უმალლესი განათლებისათვის ვამზადებთ, ვემყარებით გავრცელებულ აზრს ყველა ბავშვის ნიჭიერების შესახებ. ეს აზრი, ალბათ, სწორია, მაგრამ ნიჭიერება ხშირად ვიწროდ გვესმის და ყველა ბავშვისაგან ერთნაირ ინტერესებსა და ყველა საგანში ერთნაირ სიბეჭითეს მოვითხოვთ. აქაც მეშჩანური მსოფლმხედველობა გვშეულის. მეშჩანს, წერს კორჩაკი, ძალზე მაღალი წარმოდგენა აქვს ადამიანის ძლიერებაზე: კარტოფილის მოსავალი თუ არ მოვიდა, მაინც მისი შოვნა შეიძლება, ოღონდ მეტი უნდა გადაიხადო; ზამთარია — შუბას ჩაიცივამს, წვიმა — კალოშებს, გვალვა — ქუჩებს მორწყავენ, მტვერი რომ არ იყოს. ყველაფერი შეიძლება იყიდო, ყველა გაჭირვებას ეშველება. ბავშვი თუ ფერმკრთალია, ექიმს დაეუძახებთ, თუ ცუდად სწავლობს, რეპეტიტორებს დაუქირავეთ, დიახ, ხშირად იმედი აქვთ, რეპეტიტორის დახმარებით არა მარტო მოამზადონ ბავშვი, არამედ შეცვალონ კიდევ მისი ინტერესები.

როცა ბავშვს უმთავრესად უმალლესი სასწავლებლისთვის ვამზადებთ, ადამიანის ღირსებაზე გავრცელებული შეხედულებით, ჩვენი საუკუნის იდეალებით ვხელმძღვანელობთ. წარსულში გამოჩენილი ადამიანები ან თავიანთი მდგომარეობით იყვნენ გამოჩენილი — მეფეებად და იმპერატორებად იყვნენ დაბადებული, ან ითვლებოდა, რომ ღვთაებრივი ნიჭით იყვნენ დაჯილდოებული. ახლა მეფეებს, იმპერატორებსა და შაჰებს უკანასკნელი საყრდენი ეცლებათ, ხოლო ღვთაებრივი მაღლისა ცოტა ვინმეს თუ სჯერა, მაგრამ ყველას უნდა სახელი გაითქვას, მით უფრო, რომ სახელის მოხვეკის საშუალებები გაფართოვდა: რუსთაველი და ნიუტონი თუ არ გამოვა კაცისგან,

შეიძლება მარაკანას სტადიონზე, ჭადრაკის დაფასთან ან ესტრადის სცენაზე გაითქვას სახელი. და, ამ, ჩემპიონობასა და „ეარსკვლავებზე“ ფიქრებით და ოცნებით მოცულებს გვინდა, ჩვენი შეილებიც მხოლოდ სახელგანთქმული ვიხილოთ და ოცნების ხორცშესხმას ვცდილობთ. წარმავალი მოდაა, — წერდა ი. კორჩაკი, — შეცდომაა, უგუნურებაა ის წარმოდგენა, რომ ყველაფერი, რაც გამოჩენილი არ არის, წარუმატებელი და მცირე ღირებულების გეგონია. ჩვენ უკვდავებითა ვართ დაავადებული. ვინც ვერ ამაღლა მოედანზე მღვარ ძეგლამდე, იმას სურს თუნდაც თავისი სახელობის შესახვევი ჰქონდეს... სინამდვილეში თამბაქოს ახალ სახეობასა და ახალი მარკის ღვინოს სჭირდება სახელის განთქმა, ადამიანებს კი ეს არ სჭირდებათ“²¹. ამგვარ იდეალებს მარტო ის ზიანი კი არ მოაქვთ, რომ ცხოვრებაში მათი შეჭახების შედეგად ახალგაზრდობაში მძიმე განცდების მიზეზი შეიძლება გახდნენ, არამედ უფრო ის, რომ ისინი გარკვეულ ორიენტაციას აძლევენ ახალგაზრდებს, მათი ყურადღება გადააქვთ არა იმაზე, თუ რა უნდა გააკეთონ მათ, არამედ იმაზე, რომ სახელი უნდა მოიპოვონ, გამოჩენილი, გამორჩეული გახდნენ და სხვებს გაუსწრონ. შეიძლება ეს უცნაური ჩანდეს, მაგრამ ადამიანის ღირსებაზე ამგვარი წარმოდგენაც ადამიანებს ერთმანეთს უპირისპირებს.

ოჯახისა და ბავშვის ურთიერთობა კიდევ ერთ საყურადღებო მხარეს შეიცავს. როდესაც კერძო საკუთრებაა საზოგადოებრივი ცხოვრების საფუძველი, სოციალური უთანასწორობაც საზოგადოებრივი ცხოვრების აღიარებული პრინციპია. გაბატონებული კლასის მოწინავე ოჯახები ასეთ პირობებში თავიანთ ბავშვებს ზრდიდნენ იმ სულისკვეთებით, რომ მათ ღარიბებისადმი თანაგრძნობა და დახმარებისათვის მზადყოფნა გამოეჩინათ. რა თქმა უნდა, ქველმოქმედება სოციალურ პრობლემას ვერ წყვეტდა, მაგრამ ამგვარ აღზრდას დაღებიანი მნიშვნელობა ჰქონდა: ის ბავშვში კაცთმოყვარეობას, თანაგრძნობას აღვიძებდა. ჩვენი საზოგადოების ცხოვრების პრინციპი სოციალური თანასწორობაა და მატერიალური უთანაბრობა აღარ წარმოიდგინება როგორც სოციალურ უთანასწორობაზე დამყარებული უსამართლობა. ამიტომ თითქოს აღარ არსებობს საფუძველი ქველმოქმედებისა და ღარიბისადმი თანაგრძნობის გამოჩენისათვის. და იქმნება უცნაური ვითარება: იქ, სადაც სოციალური უთანასწორობაა ცხოვრების საფუძველი, იმით ამყობენ, რომ მათ საზოგადოებაში ძნელად გასარჩევია ჩაცმულობითა და ცხოვრების ყაღღით საწარმოს პატრო-

²¹ Я. Корчак. Избранные педагогические произведения. «Просвещение», М., 1966, с. 32.

ნი მუშისაგან, ხოლო მდიდართა შვილები არსებული ცხოვრების წესის წინააღმდეგ პროტესტის ნიშნად ფუფუნებაზე უარს ამბობენ და სადაც ცხოვრებისაკენ მიილტვიან, ხოლო ჩვენში, სადაც საზოგადოებრივი ცხოვრების პრინციპად თანასწორობაა აღიარებული, შეძლებითა და ძვირფასეულობით მოაქვთ თავი. ეს იწვევს სიმპათიის, თანაგრძობის ატროფიას. ღარიბისადმი „თანაგრძობის“ გამოჩენას ბავშვი მაშინღა ხედავს, როცა წყევლა-კრულის მიყოლებით ერთ-ორ გროუს გადაუგდებენ ხოლმე კარზე მომდგარ მათხოვარს, რათა რაც შეიძლება მალე მოიცილონ უსიამოვნო „სტუმარი“.

ოჯახში ჩვეულებრივ ბავშვების ფიზიკურ აღზრდაზე და სწავლაზე ზრუნავენ და გვიანღა შეამჩნევენ ხოლმე ეგოიზმისა და უზნეობის გამოვლენებს მათ საქციელში. სკოლა მიზნად ისახავს როგორც გონებრივ, ისე ზნეობრივ აღზრდას, მაგრამ ის მაინც უფრო სწავლებაზეა ორიენტირებული, ვიდრე ზნეობრივ აღზრდაზე. მიუხედავად ზოგადად ზნეობრივი აღზრდის მნიშვნელობის აღიარებისა, პრაქტიკულად სკოლის ძირითად მიზნად ცოდნა გვევლინება და არა ზნეობრივი მრწამსის გაზომუშაება. ამას ისიც უწყობს ხელს, რომ ცოდნის შეფასება უფრო ადვილია, ვიდრე ბავშვის ზნეობრივი განვითარებისა. ამის შედეგად აკადემიური წარმატება მოსწავლის ღირსების ერთადერთი საზომია.

რა თქმა უნდა, ცოდნა და ზნეობა ერთმანეთს არ უპირისპირდებიან: სწავლისადმი დამოკიდებულებაში ბავშვი თავის ზნეობრივ სახესაც ავლენს — ცოდნისადმი, სწავლისადმი დამოკიდებულება მოსწავლისათვის შრომისადმი, საზოგადოებისადმი დამოკიდებულებაც არის. მაგრამ ცოდნა მაინც არ უნდა გვევლინებოდეს მოსწავლის ღირსების საზომად. ნიშნების ფურცელი არ შეიძლება მოსწავლის ღირსების მოწმობად მივიჩნიოთ, რადგან არსებობს აღამიანის ბევრი მხარე, რომელიც მასში ვერ აისახება. როდესაც ბავშვის შეფასების ერთადერთ კრიტერიუმად მის მიერ მიღებული ნიშანი ხდება, მაშინ მოსწავლეს, რომელიც მალალ შეფასებებს არ იღებს, არასრულფალოვნად მიიჩნევენ. მოსწავლეთა აკადემიური წარმატების ამაღლების მიზნით ზოგჯერ ამ წარმატებასთან აკავშირებენ იმას, რომ მოსწავლეებს მისცენ თუ არა, მაგალითად, სპორტულ სექციებში მონაწილობის უფლება. ეს, ჭერ ერთი, ზღუდავს ბავშვის შესაძლებლობათა გამოვლენის სფეროს და მას უზიძგებს სხვა სფეროში, კერძოდ დეზორგანიზაციაში ეძიოს თავისი მეობის გამოვლენის საშუალება და, მეორეც, ის საექვვოდ ხდის ცოდნის შეფასების არსებული სისტემის ღირებულებას: თუ, მაგალითად, შეფასება „3“ დამაკმაყოფილებელს ნიშნაქს და ის ხელს არ უშლის კლასისა და სკოლის დამთავრებასაც, გაუგებარაა,

რატომ უნდა იყოს ის მოსწავლის მიმართ „დისკრიმინაციული“ დამოკიდებულების საფუძველი. აღზრდის საფუძველი კი მოსწავლის პიროვნების პატივისცემა უნდა იყოს. „როდესაც არა გრძნობს პატივისცემას მოზრდილი ადამიანის მხრივ და ვერ ასაბუთებს თავის ზნეობრივ ღირსებას, — წერდა ცნობილი საბჭოთა პედაგოგი ვ. სუხომლინსკი, — ბავშვი ეძებს, რითი შეახსენოს სხვებს თავი და ხშირად საძრახისი საქციელით გვახსენებს ხოლმე თავს“, „ნამდვილი ადამიანი რომ გახდეს მოსწავლე, უწინარეს ყოვლისა, თავის თავს უნდა სცემდეს პატივს, ამ პატივისცემის გარეშე, თავის თავში სიღამაზის სიყვარულის გარეშე, წარმოუდგენელია ადამიანური კულტურა, შეუწყნარებლობა ყველაფრისადმი, რაც კი ამცირებს ადამიანს“²². ასეთი პატივისცემა კი ბავშვმა არ შეიძლება იგრძნოს იქ, სადაც მას დასცინიან, უმტკიებენ, რომ ის უქნარაა, „ტორიჩელის სიცარიელეა“, უყვირიან. „ყვირილი — ეს ადამიანური ურთიერთობის არარსებობის ყველაზე უტყუარი ნიშანია. მასწავლებლის ყვირილი აოგნებს, თავზარს სცემს ადამიანს“, — წერდა სუხომლინსკი.

ცოდნაზე და, სახელდობრ, თეორიულ ცოდნაზე ორიენტაცია იმაშიც ვლინდება, თუ რამდენად ჩამორჩენილია დღეს ჩვენს სკოლაში შრომითი სწავლება და შრომითი აღზრდა. ის, რაც ჩვენი სკოლების უმრავლესობაში შრომითი სწავლების გაკვეთილების სახით ტარდება, არსებითად ისევ თეორიული სწავლაა და ის ვერც შრომას შეასწავლის ბავშვებს, ვერც შრომის სიყვარულს. ასევე მეორეხარისხოვანი ადგილი უკავიათ დღეს სკოლაში (სპეციალური სასწავლებლების გარდა) ესთეტიკურ და ფიზიკურ აღზრდას.

ორიენტაცია მხოლოდ ცოდნის გადაცემაზე თავს იჩენს თვით სწავლების პროცესშიც. მოსწავლეებს მასალის შეთვისება რომ გაუადვილონ, ხშირად ისე აქუცმაცებენ მას, რომ მოსწავლეს ეკარგება მთლიანობა, კერძოდ მხატვრული ნაწარმოების მთლიანობა, მისი მსოფლმხედველობრივი და ზნეობრივი მნიშვნელობა. საქმე ზოგჯერ ისეთ კუროსამდე მიდის, რომ, როგორც ჩვენს პრესაში იყო აღნიშნული, ერთ-ერთი სახელმძღვანელოს ავტორები მოსწავლეებს ავალებენ, ამოიკნონ, ლექსის რომელ სტრიქონებში ამჟღავნებს პოეტი თავის პატრიოტიზმს. ასე ჰყოფენ მწერლის შემოქმედებას პატრიოტულ ნაწარმოებებად და სოციალური შინაარსის მქონე ნაწარმოებებად. ამ ლოგიკით პატრიოტულია, მაგალითად, ილიას „ყვარელის მთებს“, „მას აქეთ, რაკი შენდამი ვცან მე სიყვარული“, „ჩემო კარ-

²² В. А. Сухомлинский. О воспитании. Изд-во полит. лит-ры, М., 1973, с. 28—29.

გო ქვეყანავ“ და სხვ. ხოლო „კაცია-ადამიანი?!“, „ოთარანთ ქერივი“, „გლახის ნამბობი“ მხოლოდ სოციალურ მოტივებს აშქვავებენ. სინამდვილეში განა სოციალურ უსამართლობას, ერის სოციალურ წყლულებს რომ ებრძოდა, ამით მწერალი პატრიოტულ საქმიანობას არ ეწეოდა? განა მართალი არ იყო გოეთე, როცა ამბობდა: „პოეტს როგორც ადამიანსა და მოქალაქეს უყვარს სამშობლო. მაგრამ მისი პოეტური შემოქმედებისა და მისი პოეტური მოღვაწეობის სამშობლო არის სიკეთე, კეთილშობილება, სილამაზე, რომლებიც არ არიან დაკავშირებული არც ერთ რომელიმე პროვინციასთან, არც ერთ გარკვეულ ქვეყანასთან; ის მათ აღიქვამს და გამოხატავს ყველგან, სადაც პოულობს მათ.

და, ბოლოსდაბოლოს, რას ნიშნავს იქცეოდე პატრიოტულად; თუ პოეტი მთელი თავისი სიცოცხლის განმავლობაში ცდილობს ებრძოდეს მანვე ცდომილობებს, დასძლიოს გონებაშეზღუდული შეხედულებები, გაანათლოს თავისი ხალხის გონი, დახვეწოს მისი გემოვნება და გააკეთილშობილოს მისი შეხედულებები და გრძნობები, რა შეიძლება მან ამაზე კარგი გააკეთოს? და შეიძლება თუ არა მან რაიმე უფრო პატრიოტული აკეთოს?“

• • •

პიროვნების ღირებულებითი ორიენტაციების ჩამოყალიბებისათვის ბავშვობისა და ახალგაზრდობის პერიოდს გადაწყვეტი მნიშვნელობა აქვს. კ. უშინსკის მიაჩნდა, რომ ადამიანის მსოფლმხედველობა უმთავრესად 16—23 წლების ასაკში ყალიბდება. მაგრამ ამის შემდეგაც პიროვნების მსოფლმხედველობა უცვლელი არ რჩება. გარდა ამისა, პიროვნების ჩამოყალიბებული თვისებებიც სხვადასხვანაირად შეიძლება გამოვლინდეს. ერთი და იგივე თვისება, ვთქვათ ეგოიზმი, შეიძლება გამოვლინდეს სხვისი წუხილისადმი გულგრილობაში და შეიძლება, თუკი საზოგადოებაში სიტყვა ქურდმა „უარყოფითი დაკარგა ეღერა“, სხვისი ქონების მითვისებასა და სხვისი სიცოცხლის მოსპობაშიც გამოამჟღავნდეს.

ის, თუ როგორ ქცევაში გამოვლინდება ადამიანის ღირებულებითი ორიენტაციები, დამოკიდებულია საზოგადოებრივი ცხოვრების ორგანიზაციაზე, კულტურის განვითარების დონეზე, საზოგადოებრივ აზრზე და, რა თქმა უნდა, საზოგადოების ხელმძღვანელი ორგანიზაციების თანამიმდევრულ საქმიანობაზეც. უარყოფითი ღირებულებითი ორიენტაციების დაძლევის პროცესიც საზოგადოებრივი ცხოვრების მრავალ მხარეზეა დამოკიდებული.

როდესაც უარყოფით მოვლენებზე ლაპარაკობენ, უწინარეს ყოვლისა, ვაჭრობისა და საყოფაცხოვრებო მომსახურების სფეროები აქვთ ხოლომე მხედველობაში. ამ სფეროებში, მართლაც, მეტი შესაძლებლობებია ქურდობის, გადაყიდვის, ხალტურისათვის. მაგრამ ესეცა: უწესრიგობას ვაჭრობისა და კომუნალური მომსახურების სფეროებში ყველა ხელავს, ხოლო დარღვევებს სამრეწველო საწარმოებში თუ დაწესებულებებში უცხო თვალი ვერ ამჩნევს, ვიდრე ისინი სასამართლო პროცესმა არ გამოაწვეურა. ასეა თუ ისე, ამ სფეროებში უარყოფითი მოვლენების გავრცელებულობა ექვეს არ იწვევს, ოღონდ საჭიროა მათი ყველა მიზეზის შესწავლა და მათთან ბრძოლის გონივრული გზების გამოანახვა. ამ მოვლენებთან ბრძოლა რომ ყველას საქმეა, ეს სწორი აზრი იმისთვის არ უნდა გამოვიყენოთ, რომ ეს ბრძოლა მოლარეებსა და გამყიდველებთან აყალ-მაყალზე დავიყენოთ.

რამდენიმე წლის წინ ერთ-ერთ ცენტრალურ გაზეთში გამოქვეყნდა ქ. სვერდლოვსკის ერთ-ერთი მსხვილი გასტრონომის ყოფილი დირექტორის წერილი. მასში დახასიათებული იყო ის რთული პირობები, რომლებიც უარყოფით მოვლენებს უწყობდნენ აქ ხელს. ქალაქის ვაჭრობის ქსელში მომარაგების საქმე ისე იყო მოწყობილი, რომ თუ ნაცნობები არ ეყოლებოდა შესატყვის უწყებებაში მაღაზიის გამგეს, არაეის შისცემდა ქრთამს, ისე საჭირო პროდუქტებით არ მოამარაგებდნენ მაღაზიას და ის გეგმას ვერ შეასრულებდა. საქონლის მოტანა და გადმოტვირთვაც მაღაზიებს თვითონ უნდა ეკისრათ და რადგან საამისოდ მათ მტვირთავეები არ ჰყავდათ, კერძო პირებს უნდა შეთანხმებოდნენ, რომლებიც სახელმწიფოს ნიხრით ანაზღაურებას არ სკერდებოდნენ და დეფიციტურ საქონელს მაინც მოითხოვდნენ დამატებით გასამრჯელოდ, ასეთ საქონელს კი ისევე ქრთამი სჭირდებოდა. ასეთ პირობებში მომმარაგებლებისთვის მიცემული ხარკი ისევე მომხმარებლისაგან უნდა აკრეფილიყო. როცა ამგვარი ვითარებაა, მხოლოდ კონტროლის გაძლიერება და მოქალაქეთა „შეგნების“ იმედზე ყოფნა საქმეს არ უშველის. ხოლო ამგვარი ნაკლოვანებანი ვაჭრობისა და მომსახურების სფეროში საქმაოდ ფართოდ არის გავრცელებული²³ და მათი დაძლევისათვის აუცილებელია შრომის ორგანიზაციისა და მომარაგების სისტემის გაუმჯობესება. კონტროლთან ერთად და ალბათ მასზე უფრო მეტად ამ სფეროში ეფექტიანი იქნება მუშაობისა და შრომის ანაზღაურების პროგრესული მეთოდების დანერგვის დაჩქარება, ტექნიკური აღჭურვის გაუმჯობესება და სხვ.

²³ მათზე ჩვენშიც წერდნენ (იხ. გაზ. „თბილისი“, 1976 წ. 22 მარტი).

კონტროლის მნიშვნელობა, რა თქმა უნდა, არ შეიძლება დავამ-
ციროთ, მაგრამ ჩვენი მთავარი მიზანი ის კი არ უნდა იყოს, რომ კონ-
ტროლისა და დასჯის შიშით არ ხდებოდეს დარღვევები, არამედ ის,
რომ თვით ღირებულებით ორიენტაციებში მოხდეს გარდატეხა, რომ,
ბოლოსდაბოლოს, მომხმარებლის მოტყუება აღამიანებმა ქურდობად
მიიჩნიონ. ხოლო ქურდობა სირცხვილად. დღეს ეს თუ ასე არ არის,
დღეს თუ აშკარად იმართლებენ ხოლმე თავს იმით, რომ „ყველა ქურ-
დობს“, ეს ვითარება ბევრ რაიმეს ემყარება: სახლში, სადაც ვაჭრო-
ბისა თუ მომსახურების მუშაკი შესახლდა, ის ხედავს, რომ აქაც ყვე-
ლაფერი წესრიგში როდი დახვდა, მასაც აშკარად ატყვია „ხალტუ-
რის“ კვალი. ექიმთან რომ მიდის, საავადმყოფოში რომ უხდება დაწო-
ლა, აშკარად ხედავს, რომ მისი მომსახურების ღონეც არაიშვიათად
მის მიერ მიცემულ დამატებით გასამრჩელოზე დამოკიდებული; ბავშვს
რომ კარგად ასწავლოს და უმაღლეს სასწავლებელში მისი ჩარიცხვა
ჰქონდეს გარანტირებული, რეპეტიტორები უნდა დაიქირავოს, მაშასა-
დამე, მსჯელობს ის, მასწავლებლებიც ახალტურებენ თავის საქმეს,
რომ აღარაფერი ვთქვათ იმაზე, რომ არაიშვიათად აქაც ხდება პირდა-
პირი გამოძალვის ფაქტებს. ასე რომ, უარყოფითი მოვლენების გავრ-
ცელების მთავარ სფეროებად ვაჭრობისა და მომსახურების სფეროებს
რომ მივიჩნევთ, იქნებ ჩვენ საცხებით მართალნი არა ვართ და იქნებ
ამ მოვლენების დაძლევისათვის ყურადღება, უწინარეს ყოვლისა, სხვა
სფეროებზე უნდა გადავიტანოთ. ალბათ ყველაზე ნაკლებ ეფექტიანია
ის ღონისძიება, რასაც ზოგიერთი მეტად დიდ მნიშვნელობას ანიჭებს:
ყურადღებისა და კონტროლის გადატანა თვით მომხმარებელზე, რო-
მელიც საეკო „გულუხვობას“ იჩენს და ამით აქეზებს ვაჭრობისა
და მომსახურების წესების დამრღვევს. აქაც „ეჭვი“ მხოლოდ ვარაუდის
საფუძველი შეიძლება იყოს და არ შეიძლება იმ დასკვნების გაკეთება,
რომ რაკი მომხმარებელი „გულუხვობას“ იჩენს, ის აუცილებლად „ნა-
ქურდალს“ ხარჯავს.

ასევე სატრანსპორტო მომსახურების სფეროში უარყოფითი
მოვლენების დასაძლევად არ შეიძლება ვიყოთ მხოლოდ კონტროლის
და მომხმარებლის შერაცხვის იმედზე, მათი „გულუხვობის“ გამო,
რასაც ისინი იჩენენ, მაგალითად, ტაქსით მათი მომსახურების დროს.
არც ი. ჭავჭავაძის „მგზავრის წერილების“ ცნობილი გმირის
მსგავსად შეიძლება ვიყოთ ჩვენი „ტექნიკური გენიის“ იმედზე და არ
უნდა ვიფიქროთ, თუ საქმეს ისე მოვაწყობთ, რომ კლიენტი აიღებს
ხურდას საგანგებო ყუთიდან, ამით გამოძალვასა და ხალტურას ამ
სფეროში აღარ ექნება ადგილი. სატრანსპორტო მომსახურებაში
უარყოფითი მოვლენების დასაძლევად უფრო დიდი მნიშვნელობა ექ-

წება იმ ფსიქოლოგიური ვითარების შეცვლას, რაც უარყოფით მო-
ვლენებს უწყობს ხელს. ავტომობილიზაციის სწრაფი განვითარება და
მაგისტრალების მშენებლობისა და რეკონსტრუქციის ჩამორჩენა სულ
უფრო მეტ სატრანსპორტო სიძნელებებს იწვევს დიდ ქალაქებში და,
უწინარეს ყოვლისა, ეს სიძნელებები საზოგადოებრივ ტრანსპორტს ექმ-
ნება. პიკ-საათებში საზოგადოებრივი ტრანსპორტის გადატვირთულობა,
ხოლო დამის საათებში ფაქტიურად მისი უმოქმედობა იმას იწვევს,
რომ ტაქსი არათუ უფრო მოსახერხებელი, არამედ ზოგ შემთხვევაში
ერთადერთი საშუალებაა მგზავრობისათვის. ასეთ ვითარებაში ადა-
მიანთა „ბედნი“ მძღოლების ხელშია. ეს ვითარება არავის ამართ-
ლებს, მაგრამ ვითარების გამოსასწორებლად მეტი მნიშვნელობა ექ-
ნება საზოგადოებრივი ტრანსპორტის მუშაობის გაუმჯობესებას —
მისი სიჩქარის, რეგულარულობის, კომფორტაბელურობის ზრდას,
ვიდრე მგზავრების შეგნებაზე ზემოქმედებას.

სატრანსპორტო პრობლემების გადაჭრა, რასაც მნიშვნელობა აქვს
უარყოფით მოვლენებთან საბრძოლველად, კომპლექსური ღონისძიე-
ბების განხორციელებას გულისხმობს. მათ შორის ქალაქმშენებლები
ყველაზე პერსპექტიულად მიიჩნევენ შემდეგს: ტრანსპორტის საზოგა-
დოებრივი სახეებისათვის, უწინარეს ყოვლისა, ავტობუსებისათვის,
პრიორიტეტული პირობების შექმნას; საზოგადოებრივი ტრანსპორტით
მგზავრობის კომფორტულობისა და სისწრაფის ზრდას; ქვეითად მო-
სიარულეთათვის პრიორიტეტის მინიჭებას სავაჭრო, სანახაობით
ცენტრებში; ქვეითად მოსიარულეთა ზონების კარგ მომსახურებას
საზოგადოებრივი ტრანსპორტით და სხვ.²⁴

24 В. А дом авичюс, В. Шештокас. Проблемы паркирования и
хранения легковых автомобилей в городах Литовской ССР. Вильнюс, 1977,
с. 4—5. იხ. აგრეთვე М. Кошак овский. Транспорт и проектирование цен-
тра города. М., Стройиздат, 1978, с. 31—32.

ქ. თბილისშიც გადაიღვა ნაბიჯები საზოგადოებრივი ტრანსპორტისათვის უპირა-
ტესობის მისანიჭებლად. საზღვარგარეთის ზოგიერთ ქალაქში სავანგებო ღონისძიებებს
იღებენ იმისათვის, რომ მანქანის მფლობელებმა ცენტრში მოძრაობის დროს საზოგა-
დოებრივი ტრანსპორტი არჩიონ. ქალაქის ცენტრებში ინდივიდუალური მანქანების
რაოდენობის შემცირება ახლა ყველა დიდი ქალაქის საზრუნავია. ეს თბილისზეც ითქ-
მის: მასში ხომ სატრანსპორტო გადაადგილებათა დიდი წილი მსუბუქ მანქანებზე
მოდის („საბჰოთა ხელოვნება“, 1973, № 5, გვ. 44).

ერთი შეხედვით, ამ ღონისძიებებს არავითარი კავშირი არ აქვთ უარყოფითი შოკლებების დაძლევასთან. მაგრამ ის, რაც ადამიანის ცხოვრებას უფრო გონიერულს ხდის, არ შეიძლება მის ცხოვრებაში უარყოფითის დაძლევასაც არ ემსახურებოდეს.

როდესაც არქიტექტორები ქალაქის რეკონსტრუქციის პრობლემებზე ფიქრობენ და ასეთი რეკონსტრუქციის ღრის ქვეითად მოსიარულეთათვის ზონების შექმნას აუცილებლად მიიჩნევენ²⁵, ისინი მართო სატრანსპორტო სიძნელებების გადალახვას როლი ისახავენ მიზნად, არამედ იმასაც. რომ შეიქმნას ქალაქის სატრანსპორტო მაგისტრალებისაგან რამდენადმე იზოლირებული არე, სადაც ადამიანებს შეეძლებათ ნერგული დაძაბულობისაგან ნაწილობრივ მაინც განთავისუფლდნენ და დასვენების, ესთეტიკური აღქმისა და ერთმანეთთან ურთიერთობისათვის გამოიყენონ ქუჩები და მოედნები. თანამედროვე დიდი ქალაქის მაცხოვრებელი, რომელსაც ყურადღების მოკრეფა სჭირდება იმისათვის, რომ თვალყური ადევნოს ტრანსპორტის ნაკადებსა და შექნიშნებს, ძნელად აღიქვამს არქიტექტურას, ისტორიულ თუ ხელოვნების ძეგლებს. ქალაქთმშენებლობა, ამბობდა ლე კორბუზიე, არის: საზოგადოების ცხოვრების გამოხატვა არქიტექტურის საშუალებით. ხუროთმოძღვრებაში საზოგადოებრივი ცხოვრების გამოხატვამ ისევ ადამიანთა სულიერ ცხოვრებაზე უნდა მოახდინოს გავლენა. მაგრამ როცა ქუჩები და მოედნები მხოლოდ სატრანსპორტო მაგისტრალებია, მათი არქიტექტურა არსებითად არავითარ ზემოქმედებას არ ახდენს ქალაქის მაცხოვრებლებზე. ცხადია, ყველაზე სრულქმნილ არქიტექტურასაც არ შეუძლია მთავარი როლი შეასრულოს ადამიანის სულის ჩამოყალიბებაში, მაგრამ მას მაინც აქვს თავისი ადგილი იმ ფაქტორთა შორის, რომლებიც ადამიანთა კულტურის ჩამოყალიბებაზე ახდენენ გავლენას.

• • •

ადამიანის კულტურა ბევრ გარემოებაზეა დამოკიდებული და ერთ-ერთი მნიშვნელოვანი ისიც არის, თუ რა პრესტიჟით სარგებლობს თვით კულტურა საზოგადოებაში, რა ყურადღება ექცევა მას საზოგადოების მხრივ, როგორ ვლინდება კულტურის პრესტიჟი ყო-

²⁵ ჩენი საუკუნის გამოჩენილი არქიტექტორი ვალტერ გროპიუსი ამბობდა: „თანამედროვე ქალაქში ქვეითად მოსიარულეთა მოედნები უფრო მეტად არის აუცილებელი, ვიდრე ოდესმე ყოფილა“ (В. Г р о п и у с. Г р а н и ц ы а р х и т е к т у რ ы. «Искусство», М., 1971, с. 185).

ველდლოერ ცხოვრებაში, ქალაქისა თუ სოფლის გარეგნულ იერშიც თანაშედროვე საზოგადოების კულტურის მთავარი ცენტრები მაინც დიდ ქალაქებშია თავმოყრილი და ამიტომ მათი არქიტექტურული სახე ამჟღავნებს, უწინარეს ყოვლისა, საზოგადოების დამოკიდებულებას კულტურისადმი. კულტურისადმი დამოკიდებულებას კი ისიც გამოხატავს, თუ რა ადგილი უკავიათ ქალაქის არქიტექტურულ სახეში კულტურის შენობებს — თეატრებსა თუ მუზეუმებს, საკონცერტო დარბაზებსა თუ კულტურის სახლებსა და სასახლეებს და სხვ.

კულტურა და ცხოვრება ერთმანეთთან შვიდროდ არიან დაკავშირებული. კულტურა ცხოვრების ნაწილია, ცხოვრებით საზრდოობს და მასვე ასულდგმულებს. მაგრამ ეს იმას როდი ნიშნავს, რომ ისინი ერთმანეთში უნდა აითქვიფონ. მაღალი კულტურის ქმნილებები რომ აღიქვას, ადამიანმა თავისი სულიერი ძალები უნდა დაძაბოს, ყურადღება მოიკრიფოს, ხოლო ამისათვის ყოველდღიური ცხოვრების ინტერესებიდან უნდა ამოირთოს და გარკვეული მანძილი, დისტანცია დაიცვას ხელოვნების ნაწარმოებიდან (სხვათა შორის, როცა თანაშედროვე თეატრი თითქმის რამპას აუქმებს და მოქმედება მაყურებელთა დარბაზში გადააქვს, ამით დისტანციას კი არ აუქმებს მაყურებელსა და თეატრს შორის, პირიქით, ხაზს უსვამს თეატრალობას და, ამით, დისტანციასაც). ტყუილად როდი იყო ძველთაგანვე სანახაობები დაკავშირებული განსაკუთრებულ დღეებთან, „დღესასწაულებთან“. საუკუნეების მანძილზე კულტურის ყველაზე მნიშვნელოვანი ძეგლები ეკლესიები იყო და მათთვისაც ადგილს საგულდაგულოდ არჩევდნენ ხოლმე. ბუნებრივია, არც კულტურის საერთო ტაძრებისათვის აქვს ნაკლები მნიშვნელობა მათ განლაგებას.

ჩვენს დედაქალაქში უკანასკნელ დროს გირკვეული ნაბიჯები გადაიდგა სასიკეთო მიმართულებით, ქალაქის ცენტრალური გამზირი თავისუფლდება წვრილმანი სავაჭრო ორგანიზაციებისა და დაწესებულებებისაგან, ის სულ უფრო მეტად იქცევა კულტურის გამზირად. მიუხედავად ამისა, ბევრი მნიშვნელოვანი კულტურის დაწესებულება მისთვის შეუფერებელ ადგილზეა განლაგებული. ასე, მაგალითად, ერთ-ერთი უმნიშვნელოვანესი კულტურული დაწესებულება, ხელოვნების მუზეუმი, მართალია, ქალაქის ცენტრშია მოთავსებული, მაგრამ გარეგნულად საკმაოდ უსახო, ტრანსპორტის გაჩერებებთან შიკველი, ფარდულებითა და დახლებით გარშემორტყმული, ის სრულებითაც არ ახდენს კულტურის ტაძრის შთაბეჭდილებას და არ უწყობს ხელს ამ მხრივ კულტურის პრესტიჟის ამაღლებას. ასევე თავისი გარეგნობით და უფრო მეტად კი ქალაქის არქიტექტურაში

თავისი ადგილით თავის დანიშნულებას არ შეესაბამება ისეთი დაწესებულება, როგორცაა რესპუბლიკური საჯარო ბიბლიოთეკა.

კულტურის მნიშვნელობას, კულტურისადმი საზოგადოების დამოკიდებულებას, იმას, თუ რამდენად ამაყობს ერი თავისი კულტურის მიღწევებით, ამჟღავნებს მონუმენტური ხელოვნება და მისი ადგილი ქალაქის არქიტექტურულ სახეში. ჩვენი მოქანდაკეებისა და მხატვრების მიერ შექმნილი მონუმენტური ძეგლების მაღალესთეტიკური ღირებულება კარგად არის ცნობილი და აღიარებული. მაგრამ ისიც უნდა გავითვალისწინოთ, რომ ჩვენი რესპუბლიკის დედაქალაქის ცენტრი დიდი ხანია ჩამოყალიბდა და მისი მნიშვნელოვანი რეკონსტრუქციის გარეშე ძნელია მას ისე შეეუცვალოთ იერი, რომ მნიშვნელოვანი ადგილი დაიკავონ თანამედროვე მაღალმხატვრულმა ნაწარმოებებმა. სწორედ იმის გამო, რომ ჩვენი დედაქალაქის ცენტრი საკმაოდ დიდი ხნის ჩამოყალიბებულია, ბევრი ნაკლებად გამომსახველი ქანდაკება ქალაქის მთავარ გამზირზეა წარმოჩენილი, უფრო ღირებულ ზოგიერთ ძეგლს კი აღქმისათვის შესაფერისი სივრცე არა აქვთ.

კულტურის გამოსატვისა და გავრცელების საშუალებებში ჩვენს დროს დიდი ცვლილებები მოხდა. შეიქმნა კულტურული ინფორმაციის მიღების ახალი საშუალებები და მათ შორის სულ უფრო დიდ ადგილს ეისფერი ეკრანი იკავებს. და მაინც დღესაც კაცობრიობის კულტურის მიღწევებს წიგნი განასახიერებს. წიგნი თავისადმი აქტიურ დამოკიდებულებას მოითხოვს. ამიტომ საზოგადოებისა და პიროვნების კულტურასაც კარგად ახასიათებს ის, თუ რა ადგილი უკავია წიგნს ცხოვრებაში, რამდენს, რას და როგორ კითხულობენ, რას თარგმნიან.

წიგნს ჩვენში თითქოს მკითხველი და, მით უფრო, მყიდველი არ აკლია. მაგრამ მაინც დამაფიქრებელია ის, რომ მოსახლეობის საკმაოდ დიდი ნაწილისთვის, რომელიც უმაღლესი განათლების მქონეებსაც მოიცავს, წიგნი ჯერ კიდევ არ არის ყოველდღიური მოთხოვნილების საგანი. წიგნს ჩვენში დიდი რეკლამა არ სჭირდება, მაგრამ ის, თუ როგორ ყურადღებას აქცევს წიგნს ეურნალ-გაზეთები თუ რადიო და ტელევიზია, კულტურისადმი საზოგადოების დამოკიდებულებას ამჟღავნებს და ამ დამოკიდებულების ჩამოყალიბებასაც უწყობს ხელს. არ შეიძლება ითქვას, რომ წიგნი მასობრივი კომუნიკაციების საშუალებებისათვის გერი იყოს: ისინი წიგნებსაც მიმოიხილავენ ხოლმე და ხამუშ-ხამუშ კარგი წიგნის გამო აღტაცებასაც გამოხატავენ, მაგრამ, რა თქმა უნდა, წიგნს ვერ დაუთმობენ იმ ადგილს, რაც მათში სპორტის ნებისმიერ სახეობასა და სანახაობას უკავია.

რაკი სპორტს შევადარეთ წიგნი, როგორც კულტურის მაჩვენებელი

ბელი, ისიც უნდა ითქვას, რომ კულტურის ფილოსოფია დიდ ყურადღებას აქცევს თამაშს და მის ადგილს ადამიანის ცხოვრებაში. ზოგიერთი ფილოსოფოსი სწორედ თამაშში ხედავს ადამიანის სპეციფიკას. პოლანდიელი ისტორიკოსი და კულტურის ფილოსოფოსი ჰეიზენგა ადამიანს უწოდებს homo ludens — „მოთამაშე ადამიანს“. ყველასათვის არის ცნობილი, რომ სპორტი დღეს დიდ როლს ასრულებს საზოგადოების ცხოვრებაში, მას შრავალი ფუნქცია აკისრია; სპორტის „ვარსკვლავს“ ან პოპულარულ გუნდს თავისი ქვეყნის სახელი უფრო შორს გააქვს, ვიდრე დიდ მწერალსა და მეცნიერს. მაგრამ მაინც დამაფიქრებელია, მიუხედავად სპორტის მნიშვნელობისა, მიუხედავად იმ დიდი სიამოვნებისა, რასაც ის ანიჭებს როგორც მოასპარეზებებს, ისე მათგანებს, ხომ არ შეგვაქვს ზედმეტი სერიოზულობა თამაშში, ხომ არ ვაკისრებთ ზედმეტ პასუხისმგებლობას მოასპარეზებებს, როცა ლამის სამშობლოს დასაცავად ვუთვლით მათ ცალკეულ წარუმატებლობას, დიდგორსა და კრწანისს შევახსენებთ ხოლმე მათ (და ამით ალბათ მათ დევალვაციასაც ვუწყობთ ხელს უნებურად), ისინი, ვინც ეზოს არ გავცილებივართ, სპორტული შეჯიბრების თეორიას, მის სტრატეგიასა და ტაქტიკას ვასწავლით პროფესიონალებს, მოვითხოვთ მათგან, რომ ხელისა თუ ფეხის ყოველი მოქნევის დროს სამშობლოზე ფიქრობდნენ, ჩვენს თავს კი ნებას ვაძლევთ მხოლოდ ლამაზ სიტყვებს ვკერძობოდეთ. მაგრამ დაუებრუნდეთ ისევ წიგნს, კულტურის ამ, უფრო ჩვეულ, მაჩვენებლებს.

წიგნი, როგორც ყოველი ნივთი, ყიდვა-გაყიდვის საგანია და წიგნით ვაჭრობის კულტურაც იმის მაჩვენებელია, თუ როგორი პრესტიჟით სარგებლობს ის და, საერთოდ, კულტურაც. ალბათ იმ ადგილს, რაც წიგნსა და კულტურას უკავია ჩვენი რესპუბლიკის ცხოვრებაში, არ შეესატყვისება ის, რომ მის დედაქალაქში, სადაც თითქმის ყველაფრის სასახლე და სახლია, დღემდე არ არის წიგნის სახლი („საბავშვო წიგნის სახლს“ თუ არ მივიღებთ მხედველობაში), სახლი, რომელიც ქალაქის მთავარ გამზირს „დამშვენებოდა და რაჩივად დამშვენებოდა“.

ქალაქის არქიტექტურული სახე გადამწყვეტ როლს ვერ შეასრულებს უარყოფითი მოვლენების დაძლევაში, მაგრამ ის მაინც გამოაჩენს საზოგადოების დამოკიდებულებას ადამიანისადმი: თუ ყველაფერი ადამიანისათვისაა, ქალაქის ქუჩებს, მოედნებსა და ნაგებობებსაც უნდა ეტყობოდეს, ადამიანის რა მოთხოვნილებებზე ზრუნავს საზოგადოება უპირველესად. როგორც მიქელანჯელოს უთქვამს, წერილობაზეა დამოკიდებული სრულყოფილება, სრულყოფილება კი წერილმანი არ არის.

„ყველაფერი ადამიანისათვის“ — ამგვარი ლოზუნგი ხშირად გვეხსნი, მაგრამ ეს სიტყვები არ უნდა გავაიჟოთ. ყველაფერი რაც საზოგადოებაში კეთდება, ბოლოსდაბოლოს, ადამიანებისათვის კეთდება: ადამიანებისათვის მუშაობენ ქარხნები, მოძრაობენ მატარებლები, შენდება სახლები. საზოგადოებრივი ცხოვრება ერთ ადგილზე არ არის გაჩერებული, ის განუწყვეტლივ მოძრაობაშია, მაგრამ მოწოდება „ყველაფერი ადამიანისათვის“ იმას კი არ უნდა გამოხატავდეს მხოლოდ, რომ საბოლოო ანგარიშით ყველაფერს ადამიანით ეძლევა აზრი, არამედ იმას, რომ ყველაფერი თავიდან ბოლომდე უნდა იყოს გამსჭვალული ადამიანებზე ზრუნვით. არა მარტო საცხოვრებელი ფართი უნდა შენდებოდეს, არამედ იმაზეც უნდა ვფიქრობდეთ, თუ როგორ იცხოვრებს მათში ხალხი, სინამდვილეში კი არაერთხელ ვხდებით იმის მოწინა, რომ „ადამიანებისათვის“ სახლების მშენებლობის დროს დაეიწყათ ისეთი „წვრილმანი“, როგორცაა ის, რომ სახლი ხმაურიანი მაგისტრალის პირას არის აშენებული, ე. ი. დაპპროექტებულს, მართლაც, საცხოვრებელი ფართი აუშენებია და არ უფიქრია ადამიანებზე. ლ. კობუზაძე წერდა, რომ სატრანსპორტო მაგისტრალების გასწვრივ და მათ გადაკვეთაზე აშენებული სახლები საცხოვრებლად უვარგისი არიან ხმაურის, მტვერისა და მანევ აირების გამო²⁶. მაგრამ ეს ხშირად არის ხოლმე უგულვებლყოფილი: ახალი საცხოვრებელი რაიონების გამოყოფაც კი მაგისტრალებიდან მხოლოდ ცალკეულ შემთხვევებშია განხორციელებული²⁷. სწორედ ამიტომ ახლა მოითხოვენ, რომ გაძლიერდეს პასუხისმგებლობა ხმაურის სანიტარული ნორმების დარღვევისათვის (უფრო სწორი იქნება, თუ ვიტყვით, რომ დადგინდეს ამგვარი პასუხისმგებლობა, ვინაიდან არსებულ კანონებს ამის თაობაზე ყურადღებას არავენ აქცევს).

²⁶ Ле Корбузье. Три формы расселения. Афинская хартия. М., 1976, с. 99.

²⁷ სამართლიანად აღნიშნავენ თბილისის განაშენიანებაში ამ მხრივ დაშვებულ შეცდომებს, მაგალითად, იმას, რომ „პავლიის ქუჩის, ვეა ფშაველას, ილია ქაქუაიას, მეგობრობის და სხვა გამზირების პერიმეტრიულმა გაშენებამ, რეასართულიანი სახლების“ წითელ ზოლზე გამოტანით საგრძნობლად გააუარესა ბინებში ჰიგიენური პირობები (თ. მახარაშვილი. არქიტექტურა და გარემოს დაცვა-გაუმჯობესება. „საბჭოთა ხელოვნება“, 1976, № 10, გვ. 69). ამავე მიზეზით თელიან, რომ სწორი არ არის უშუალოდ სანაპიროზე საცხოვრებელი სახლების აშენებაზე აღებული ორიენტაცია (Б. А. М и м и а ш в и л и. Развитие общественного центра Тбилиси. М., Стройиздат, с. 38). არის თუ არა ოლიანდ შეცდომის აღიარება რაიმე ნუგეში ამ ქუჩებზე მაცხოვრებელთათვის?

საზოგადოების მთავარი მხარეების განვითარება აღამიანთა ინტერესებისა და მოთხოვნილებების დაკმაყოფილების საფუძველია. მაგრამ ამ მხრივაც აღამიანზე ზრუნვა მარტო იმაში კი არ უნდა გამოიხატებოდეს, რომ იზრდება ქვეყნის ეროვნული შემოსავალი, ფართოდება და ვითარდება სახალხო მეურნეობა. საჭიროა გეგმაზომიერად ვითარდებოდეს თითოეული რაიონი, საზოგადოებრივი ცხოვრების თითოეული უბანი, რათა აღამიანს ყველგან ჰქონდეს შესაძლებლობა გამოიყენოს თავისი უნარები და კვალიფიკაცია, ჰქონდეს კულტურული ცხოვრებისა და დასვენების პირობები. ე. ი. საჭიროა სხვადასხვა რეგიონებში ცხოვრების პირობების შეთანაბრება. რა თქმა უნდა, როგორც არ უნდა გვათანაბროთ ცხოვრების პირობები, მაგალითად, სოფელსა და ქალაქს შორის, ქალაქი მაინც ქალაქი იქნება და დიდი ქალაქი — დიდი ქალაქი, რომელიც თავის მიმზიდველობას კიდევ დიდხანს შეინარჩუნებს, რადგან ის კულტურის მთავარ ცენტრებს უყარის თავს. მაგრამ თანამედროვე საზოგადოების ტექნიკური დონე, უწინარეს ყოვლისა კი ტრანსპორტის საშუალებათა განვითარება გაცილებით უფრო დიდ შესაძლებლობებს იძლევა, ვიდრე მათ ვიყენებთ, იმისათვის, რომ განსხვავება კულტურის ცენტრებსა და პერიფერიებს შორის ნაკლები იყოს და აღამიანებს ყველგან შეეძლოს დაეცნონ დიდ ქალაქებში თავმოყრილ კულტურის ფასეულობებს.

• • •

უარყოფით მოვლენებს უმთავრესად სამი ძალა უპირისპირდება: ჯერ ერთი ცალკეული აღამიანი — აღამიანში დადებითიც არის და უარყოფითიც, სიკეთეცა და ბოროტებაც, მაგრამ ნამდვილი აღამიანური ყოფნა თანაცხოვრება და შემოქმედებაა და მათთან ზიარებით სძლევეს აღამიანი უარყოფით მოვლენებს; მეორე ძალა არის საზოგადოება — საზოგადოებაც ორმაგი ბუნებისაა, ის, უწინარეს ყოვლისა, თავის არსებობასა და განვითარებაზე ზრუნავს, მაგრამ მას საბოლოო ანგარიშით აზრი არა აქვს, თუ ის ცალკეულ პიროვნებებზეც არ ზრუნავს. დაბოლოს, მესამე ძალაა კულტურა: კულტურა თავისი არსებით უარყოფითი მოვლენების წინააღმდეგ არის მიმართული, ის ანტიმემფიანური ბუნებისაა, მაგრამ მასაც აქვს თავისი უარყოფითი მხარე — ისიც შეიძლება აღამიანის ნამდვილ ინტერესებს დაუპირისპირდეს. აღამიანმა შეიძლება კულტურის ერთადერთ ღირებულებად ცოდნა მიიჩნიოს და ის ამავე დროს კაცობრიობის გასანადგურებლად გამოიყენოს.

ადამიანის საგანგებო ზრუნვის გარეშე, მისი მეცადინეობის გარეშე ვერც მისი ყოფიერება იქნება ჭეშმარიტად ადამიანური, ვერც საზოგადოებრივი ცხოვრების ორგანიზაცია დაექვემდებარება ადამიანის ამგვარ ყოფიერებას და ვერც კულტურა შეასრულებს ჰუმანისტურ, ანტიიმპერიალურ დანიშნულებას. ადამიანი, საზოგადოება, კულტურა თავისი ბუნებით უარყოფით მოვლენებს უპირისპირდებიან, მაგრამ ის, თუ როგორი იქნება უარყოფით მოვლენებთან ამ ბრძოლის შედეგი, დამოკიდებულია იმაზე, თუ როგორ იბრძოლებდნენ ეს ძალები. საზოგადოებრივ ცხოვრებაში, როგორც კარგად წერს ერთი ავტორი, გარანტირებული პროგრესი არ არსებობს²⁸. პროგრესი შეიძლება მხოლოდ ადამიანთა ბრძოლის შედეგი იყოს, რაც, თავის მხრივ, იმაზეც არის დამოკიდებული, თუ რამდენად ვერ ურიგდება ადამიანი უარყოფით მოვლენებს. ჰენრი თოროს უთქვამს: „არა აქვს მნიშვნელობა, მიაღწევს თუ არა გემი ნავსადგურს, მთავარი ის არის, რომ ჯეზს არ ასცდეს“: არა აქვს მნიშვნელობა იმიტომ, რომ ცხოვრების ოკეანეში არც არსებობს ნავსადგური, სადაც კაცობრიობის მოძრაობა შეწყდებოდა და ადამიანებს არავითარი საზრუნავი აღარ ექნებოდათ.

²⁸ А. Лебедев. Чаадаев. «Молодая гвардия», М., 1965, с. 140.

КУЛЬТУРА В ЧЕЛОВЕЧЕСКОЙ ЖИЗНИ И БОРЬБА С ОТРИЦАТЕЛЬНЫМИ ЯВЛЕНИЯМИ

Резюме

За последние годы мы больше внимания обращаем на борьбу со всякого рода отрицательными явлениями, которые связываем с частнособственнической психологией. Эти явления затрагивают всех, они обсуждаются не только обществоведами; о них создаются определенные взгляды почти у каждого человека, которые не всегда состоят из правильных обобщений, а состоят порою из предрассудков, порождаемых либо тенденцией к упрощению, либо тем, что даже те, которые сами не являются носителями этих явлений, зачастую испытывают в какой-то мере их влияние. Эти предрассудки мешают складыванию правильного отношения к отрицательным явлениям в жизни человека и затрудняют борьбу с ними. В предлагаемой научно-публицистической книге показывается сложность отрицательных явлений, их связь с различными сторонами человеческой жизни, их социально-культурные и социально-психологические предпосылки, характеризуются роль культуры в преодолении этих явлений.

В первом разделе, озаглавленном «Сложность простого», показывается ошибочность упрощенного толкования природы, причин отрицательных явлений и путей их преодоления, в частности проявляющегося в том, что причины этих явлений видят лишь в экономических условиях, в недостаточном уровне производства материальных благ. Такой взгляд настраивает на пассивность, на ожидание того времени, когда будет достигнут более высокий уровень жизни. Другое упрощение в этом вопросе проявляется в том, что главное средство борьбы с этими явлениями видят в административных мерах, в мерах осуждения и наказания. Подобного рода взгляды имеют хождение, конечно, не в научной литературе, а на уровне обыденного сознания по преимуществу, тем не менее нельзя преуменьшить значение того, чтобы показать ошибочность такого толкования отрицательных явлений.

Отрицательные явления, конечно, связаны с экономическим развитием, но главным образом не непосредственно с экономическим уровнем общества, а с экономическими отношениями, а именно с частнособственническими отношениями. Эта связь характеризуется в следующем разделе книги «Быть и иметь». Однако связь отрицательных явлений с частнособственническими отношениями также не следует толковать слишком прямолинейно, иначе это может породить упрощенный взгляд, сводящий эти явления к «пережиткам прошлого». Индивидуализм и эгоизм, которые считаются порождениями частнособственнических тенденций, не обязательно порождаются господством частнособственнических отношений. Они могут быть обусловлены и узостью материальной жизни, когда вся деятельность человека уходит на добывание средств жизни, вследствие чего средства жизни превращаются в конечные цели человеческой жизни. Эти явления могут быть порождены и неправильным семейным воспитанием, когда избыток «заботливости» родителей может развить у подростка эгоизм и иждивенческие настроения. Узость экономической жизни, а также ориентация на потребительство может породить ориентацию на владение, а не на бытие, что, согласно Марксу, представляет собой оглушение человека и обуславливает одностороннее развитие человеческой личности, проявляющееся в различных сферах человеческой жизни. Эти проявления, хотя и в абстрактной форме, проанализировали современные западные мыслители, в частности, Э. Фромм.

Важнейшему аспекту человеческого бытия — труду, его месту в человеческой жизни, условиям и организации труда, влияющим на формирование ценностных ориентаций личности, посвящен следующий раздел книги. В нем рассматривается сложность взаимосвязи между мотивами труда, показывается необходимость конкретной оценки этих мотивов с учетом характера труда, его общественного престижа, а также совершенства системы оплаты труда. Недостатки в условиях и организации труда, несовершенство в системе оплаты труда могут создать благоприятные условия для усиления потребительских тенденций. Вместе с тем, сведение смысла жизни человека к труду тоже является односторонностью и не стимулирует людей к усилиям, направленным на то, чтобы сделать труд более осмысленным, интересным, обесценивает другие человеческие ценности.

Объяснить человеческое поведение, в том числе его антиобщественные поступки можно лишь на основе определенного понимания структуры человеческого бытия. Понять отрицательные явления, процесс возникновения у человека отрицательных ценностных ориентаций можно лишь учитывая роль ценностных ориентаций вообще, необходимость для человека положитель-

ной оценки своего образа жизни, своей жизни. Отсутствие по-
тем или иным причинам возможности положительной оценки
своей жизни в одобряемой обществом сфере и образе деятель-
ности порождает, как правило, стремление человека искать пу-
ти удовлетворения потребности в смысле жизни в иной, недозво-
ленной обществом сфере деятельности. Об этом речь в следую-
щем разделе книги.

Ценностные ориентации, понимание своих ролей в общест-
ве, смысла своей жизни люди черпают из определенной куль-
туры. Но культура, как об этом говорится в разделе «Культу-
ра личности», является не только средством социализации, ус-
воения людьми принятых в обществе воззрений и норм жизни,
но и помогает человеку выработать способность самостоятель-
ного выбора линии поведения. Кроме того, по своей сущности
культура ориентирует человека на творчество, на человеческие
отношения, потому подлинная культура является важнейшим
средством гармонизации человеческих ценностных ориентаций,
а следовательно и средством преодоления отрицательных цен-
ностных ориентаций, отрицательных явлений.

Одним из измерений культуры является взаимоотношение
традиции и новизны. В разделе «Значение традиций» рассмат-
ривается смысл традиций, вытекающий из общественной приро-
ды человека и состоящий прежде всего в удовлетворении ими
потребности человека в общении. В отношении людей к тради-
циям проявляется характер ценностных ориентаций людей: фе-
тишизированные традиции, нежелание что-либо изменить в них,
лишает их подлинного смысла, превращая их в формальный ри-
туал, но легковесное отношение к традициям, утилитарный под-
ход к ним является проявлением потребительства. Ни утилитар-
но-потребительский подход к традициям, ни стремление к за-
консервированию традиций или к реанимации исчезнувших, от-
живших традиционных церемоний не являются оправдан-
ным, адекватным отношением к традициям, не ведут ни к ут-
верждению их, ни к устранению их устаревших сторон. Утили-
тарное отношение к традициям является следствием «засилья»
потребительских тенденций и наши усилия прежде всего долж-
ны быть направлены на то, чтобы воздействовать на эти по-
следние, что и приведет к устранению отживших сторон в самих
традициях.

Главным источником, почвой, порождающей искажение на-
родных традиций, как и отрицательные явления вообще, явля-
ется мещанское мировоззрение. Мещанская психология, как пи-
тательная почва отрицательных явлений, характеризуется в раз-
деле «Мещанин и культура». В ней дается социально-психологи-
ческий портрет современного мещанина, показывается, как ме-
щанское мировоззрение с его сосредоточением на вещно-мате-

риальные стороны жизни, с его эгоистическим индивидуалистическим настроем ведет к обесцениванию подлинных человеческих ценностей и создает благоприятные условия для расцвета духа «делачества», попрапия законности и т. д. Конечно, преодоление самого мещанского мировоззрения является сложным процессом, но определенное значение имеет и разоблачение мещанского мировоззрения, раскрытие сущности мещанства для самого мещанина.

В последнем разделе книги характеризуются пути воздействия культуры на процесс преодоления отрицательных явлений. В нем прослеживается влияние односторонней ориентации школы на знание, преуменьшения значения нравственного, трудового, эстетического воспитания, мещанских взглядов на образование, на «успех в жизни», усваиваемых порою подростками от родителей, на формирование ценностных ориентаций людей; характеризуется связь между различными сферами жизни, сложность условий, влияющих на распространение отрицательных явлений в сфере торговли и обслуживания населения, что делает необходимым ряд организационных мероприятий для их устранения, а не только усиление контроля; подчеркивается важность конкретной заботы о нуждах и интересах конкретных людей, всесторонний учет условий их жизни, а не только общая забота об увеличении выпускаемой продукции, об увеличении жилплощади и т. д.; показывается влияние престижа культуры на ценностные ориентации людей. В заключении говорится о том, что успех борьбы за преодоление отрицательных явлений в жизни человека зависит от многих факторов, что нельзя всех делать одинаково ответственным и виновным за существование этих явлений, но среди этих факторов одним из важнейших является решимость людей, их активность.

სარჩავი

მარტივის სირთულე	6
ყოფნა და ფლობა	14
რას ამბობენ ფილოსოფოსები შრომის შესახებ	25
რა განსაზღვრავს ადამიანის ქცევას	34
პიროვნების კულტურა	46
ტრადიციების მნიშვნელობა	57
მეშჩანი და კულტურა	67
აქვს თუ არა აზრი „ქოსა“ და „არას“ კიდილს	77
Резюме	101

ОТАР ИВАНОВИЧ ДЖИОЕВ
КУЛЬТУРА В ЧЕЛОВЕЧЕСКОЙ ЖИЗНИ
И БОРЬБА С ОТРИЦАТЕЛЬНЫМИ ЯВЛЕНИЯМИ

(на грузинском языке)

ТБИЛИСИ

МЕЦНИЕРЕБА

1985

სბ 2517

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

•

რეცენზენტები: ფილოსოფიურ მეცნ. კანდიდატი თ. ბუაჩიძე
ფილოსოფიურ მეცნ. კანდიდატი დ. ქერქაძე

რედაქტორი გ. ბანძელაძე
გამომცემლობის რედაქტორი ე. ფარქოსაძე
მხატვრული რედაქტორი გ. ლომიძე
ტექნორედაქტორი ც. ქაშუშაძე
კორექტორი ც. დედეაძე

გადაეცა წარმოებას 24.4.1984; ხელმოწერილია დასაბეჭდად 6.2.1985;
ქალაქის ზომა 60x90/16; ქალაქი № 1; ბეჭდვა მაღალი; გარნიტურა ვენური;
პირიბითი საბეჭდი თაბახი 6.8; საალრიცხვო-საგამომცემლო თაბახი 5.8;

ფასი 85 კაპ.

უე 01288,

ტირაჟი 1203;

შეკვეთა № 1283;

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19